

MS 250  
42  
部 = 15

江西通志稿

第一五册

水系

江西水道網羅四布貫通各縣而委輸於鄱湖幹流有賴撫信  
 鄱修五河各受支流以成水系又有直入鄱湖或長江者為使  
 於統屬另成湖江一系即以此六大河系溯幹及支窮源竟委  
 分條敘述其源出本省流入他省者別著篇末參稽府州縣  
 各志有一河流而古今殊稱遠近不同東西歧異者詳考測圖  
 依據江西有陸地測量局民國二折衷眾說叙明統系繪製圖  
 十餘年之久而分屬國籍測圖  
 表參互對照以期明瞭若乃採訪未周疑者從闕訛誤可正別  
 以按語仍仿舊志條舉水名旁及灘險要津名賢軌躅附錄為  
 後以備考焉

一、贛河系 上源有二西曰章水東曰貢水會於贛縣始稱贛江  
 演漸北流東受吉水之馬江新淦之沂江豐城之富水西受遂川  
 之遂江永新之禾水安福之廬水宜春之袁水高安之錦江經南  
 昌入鄱湖經流五百五十餘公里萬安以上灘多水急吉安而下

江西通志館補編

輪舟暢通蓋贛之巨川也萬曆朝宗幹經支鱗溯源探本列而叙

章水 源出崇義西南四十五公里之聶都山沙漠洞稱章水方  
 石五色水如滴漏至洗心橋始大東南入大庾境西會廣東仁

化發源之平政水一名合涼熱水據字記而東  
 又曲折流至浮江街會崇義傀儡山之大明水又東至大庾縣

治演迤縈繞於治之南一名橫江源以此橫抵治東迎陽橋受  
 營泉竇之孤嶠水湯瓶嶺之崗山水治南十公里有深坑水即

入舊志誤為源無水梅嶺挾大小沙河而北流經東山麓注  
 又趨南轉東北合今山之靈巖水雲山密水雲圭山地江水北

樟坑出新城圩入南康界章水在大庾境迂迴一百六十公里  
 浮江以上不通舟楫

又東北入南康境鍋坑蕉溪水蘇軾詩蕉溪關西北流至浮石

試雨前春指此

注之	又東北	會龍迴	布尾之	封侯水	盧源坑	之巽水	獨秀峯之
秀水	羅龍嶂	之高	坡水	西會	紅桃嶺	之桃水	坑合小水
章	東流	至南	康志	西符	水在	治東	南出
則	湖	或	符	乃	蓋	字	而
田	為	至	坪	江	至	南	康
又	曲	折	東	北	流	二	十
上	猶	水	者	源	出	湖	南
水	東	流	入	崇	義	坑	經
來	諸	溪	水	又	東	北	流
五	爪	嶺	水	又	東	合	小
水	廣	下	水	注	之	折	而
貴	崇	義	境	至	金	雞	峽
源	又	東	流	轉	南	經	上
折	南	轉	東	北	入	南	康

及	沙	溪	堡	之	沙	溪	水
餘	公	里	經	湖	頭	圩	入
章	水	至	鎮	縣	北	枕	源
附	錄	見	於	舊	志	本	文
麟	潭	在	崇	義	縣	西	一
名	下	流	為	上	猶	江	又
按	崇	義	縣	志	麟	潭	圩
西	符	水	在	崇	義	縣	東
入	南	康	縣	界	南	登	江
南	原	水	在	崇	義	縣	西
水	曰	符	口				
潛	水	在	崇	義	縣	西	一
噴	出	故	名	土	人	謂	之

溫泉在崇義縣西二十里紫洞達於江清	義安水源出大庾縣玉泉山流經縣東南義安里故名流入	西符水	章水在大庾城南門外即古潯水亦即豫章水一名函江源	出崇義縣縣東山 <small>其崇義縣志圖水源在縣東</small>	湛口江在大庾縣東南四十里源出留地坑會赤江東流五	十里入章江水淺而清故名	鼻吸河在大庾縣內一名魚腸溝以城狹長為魚形故名俗	呼碧溪河源出西城外小溪由濠入城百餘步穴行地中分	兩支歲久淤塞腐穢居民多疾明知府張弼令歲一挑濬其	後北支湮廢失道清乾隆間知縣余元璧另闢一支以行	五羊灘水在大庾縣東二里源出鬱邨 <small>一作邨</small> 入江有石瀕岸	舊傳五仙騎羊過灘故名又東三里為過步灘水水勢湍急	中有巨山突出舟至此人輒登岸步過明知府張弼鑿平之
------------------	-------------------------	-----	-------------------------	------------------------------------	-------------------------	-------------	-------------------------	-------------------------	-------------------------	------------------------	---	-------------------------	-------------------------

江西省通志館稿紙

又有樟槎水其源出章坑東流合大里水	涼熱水在大庾治西南百五十里同源一涼一熱熱水池園	二丈餘深尺餘流四步合涼水入江	大庾縣志按涼熱水視章水發源縣都山較遠寰宇志云	良熱水昔名豫水漢立豫章郡因此而名志勝云江水發	源湖廣郴州上章界因名曰章豫章以此二水命名與賴	命名同似可據為定論其不曰豫水而曰涼熱者通志謂	自唐避代宗諱始或云俗因其姓名之皆通至涼作良上	章作宜章則或因傳寫而訛或以傳聞而誤不足深辨也	政豫章之辨衆已此亦可備一解	和溪在大庾縣東北三十里源出獻山經和溪邨入章江	湛泉在大庾縣東一里廣化院後泉有二左圓石方俱以石	甃四時湛然不竭漱石微有聲宋政和間通判閔師文作湛	若亭二淳熙戊戌知軍李夫正改作湛泉亭州人繪李像築
------------------	-------------------------	----------------	------------------------	------------------------	------------------------	------------------------	------------------------	------------------------	---------------	------------------------	-------------------------	-------------------------	-------------------------

屋臨泉而祀之久廢明正德間里人張經復建亭其上	上泉在大庾縣東山寺先是山腰蒙川館後有泉前守鑿為	曲水僧舍在館之上往往從下取汲傳有僧性定者向眾云	水可下不可上乎乃用符咒曰泉且上來與老僧洗鉢其餘	出山灌溉逾時僧厨旁石竇出一水故名	又有正泉俗名滾水井里人用以溉田	卓錫泉在大庾縣西南大庾嶺相傳唐僧慧能自黃梅受衣	鉢之曹溪五百僧追奪之至大庾嶺能以錫卓石泉隨涌清	冷甘美眾駭而退泉之右有展衣坪或鉢石又有霹靂泉相	傳家時大旱僧致禱一夕大雷雨泉出於竇故名	涌水泉在大庾縣西南四十里明永樂間居民忽見四山雲	霧朦朧柱視有泉涌出可灌田數十畝	猶水在上猶縣東半里源出猶石嶂又縣東三里有造水出	老寨背縣南六里有稍水源出石溪至稍口
-----------------------	-------------------------	-------------------------	-------------------------	------------------	-----------------	-------------------------	-------------------------	-------------------------	---------------------	-------------------------	-----------------	-------------------------	-------------------

江西省通志館編

感坑水在上猶縣東南十五里十一二源出涼鐵峯下有龍	井	九十九曲水在上猶縣東北四十里源出上坪水流九十九	曲	營前彭山水入上猶江流繞縣南亦名縣前水或云彭山水	即漢志所稱南楚彭水也又東至縣西五十里曰琴江又東	至蜈蚣峽合門水	天池在上猶縣北三十里小梅嶺之南舊傳漢梅福煉丹處	藥臼陷而成池積水四時不竭	芙蓉江在南康縣南門外即章江自大庾縣界流至此澄泓	潭深江之南有平沙橫衍數里成民聚落下行里許入東山	徑有芙蓉港又東十里有芙蓉橋以唐時兩岸皆種芙蓉故	名繞治南而東流折北凡一百二十里至贛縣會貢水	塘江在南康縣北四十里一名梅江源自小梅嶺及贛縣略
-------------------------	---	-------------------------	---	-------------------------	-------------------------	---------	-------------------------	--------------	-------------------------	-------------------------	-------------------------	-----------------------	-------------------------

湖二水合流至長伯里灌上猶江口塘泓深漸漫折而東	二十餘里入三江口經湖頭會貢水	南塋水在南康縣西一名桃水源出紅桃嶺合蓮塘水入章	江	巽水在南康縣東南一名西流水有二源一出大內頭由合	江口會龍坑水經馬嶺而西一出廬源坑由三角廟至東嶽	廟二水合而西流橫經學宮巽維故名又名六秀水	大田水在南康縣西北四十里源出景奉湯山東流至南塋	口入章江南康志入桃水	禽水在南康縣西北源出禽山崇文里東流百五十里至南	塋口入章江相近有過水源出過山東流會南塋水	封侯水在南康縣西南三十里源出布尾東流過校溪至石	門灘入章江相傳梅銷駐兵臺嶺兵衆嘗營水濱後銷封臺	侯故名
------------------------	----------------	-------------------------	---	-------------------------	-------------------------	----------------------	-------------------------	------------	-------------------------	----------------------	-------------------------	-------------------------	-----

江西省通志館稿紙

東溪在南康縣東	丹井在南康縣西仙臺觀井有二前後相對如呂字相傳宋	建炎初呂仙寓此與鄧道士開二井旬寫其像并題詩	蘇步井在南康縣治東蘇步坊下有石底如盤開九孔泉自	下涌出宋蘇軾嘗經此酌之故名	貢水	源出福建長汀新樂山 <small>洪亮吉乾隆府臚州縣志云章水即豫章水貢水即湖漢水係豫漢</small>	書地理志西流經古城入瑞金界十五公里至縣前會綿水	綿水自縣東北黃竹嶺發源經湖洋過陳石山羅漢巖至壬田	市網諸小溪之水至均田腦會合龍市水至縣城匯貢水源	綿江西南流經湖嶺背石水灣武陽園謝坊會合諸小水至會	高縣湖水會之	湘水即雁者發源於尋鄔項山石麓龍溪 <small>按會昌湖道宏作貢水考云貢水當以龍</small>	漢屬近支	南屬近支	餘公里石湖水深可通小舟由西門外折向南越五橋復向西
---------	-------------------------	-----------------------	-------------------------	---------------	----	---	-------------------------	--------------------------	-------------------------	--------------------------	--------	--	------	------	--------------------------

折而北入十八灘西北流出三門灘 <small>三門灘有過洛口塘至安</small>	遠江口會源江水	濂江水即梅林水源出安遠大壩頭界天獅腦之坪坑西北流	五公里遠城西北合坎山安遠水同縣北經古田合上源水始通	梭船西北至石角納九龍嶂水至龍頭納信豐分界水至新邦	納大山光頭嶂水至河口納龍佈圩水至桂林江納仁風圩水	竹北經會昌界過漁翁鋪庄鋪至洛口圩合會昌湘水	貢水會湘濂二水後西北流至白鵝圩東受來自小密之水	水之北流至雲都澄江口東有源出瑞金野湖之九堡水經九	雙合霸水 <small>源出銅山向西南流過會昌西江圩轉西北至小密公</small>	館北出支源至韓西流來會又西流過梓山圩潭頭圩至白口	塘會梅江水	梅江水發源寧都縣北一百三十里之梅嶺 <small>嶺舊志界連梅建二</small>	寧都州志指梅嶺界連廣昌竹橋梅江出梅口會洛口有梅故名	考圖梅口在洛口之下附近經麻源下坊出梅口之水
--	---------	--------------------------	---------------------------	--------------------------	--------------------------	-----------------------	-------------------------	--------------------------	---	--------------------------	-------	---	---------------------------	-----------------------

江西省通志館稿紙

六

舟楫西南流經縣前過坪山市秋口天猷坪次第受吊橋排水	瀾 <small>以作水口西</small> 瀝寶山登雲峯桐樹坪望 <small>作</small> 夫嶂諸水始通	寧化界坐不嶺之大牛嶺水西南流踰福田抵豐山達琴口會	琴水源出石城縣北之牙梳山 <small>俗呼牛</small> 南流至豐山市會源	至黃石鑽大洲塘受石城之琴水 <small>在寧境梅</small>	中國歷通天法沙松湖堤之白沙江梅水經流至田頭梅嶺漢	濕坊車田渠之小溪又左會自武頭峯麓東南流遷石城界至	之鰲溪又左會自谷際龍秀遷同口會會同南當檀口諸水遷	龍橋達城北之龍變溪又左會自修嶺遷招江池布遠坪西口	安福至連湖之桃溪又南會自蓮花山下出水洞遷竹坑至見	之下西江水經約上東江入梅川又南右會自桃林山至	志昨而南東至一石漢水南至於南漢州又南會發源於小佈村	口會上東江及上西江水落口上西江源東渡臨山嶺由帶源至	故知第有梅嶺遠出梅建連界而為嶺之水發源之處也南至洛	不得持為寧都幹流而以梅川名之距城亦不及百里南至洛
--------------------------	---	--------------------------	--	-----------------------------------	--------------------------	--------------------------	--------------------------	--------------------------	--------------------------	------------------------	---------------------------	---------------------------	---------------------------	--------------------------

至埠前崗河田有小溪水自雪芳左坑馬嶺分流會於新渡圩	西北行來會又西流經三門灘至峽山圩入贛縣境又西北至	過亨都城南西流至孟口納古木嶂東南行之老村水西南流	折而南逕嶺背圩黃金潭入白口塘東匯會昌來之貢水西流	堡水之一支流自公塘北流來會又西流通車頭圩至水頭圩	石銀坑勾逕篋諸水注入之又西南流過韓信峽有瑞金九	流北受至汾坑圩古潭埠有長樂水源自興國銅嶺南行合同	山南流合青塘賴村東塘王屋前諸水注入之	西南復向西北入亨都境西北流至曲陽有坎田水源自寶華	梅水又西南流入瑞金境遠瑞林寨南受觀人山水轉西北折	金大相地水至大瓦坪對岸入梅水	渡入寧都境稱句鹿江	在市蓮花山水	難石連石馬下	經大茶田注金
--------------------------	--------------------------	--------------------------	--------------------------	--------------------------	-------------------------	--------------------------	--------------------	--------------------------	--------------------------	----------------	-----------	--------	--------	--------

出大都口之雁溪水	星橋之清溪水自上塘嶺發源歷蘭芬社大合西坑眼龍諸溪	界之東韶水	西之水又南受龍沙之水又南至楓兜接贛縣境左受九山轉	行至德星橋受荷嶺之水至廖屋溪受黎樹下及馬良合流之	水崇賢圩而下稍道丹嶺合激水後轉平川	西流至興國縣東門合激水	激水發源興國東北桐林逕	園洛溪之水稍可通舟至古龍崗受敵南山水西行至營前	受三寨梅善之水至羅灘有觀音坳發源之水合蕭公嶺之水	逆流十五公里來會向西曲折流至長信受城崗龍岡頭會來	諸水轉西南至水溝子受來源逕周嶺下由江背洞合流之水	西流至興國縣東門合激水	激水發源縣北覆筍山東南流合寶石方太巖坑教富紫源諸	江口興國平川合激激二水來會
----------	--------------------------	-------	--------------------------	--------------------------	-------------------	-------------	-------------	-------------------------	--------------------------	--------------------------	--------------------------	-------------	--------------------------	---------------

星橋之清溪水自上塘嶺發源歷蘭芬社大合西坑眼龍諸溪  
 出大都口之雁溪水  
 界之東韶水  
 西之水又南受龍沙之水又南至楓兜接贛縣境左受九山轉  
 行至德星橋受荷嶺之水至廖屋溪受黎樹下及馬良合流之  
 水崇賢圩而下稍道丹嶺合激水後轉平川  
 西流至興國縣東門合激水  
 激水發源縣北覆筍山東南流合寶石方太巖坑教富紫源諸  
 園洛溪之水稍可通舟至古龍崗受敵南山水西行至營前  
 受三寨梅善之水至羅灘有觀音坳發源之水合蕭公嶺之水  
 逆流十五公里來會向西曲折流至長信受城崗龍岡頭會來  
 諸水轉西南至水溝子受來源逕周嶺下由江背洞合流之水  
 西流至興國縣東門合激水  
 激水發源縣北覆筍山東南流合寶石方太巖坑教富紫源諸  
 江口興國平川合激激二水來會



公四十五	入貢水西南流過龍石咀	桃水	源出慶南縣冬桃山北流至水口會古家營水經江子頭	受馬牯塘水下過筋竹	觀音閣受張波	入至江口入龍南縣境源句潤洞帽山旗山之小溪至楊村會	為羅盤江又名太平江水下匯鐘鼓潭至程龍圩黃河水關	耕頭水左右來會過渡江圩至縣城遠西行轉北合濠濠二水	濠水	源出龍南縣東程嶺界定遠關西圩築堰放舟西北流合	大舉口水牛角坑水過里仁圩經揚坡琪至彈子岩下合桃濠	二水為三江	濠水	源出小武當	至塘口圩下會石門水至黃渡陂受歸美山水歷汶龍羅塘來	會又合湯湖東坑溪水水勢漸大可通舟楫至大田坑西坑水	濠馬北至獅子頸下有都波灌田五百餘斛折東趨城北與桃
------	------------	----	------------------------	-----------	--------	--------------------------	-------------------------	--------------------------	----	------------------------	--------------------------	-------	----	-------	--------------------------	--------------------------	--------------------------

江西省通志館稿紙

水合	又東至三江口與濠水會而北至泗口來自犁鼻山之泗	源水	合諸水入馬抵龍頭兩岸高峯一線奔流險比三峽貨舟	對駁名為搬龍下入信豐縣境之江口圩西納發源廣東始興	龍南界之黃田河	桃水	既會黃田河折而東流至極富圩方溪水自定南東北南	坑均北流會龍頭嶺下諸水向西北經龍舟圩	小江水	內江水至鐵石龍頭口入馬又西北流小河水源出廣	東南雄	即舊縣界東行合土龍籍坑二水至河口來會又北折	東北至縣北城下受源出猶山之西河水	北折而東會東鄉江水	東鄉江水	者歙名東源出安遠縣界西流經新田為新田江	南源	出安遠界經安慧圩之安慧江合諸溪水來會又西流至	龍虎口入桃水馬	挑水	北流至雙溪口納牛頭
----	------------------------	----	------------------------	--------------------------	---------	----	------------------------	--------------------	-----	-----------------------	-----	-----------------------	------------------	-----------	------	---------------------	----	------------------------	---------	----	-----------

烏溪灘入贛縣界灘石百里舟楫難通亦有十八灘之名左受	粵都界牛嶺流來之小陽坑水 <small>大車坑對石受南康界羅龍嶺</small>	下流來之大田水 <small>入江</small> 出石灘四十里東會貢水後西行曲	折過茅店七里鎮至贛縣治北章水來會章貢既合流賴汝之	經流始焉	按貢水流域之尋鄔縣河流除北境有發源項山在麓之龍	溪西北流入會昌筠門嶺西會尋鄔周金山流出之一水外	其餘若馬蹊 <small>又作</small> 江尋鄔江諸水皆流入粵境又安遠有三	伯坑水定南有三坑水皆入粵與尋鄔水會流入南海以上	各水均見於附錄以便政覽焉	附錄	綿江水在瑞金縣東南源有二一出福建長汀縣白頭嶺一	出縣東北陳石山龍池流五十里至縣南入貢水又烏郵督	水銅盞山瀟水羅田浮圖水俱入貢水
--------------------------	--	--	--------------------------	------	-------------------------	-------------------------	--	-------------------------	--------------	----	-------------------------	-------------------------	-----------------

江西省通志館稿紙

石婆廟灘在瑞金縣西一里許上有石婆廟故名折而南十	五里曰浮橋瀧灘又二里曰茶壺灘又八里曰塔石 <small>一作塔</small>	灘之至險者	瀧水在石城縣北源出遙嶺西流至縣北門與琴水合西流	歷三門灘龍灘迴龍灘至大瀟塘入梅江	長橋水在石城縣西南福建寧化縣流入縣界至亭田與橫	江水合又有賴家畹水由浮嶺界流入寧都	秋漢在石城縣南六十里源出福建長汀縣界流合縣南大	漢	清音水在寧都縣西北二十里 <small>一作百里</small> 源出天株山東流至	羊灘渡合潭口水名西江水又東經縣北合梅江	雙魚洲在寧都縣南二里浮卧江中如遊魚狀巨浸不沒舊	建畫錦亭於其上	釣洲在寧都縣南二十里彎環曲折形如釣鉤徑纒數百步
-------------------------	---	-------	-------------------------	------------------	-------------------------	-------------------	-------------------------	---	---	---------------------	-------------------------	---------	-------------------------

舟行遶回必半日始達為梅川之關鎖	溫泉有七在寧都者二在石城者五石城又有熱水湖溫湖	湘洪水在會昌縣北七里合綿湖二水西北通寧都流入貢	水深不可測其灘曰老虎湘洪北洪豬肚羊角羊角灘長二	里中有穿針龍鉤背倒鬚諸石最險迅又西曰鸞鷲浴口愴	惶龍化上橫下橫梁洪梁洪灘長五六里中有九曲舟人畏	馬	單山水在會昌縣南二十里源出雁門峽流入浙水	榮陽水在會昌縣東南源出單門嶺南東南流合上輔水入	福建武平縣界即廣東石崖溪之上源也	羊角水在會昌縣南百二十里舊名郎漢東達福建武平縣	界南達廣東程鄉縣界為會昌襟喉湘水發源於此	墨斗灣在會昌縣南一百二十里源出雁門峽急流三折狀	如墨斗故名
-----------------	-------------------------	-------------------------	-------------------------	-------------------------	-------------------------	---	----------------------	-------------------------	------------------	-------------------------	----------------------	-------------------------	-------

江西省通志館稿紙

源江水在安遠縣南門外一名安遠江即古源水也源出長	寧之仰天湖或云出天獅腦之坪坑合中條艾壩水繞縣城	西北會坎山上源里仁小華江諸水流至板石始通舟楫北	入會昌縣界	大源水在安遠縣北源出縣東北上源坊西流經古田坊入	坎山水即寰宇記上林水之謠也	寧水在寧都縣北三十二里源出跌爛水繞東溪即漢灌嬰	始建縣治地經雙橋入貢水	礫下水在寧都縣西源出縣北馬跡坊南流經礫下至麻油	坑入貢水又夢口水三門灘水俱源出古木嶂下	着水源出寧都縣西北石含山南流入貢水	流波水 <small>一作流波</small> 在寧都縣南源出龍坳其西又有小溪水俱西	北流入貢水	筠竹水在寧都縣西南八十里源出高嶂山北合寧水
-------------------------	-------------------------	-------------------------	-------	-------------------------	---------------	-------------------------	-------------	-------------------------	---------------------	-------------------	--	-------	-----------------------

渡水在雲都縣東北一百二十里源出龍山南流會曲陽水	入寧都水	曲陽水源出雲都縣東北一百九十七里曲陽山	寧都水在雲都縣北一百七十里自寧都州界流入合散水	箕營黃沙長樂諸水至縣東南入貢水上流有灘十二曰萬	激八賴井洲鶴鷄樂口大傳車頭小萬苦竹長灘率口牛牯	木溪在雲都縣東北源出九山嶂合水頭水至率口入貢水	上十八灘湖梅江至石子壩歷瑞金境其灘曰山龍又五里	其灘曰確耳十五里至瑞林寨其灘曰上窰曰下窰曰鉤脚	曰雙龜曰仙人甕祠去各二三里皆奇險而鉤脚仙人甕為	最又下曰火曼灘至長沙潭凡二十里又十里至黃坑口其	灘曰青草湖曰蓋舟蓬曰落灘折而北復南流十里其灘曰	大湖曰小湖曰割漆曰吉祥險皆如前而大湖尤險其深不	可測至曲陽入雲都澆灘勢平夷而長則倍之二十里至鶴
-------------------------	------	---------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------

江西通志館稿紙

鷓灘之長五里又二十里歷大漢角入寒信 <small>信作峽</small> 又四	十餘里至長灘長灘之長十里入黃金峽三里又二十里與	貢水會經雲都縣治又南六十餘里為大灘大灘之長五里	旬山龍至大灘為上十八灘	烏漾灘 <small>信豐北</small> 石峻阻舟明季始鑿平其外又有枯木三搦	梓木石瀨龍江園潭上塞下塞上智咽人三港下順劍門車	輪斷龍諸灘	龍鐘潭在雲都縣東南舊傳吳王芮遣將軍蕭武往鑿古山	取鐘過此舟覆鐘沒潭底	烏邨潭在信豐縣東四十里懸崖飛瀑三級而下聚為一坎	樓從石穴流出為潭濶二丈許	萬際龍泓在興國縣東北九十里兩崖壁立瀑布飛下數十	丈聲如雷礮三折瀾為池廣二三畝深不測崖石皆蒼潤挂	壁松檜為此龍形舊名龍湖
---	-------------------------	-------------------------	-------------	--	-------------------------	-------	-------------------------	------------	-------------------------	--------------	-------------------------	-------------------------	-------------

長信灤	在興國縣東三十里 <small>十一作五</small> 即樣口灤其上之灤七
白象牙羅灘	百鳥灘上釣釣六子豬牙其下之灤六曰啞泥
灤下鵝公石門獅子	自此至縣城東北與灤水合
洗藥池	在興國縣西北治平觀前晉葛洪結庵鑿此有偈云
洞陰冷	冷風佩清清仙居永劫花木長榮
灤江	在興國縣東北其源有七出自桐林埂及蜈蚣山為最
大西會	灤水名平江一名平固江又稱興國江又西南至楓
兜入	賴縣界又九十里入貢水
龍頭灘	在龍南縣北三十里三江水所經即古百丈龍灘也
灘高水急	亂石離立且兩崖峭壁中有龍湫凡舟行至此必
移所載	於岸空舟方濟明萬歷四年知縣王繼孳鑿石開路
百餘丈	行者使之
太平江水	在龍南縣西南六十里源出角子峭銀諸山西北
流入	沅水亦名羅灘水

江西省通志館稿紙

大龍江	水源出龍南縣西大龍保諸山東流入沅水
泗源水	在龍南縣西北二十里源出峯門犁壁 <small>一作山合上</small>
平嶺	錫嶺窠坑諸水至寫 <small>一作口</small> 溪入三江口水
鹹水	在定南縣北八十里源出南坑諸山入鹹湖會龍南之
灤水	入沅水
角灤	<small>一作灤</small> 水在定南縣北六十里源出院徑山西北流經鹹
湖入龍南	縣界又城門水在縣北七十里其地兩岸有石壁
屹立	如城門水出其中故名
乾渡洲	在賴縣東磨車灣積沙如阜洲處則知諸灘水凋故
名相	近有洲曰藍凝
小湖洲	在賴縣北七十里又北十里為大湖洲皆突起賴江
中	
錫洲	在賴縣北一百里平起江中周圍數里上有居民
康泉	在賴縣舊府城內灤溪書院本張氏居一夕雷震忽涌

出以太守康故名	溫泉有八在信豐會昌尋鄔縣者各一在安遠縣者二在龍	南縣者三	附流入尋境之尋鄔縣安遠定南諸水	馬蹏江在尋鄔縣前發源於雞籠山過三標圩至長舉約北	廟水出縣治東至小布樟樹下約西南廟水曲折南行至竹	子地合尋鄔江水	尋鄔江在尋鄔縣東四十里發源於安遠分界之新寨路過	土嶺至登丘頭 <small>又作經北亭</small> 達澄江圩約桂嶺水始道小舟過	滋溪抵黃金潭約項山水轉西南流至竹子地合馬蹏江水	又南過石排灘石險阻過車頭圩留車圩次第約諸溪水出	廣東龍川界約黃鄉水 <small>由管鄉下</small> 匯定南縣流出之定南水	定南水上源有二一為三伯坑水發源於安遠三伯山過龍	安橋至鶴子圩入定南約劉 <small>又作峯水下稱九曲河一為三</small>
---------	-------------------------	------	-----------------	-------------------------	-------------------------	---------	-------------------------	---	-------------------------	-------------------------	--	-------------------------	---

江西省通志館稿

坑水發源於龍定和三縣分界之龍子嶺出三亭圩過定南	舊治向西曲折行於定和邊界至三溪口合九曲河水東南	流過龍川境與尋鄔水匯直入南海	賴為章貢二水合流之稱北齊都官尚書劉澄之說相沿已久雖	鄺道元攷其以字說水亦未失實而縣治居二水之間亦因以名	矣城中鳳皇嘶馬金獅三池福壽二溝之水通之北流至儲潭澄	泓清澈下至萬安縣城有險灘十八馬其支流在贛境者有長步	水出黃家山東流至水口入之桂源水自麻口北流至攸鎮入之	抵萬安界梁水 <small>贛屬</small> 出龍頭嶺合游田溪西流至梁口 <small>又作</small> 入之	皂水出贛縣三龍經上造下造至皂口入之武索溪 <small>又作</small> 石龍	西流至武索入之又西北流出萬安城十公里抵雲洲遂水入焉	遂水在遂川縣南門外一稱龍泉江源有左右二溪左溪一出湖	南桂東縣之墟渡一出上猶縣之大林至左安合流歷石疊龍	石在縣西八十里東至南江口游渡 <small>又作會大沙水由錫村略</small>
-------------------------	-------------------------	----------------	---------------------------	---------------------------	---------------------------	---------------------------	---------------------------	---	---	---------------------------	---------------------------	--------------------------	--

林武陵簿南村抵西莊南城之西與右溪水會	右溪源出石舍山 <small>一名萬洋山又作萬陽山在縣西句冷陽歷百餘里延袤跨永新湖廣邊境</small>	雙橋過朱砂龍上七集龍圩由舍口會西溪水東下官坑口至	李派渡西縣城與左溪合形如蓮字故名過此稱大溪繞城東流	受發源南康歷東坑橋而北之貴竹溪東過雲田圩受發源中	子石下通良碧洲 <small>又作良之周湖漢自左右溪合流入萬安境</small>	歷八十四灘至江口匯賴江	賴江受遂水後西北流過羅塘圩受蘇溪 <small>萬安志云在縣北十里自四都同元來與在十里</small>	四都梅渡下折向東北流抵太和界至通津橋城江有蕉源山發	源經南洲合盧源溪北流入馬又東北流至西蜀口洲有蜀水注	之有牛吼灘 <small>在蜀江口賴水自懷恐灘而下故名其地最險</small>	蜀水發源遂川拔鐵山合湘洲恆洲 <small>州固作二水過江口東北流</small>	經萬安界梅渡上橫又東北過太和街又東過馬家洲至武	溪街西受武漢水武漢者源自武山出也又東過牛吼灘匯於賴
--------------------	--	--------------------------	---------------------------	--------------------------	--	-------------	---	---------------------------	---------------------------	---	---	-------------------------	---------------------------

江西通志卷之四

水折而南至羅國洲其地坦曠宜麻宜粟宜薯有蕭家灘 <small>在縣西</small>	又東有龍洲 <small>在縣南一里</small> 又東過縣治江水澄澈口澄江 <small>亦名奉</small>	又東過珠林江口有雲亭水注之其下為狗腦灘	雲亭江水一名繪水源出興國縣界過上坵沙村至砌邊南受閩	川水 <small>源出</small> 西北流至冠朝圩過龍溪南受出萬安界之縫嶺水會	珠林達賴江又東北過沿溪渡過梁家潭 <small>潭廣十丈袤三里過城</small>	飯嶺仙槎水注之其下有天井渠	仙槎水源出五峯山合小窰嶺諸坑水西北流通百記 <small>測分圖古</small>	平瀆溪寺下南受金華山下諸港水過大蓬 <small>其地多蓬有仁善水</small>	入馬	仁善水源出洞源西北流出洞口經書院坑 <small>善地有仁善</small> 固坡圩至盪	頭埠入仙槎水又南受大蓬江達於賴水北流轉西鐵溪水注之	折東北流入吉安境 <small>吉邊縣</small> 抵吉水界之張家渡有明德水注之	明德水自永豐縣竹篙嶺發源西北流經沙溪北匯自寧都界發
---	--	---------------------	---------------------------	--	---	---------------	---	---	----	--	---------------------------	--	---------------------------

源之儲溪西入吉水界為義昌水下與盧江合

盧江一作源出永豐縣界其上源出興國界為孤江合上盧中盧

之水兩流為盧原又西北流為盧陂灌田數萬頃又北合義昌水

西北流通瀟瀧志云瀟瀧水即釣絲潭在螺灘上五里明施

至值夏滙王江水

王江以近王仙廟得名其源自富江之上繞陂頭達值夏會明德

水而下稱張家渡水入贛江西北流過永和市至神崗山受神崗

水即漢志之盧水也謂之神崗水指其入贛處因神崗山而得名

謂之盧水以廬陵縣而得名水經注豫章十川廬居其一蓋兼綜

奉和永新安福諸邑之眾流滙為一巨川也其上流之大者曰水

水曰廬水蓋又分攝諸支水者也

朱水一在永新江亦曰朱川在永新縣南門上源有二北源出蓮花

縣北萍鄉界及湖南攸縣界之黃石巖支分派別滙為蓮江明

其為蓮花縣之水因以為名也蓮江之東則有清潭海潭書林

江西省通志雜稿紙

龍門諸水會達源等溪經流為瀟江水梅洲河金城水文滙水

至沿江村與蓮江西來之星潭泉溪九曲諸水相合繞蓮村而

南稱石門江會雲龍溪出盤山口過長短盤灘直趨禾川灘險

浪急聲吼如雷故江又以盤水名

縣西蓮花橋下有琴水出螺礪山過古琴亭相傳為昔妣相崇

操琴處而名曲折濬洄毓秀闢入文滙江附東西兩江以達於

禾川東南入永新過黃花灘險如長磐至潞江作口

桃溪自梅花洞逕文竹合蓮花之潞江水來會又東至厚田下

洲納洋潭水又東至禮田納龍門溪

龍溪出禾山兩峯插天懸流數十丈奔騰飛瀑湧為深潭最稱

奇絕唐顏真卿遊此書龍溪二大字錫崖上云東南流抵雙江

口受寧岡縣北來諸水亦即禾水之南源也

寧岡之水長源有二東曰鄭溪府志云即西曰龍溪

鄭溪源出斜源北流受灘尾冲水即府志所指發源於鶴嶺者



也過白石山下會諸溪水西流繞城南經寨前排樓長溪江東  
 合眾流至迴碧亭與龍溪水合  
 龍溪源出揭湖西北流過樓下大壠祠堂下合諸水經竹下抵  
 龍市受源出張天晏羊嶠山會合睦村及牛皮龍之水少折東  
 流至圳下會眾水而一之其源有三一發楊家田一發大亞山  
 一發白竹源同赴迴碧亭合鄭溪向北流稱小江容納左右諸  
 溪水至鵝頸出口入永新境五里許稱韓江矣寧岡經流長凡  
 七十餘里灌溉多得其利舟楫少得其便會韓江據寧岡新志  
 勝業後遠迤北流至雙江口入禾水東流至羊埠納絳源山之  
 黃陂水又東有袍陂水遠城北流注濠池出大溪田賴灌溉者  
 無算城南袍陂渡下有忠義潭邑中劉顏張段吳龍左譚八姓  
 豪傑起應信國勤王元兵破城相率赴潭死者三千餘人故名  
 潭之南有南華水自南華山北來注入東流二十里禾水漫衍  
 谷與故名洛江北有芟川水東南流入自此而下有濠鰲灘橋

江西省通志卷之...

面洪黃鰲灘馬面洪馬頰潭大灘大小黃灘魚矢灘畫角灘  
 互連數十里頑石錯出東下交廬陵水并諸龍號十八灘險擬  
 三峽馬  
 禾水東流出江口至天河入吉安界經教城有葉村水劉江水  
 注之過龍陂市有秋蘭江自安福界梅花村南來注之兩岸壁  
 立江石巉險其曰秋蘭者以江上值秋每生蘭本也又東至永  
 陽鎮太平洲與泰和水合  
 泰和水者源出永新一自漿坑來至江口合曲磬金鷄石諸水  
 為牛田水入太和至湛口吉安府志所稱禾水永新縣志所稱  
 江口水即同一水也一自羅浮出經拿山洲尾名官北水入太  
 和界鐘鼓潭橫水洲至湛口吉安府志所稱澧水據澧水志是也  
 禾澧合流為槎灘波折而北經早禾市至太平洲會永新禾水  
 向東北曲曲流過橫江渡高塘圩至草家渡與廬水合  
 廬水府縣志作澧省志作廬云一名廬源出萍鄉縣界澧瀟山

江西省通志館稿紙

羅	山	漢	水	合	遊	口	歷	合	錯	岡	之	南	山	賴
山	漢	水	水	荷	嶺	洋	江	柘	立	有	脩	流	下	江
自	通	繞	繞	漢	發	口	江	田	浪	發	水	至	入	會
武	舟	縣	縣	漢	源	者	至	水	激	源	淮	至	賴	虛
功	來	北	北	南	至	王	洋	達	如	孤	馬	至	江	木
山	會	而	而	來	楓	江	門	舟	飛	川	東	與	二	水
東	東	東	東	注	田	水	雙	湖	雪	經	流	永	北	北
流	至	有	有	之	東	也	江	又	下	亭	合	新	流	流
有	江	智	智	又	南	其	口	州	有	橋	井	水	經	經
洋	口	漢	漢	東	來	上	會	有	磐	寮	岡	即	吉	安
漢	受	發	發	折	注	源	來	舟	石	塘	水	未	安	城
水	江	源	源	而	之	有	自	湖	長	合	至	合	南	受
滿	口	宜	宜	東	據	更	永	水	數	秀	洋	流	受	自
志	諸	春	春	南	府	生	新	南	丈	漢	口	會	吉	塘
作	水	界	界	有	又	山	界	里	東	清	會	虛	吉	塘
源	又	桑	桑	關	南	之	之	泊	東	塘	達	水	流	出
自	東	田	田	水	流	更	唐	舟	流	達	王	即	之	之
蓮	至	東	東	合	至	生	坊	處	歷	王	江	瀘	習	漢
花	橫	麓	麓	毛	毛	水	水	臨	復	江	會	安	漢	水
界	大	歷	歷	停	停	合	東	江	真	會	虛	福	水	經
東	路	秀	秀	水	水	李	流	小	書	虛	亦	水	折	而
流	受	水	水	有	有	李	至	溪	院	亦	作	水	而	東
至	郭	至	至	同	同	柏	金	怪	前	作	水	水	而	東
洋	郭	坦	坦	水	水	漢	田	石	過	書	水	水	而	東

城	有	而	西	之	烏	流	南	北	遠	青	水	於	大
東	者	名	北	又	江	至	溪	嶺	溪	里	一	銀	漢
江	立	也	界	北	在	縣	石	之	水	轉	為	口	水
中	吉	又	吉	北	樂	東	聳	峽	源	招	源	下	源
有	安	受	水	烏	安	郊	若	至	出	携	發	連	出
白	中	自	有	江	名	與	巨	員	樂	之	鹿	整	華
鷺	學	縣	橫	會	名	戴	鰲	陂	安	徐	角	整	蓋
洲	至	西	石	馬	在	興	故	與	縣	庄	峯	漢	山
長	城	五	江		永	山	名	南	南	水	白		經
五	東	里	作		豐	輒	烏	來	分	一	水		南
六	北	岡	廢		名	蓋	江	遠	三	為	洞		村
里	有	冷	志		恩	山	源	漢	派	源	經		青
宋	螺	坑	合		江	流	出	大	一	發	前		田
江	子	發	清		源	來	樂	溪	為	天	墩		合
萬	山	源	湖		安	諸	安	水	源	龍	望		羅
里	故	東	水		縣	水	縣	西	發	山	仙		山
建	稱	注	三		美	相	美	之	大	北	圩		聳
白	螺	螺	江		蓉	合	蓉	水	樹	流	之		坡
鷺	川	湖	橋		山	名	山	入	嶺	經	前		水
書	即	之	水		之	為	之	東	合	塘	團		水
院	賴	螺	旬		陽	鰲	鰲	川	天	庄	水		歷
於	水	湖	東		西	溪	溪	過	金	之	三		曾
其	之	水	南		之	以	以	西	竹	嚴	流		田
上	因	又	來		陽	城	城	嶺	至	塘	會		即
今	地	注	注		西				至		會		增

達烏港入遠漢諸水至負波會於溪水至淳口受北來諸水入	永豐境稱烏江西流北受大盤嶺之南壩水又西至馬蹄洲有	湖平水自樂安縣南文筆峯發源至大湖平合善和池頭羅陂	諸水西流來會西北流達永豐城南之麻洲四水環繞綿亘里	許居民耕種其間苑然江天圖畫東淮與瑤埠水合流之麻江	及白水龍江過縣治南百餘步名思江舊名瀕江以縣舊為報	恩鎮而名也	折向西南流受陽山之葛溪及永寧水過羅埠受自帶源流出	之白水至八江 <small>與府志百城縣志</small> 永豐鄉水 <small>吉水縣志</small> 發源於	縣東南冕山經龍頭而北龍門江亦發源冕山由石馬圩至層	山出柏郊 <small>即八合馬入吉水縣境</small> 西南折向西北流至烏江會	源出馬源之烏江水江之名為者指此趨西抵吉水治南入賴	江馬	賴江與永豐水合北流中有青湖洲二水纏繞洲間狀若吉字故
--------------------------	--------------------------	--------------------------	--------------------------	--------------------------	--------------------------	-------	--------------------------	--	--------------------------	---	--------------------------	----	---------------------------

江西省通志館稿紙

灘曰吉陽縣曰吉水又兩水交合如文字故名文水亦曰字水北	流過三曲灘經柘口受瀕塘之南漢水經黎洞受東山之瀨水又	北至小江受清溪水	清溪水源出安福尼山合石門清波水過吉安老江經阜田會楓	子江至潯石江流如環在小江入賴水處稱同江水蓋即賴水非	別有源也以縣境諸水至此會同入江故名同轉東流江之北為	峽江境江之南吉水境有鰲口水會八都各溪水入馬峽江之為	縣西南倚山東北而河自洽南連山十餘里兩岸夾峙江水東中	鬱怒澎湃竇稱險隘蓋賴水上下扼要之處亦籌防所宜留意之	區也舊制吉安臨江二府分界於此亦或審度形勢視此為南北	鎖鑰中流要津也已	附錄	賴河十八灘舊皆屬虔州至宋熙寧四年割賴縣之龍泉鄉	八疇改萬安鎮為縣而萬安有灘凡九其水自賴城下二十
---------------------------	---------------------------	----------	---------------------------	---------------------------	---------------------------	---------------------------	---------------------------	---------------------------	---------------------------	----------	----	-------------------------	-------------------------

里澄泓清澈曰儲灘由仙女潭而下石峭鱗列曰蟹灘旬蟹	灘而下曰橫弦灘曰天柱灘更下曰小湖灘更下曰銅盆灘	又雜志稱陰灘陽灘會神灘皆贛縣地自青洲而下至梁口	入萬安曰梁灘 <small>距萬安城一百里</small> 至黃金洲曰崑崙灘 <small>距萬安城八十里</small> 至檢	田岡曰曉灘 <small>距萬安城七十里</small> 至武索曰武索灘 <small>距萬安城六十里</small> 皂口而下曰	小琴灘 <small>距萬安城五十里</small> 韋家步而下曰大琴灘 <small>距萬安城四十里</small> 灘下有郭公	潭清深延長至里窻曰綿津灘 <small>距萬安城二十里</small> 由綿津而下曰漂神	灘 <small>距萬安城十里</small> 長潭數里為神潭出潭有旗鼓石列灘口曰黃公	灘 <small>距萬安城五里</small> 水性湍險惟黃公灘為甚故東坡詩詠為惶恐今	因之	舊志云唐路應為虔州守嘗鑿收贛石水勢以安宋趙清獻	并守虔時疏鑿惶恐灘以上十八灘以殺水勢又陳史贛水	舊二十四灘水多巨石陳高祖發虔州水漲高數丈三百里	間巨石皆沒今止十八灘 <small>萬安縣志</small>
-------------------------	-------------------------	-------------------------	--	---	---	--	---	---	----	-------------------------	-------------------------	-------------------------	--------------------------------

江西省通志館稿

雲洲因洲上五色雲起故名在縣北為萬安水口環匝十里	石磧堆塚翅狂瀾而東逝 <small>一統志</small>	阜口江在萬安縣南六十里一名造口江源出贛縣三龍山	北流經縣西南六十里之上下造又經社坪出阜口入贛江	梁口江在萬安縣南一百里 <small>一作八里</small> 源二一自霧圍一自龍	頭合於游田溪入贛江	韶江在萬安縣西北三十里 <small>縣志作四十里</small> 源出韶山東流會黃鶴	水入贛江	射洲江 <small>柳蜀</small> 在萬安縣西北六十里源出龍泉縣界經奉和	縣合牛吼水入贛江	龍溪在萬安縣東源出龍頭山入贛江	考蓮花縣志龍溪河合虎溪為龍虎溪下為白馬江入文	滙江與吉安府志所載同查江西省陸地測量局民國二	十五年五月印行之分縣圖龍溪河流入瀟江下不與白
-------------------------	-------------------------------	-------------------------	-------------------------	---	-----------	---	------	--	----------	-----------------	------------------------	------------------------	------------------------

馬江相接者洪

金灘在萬安縣北六十里一名灘頭中列三洲多沙磧

牛吼水在泰和縣西南亦曰禾溪水源出永新縣南拔鐵山

東流至縣界蜀口洲合蜀水又東至牛吼石入贛江

文溪在泰和縣三里一名西溪又名破溪又縣西二十里有

武溪源出武山俱至牛吼石入贛江

牛吼灘在泰和縣西蜀江口其石最險水激如羣牛之吼

窪泉在泰和縣樟洲東源出桃花洞壁有家橋入贛江

蜀水在遂川縣北一百二十里亦名禾蜀水源有二左源清

湛右源稍渾流至金田始合東經泰和縣瓦窰入贛江

按以上三水實同一流以經過之處而隨地易名應從泰

和縣志訂正

石鬱龍在遂川縣西八十里石險不可以舟

武陵龍在遂川縣西二十里兩山夾峙怪石壁立

江西省通志館稿紙

秀水在永新縣自西南流入分兩支繞縣舊學轉北入江形

若秀字宋縣令侯彭老濟之後湮塞縣令彭必勝又濟之今

塞為街市歲久迄不可復

長壘灘在永新縣西壘山下與短壘灘黃花灘相接舟從石

縫中盤旋而出最險絕

大灘在永新縣東馬頰山一作下江濶半里許石隙可放舟

者僅數尺已下為大小木黃灘魚矢灘畫角灘四灘相連互

三十餘里石勢險惡

義川在蓮花上西壘西二鄉間水性奔騰善潰決歲蓄民田

無算明天順間鄉民劉繪自南溪至谷西陂捐資鑿石數十

里水患以平兼利行舟守令交旌之故名為義川云

同江水在吉水縣西北六十里源出袁州分宜縣界受楓子

江柿陂何湖石水同入贛江

按吉安府志載同江水即贛江也縣境諸水皆會同入江

故曰同江下注按語通志盧志並誤今按此說是也應更正

元潭在吉水縣西北五十里上舊有江陽書院

赤石潭在吉水縣西北元潭下

漁梁灘在吉水縣東二十里

黨灘在吉水縣南二十里黃洲下水勢奔急舟人識其險有

小黨灘頭大黃洲尾之語

天玉山瀑布泉在吉水縣南天玉山

清冷泉在吉水縣西北六十里鹿角峯北平地涌出高七八

寸大旱不涸滙於曲池俗名冷水塘溉田百餘頃

赤谷水源出分宜桐嶺山中滙赤溪下趨洋陂合廬陵入同

江安福縣志

安福縣志按叢錄福乘集志俱載源出連嶺合坦陂水入  
瀘與今水道不合乾隆張志從劉志所改為是吉安府志

江西省通志館編

亦云赤谷水入同江今考輿圖赤谷水經流連嶺坦陂入

瀘與福乘集志所載相合則入同江為不誤矣

螺湖在廬陵縣東北源出城西五里岡冷水坑流經雲騰嶺

下與泝泉合北折而東注為螺湖通贛江

白鷺洲在廬陵縣東贛江中長五六里宋江萬里建白鷺書

院其上

小三疊泉在廬陵縣東南青原山中

贛江由吉水之桐江口即入峽江境西受黃金江其源出吉安

界萬山中東流通金名橋又作波流濠河號曰西江南納石洞泉

之洞下水下長湖有宣聖廟旁為三孔即孔仲文仲武故里昔孔聖

裔孫居江西者也再下里許急湍奔瀉通和饒橋水北有踏石水

自庵里及沿水排總員嶺來會出黃金江口入贛江北流東受楊

古嶺之張公石水西受石牛嶺之雙澗水又石鼻騰水相傳宋隆

兵朝州道懸於此天晚狂躡留又北抵峽江縣治有玉峽綿五十

嶺里人進膳因號其村為暮膳

里夾東賴水使不得遠故以名江且以稱縣也  
 五峽驛前有洲長十里帆船自潭塘口沿洲北轉而東復折西而  
 南迴環往來儼如行陣舊名成子洲上有古成子廟圯於水今改  
 名萬壽洲治西三里受七里洞之亭頭水縣北五里受玉澗水一  
 名玉澗源於玉筍山迴環紆曲號三十六澗十里受由泗汾河龍  
 橋流來之潭塘水又東北有旬新喻發源之澗水即為口水也  
 龍口橋及象水來會又東北和自古山清溪逆南流出仁  
 和軍民橋入馬下至長排入新淦縣界北過黃荆渡受百丈峯下  
 蘆溪流出之藍波溪一名藍波水經嚴富入江又北至沂江口會  
 沅江水一名沂江又名沅漢源出豐城樂安間流經豐樂橋合雙  
 溪口水春夏水漲商船由屈可通順流下潭坵曹家殿拿單又東  
 漕海源穆源古溪水至福潭入峽江境稱甘流水支流益多有神  
 眠洞水由地上曲折至廟口龜山下合蛟坑嶺流出經麻州之桿  
 源水合由時山背夾福潭水而西之流源水遠迤北流至馬車入

江西通志

沅水轉東折西至水邊有南源河由聶坊繞西山嶺經上蓋過鳳  
 洲出夏塘夏朝來會北流復入新淦境經天洲街而北趨合錢家  
 江水遠東湖洪華山沂江出口入贛江又北至治南二里有南河  
 口水一名涓湘水自高嶺發源經涓湘向西北流合洋湖瓦橋九  
 源頭秀溪水流惠政橋出口入江又北有坑口水自縣西百丈峯  
 出源坑達楊家橋入江有坑東水出冷水坑經坑口橋折而東南  
 入江又北慈洲橫卧江中有石口溪水太平寰宇記載金水發源小廬山經  
 破車藍橋出石口入江又北流經曾家坊三湖永奉過大洋洲入  
 清江縣境  
 清江者在清江治南五里即賴袁二水合流也舊自西南合繞郡  
 城而北以其波流澄澈故名清江明成化末賴水北衝蛇溪不復  
 西折止有橫河一綫與袁江相吐納直至城北二十里外二水始  
 復合今之大江南溯永奉五里而遙之部份俗名銅鑼江昔時春  
 夏水溢數十里民不可田宋淳熙初築堤捍之患始息迨成化末

水至	土可	在縣	縱二	日萬	概年	江口	界水	閣水	江之	之	城	江	後	贛
至	可	縣	二十	萬	年	口	水	水	之	城	江	後	贛	
棹	樹	東	餘	碩	以	壘	北	入	塗	妖	處	家	水	
鎮	藝	北	里	地	壘	小	經	清	水	蛇	俗	洲	北	
與	一	梓	之	跨	水	港	樟	江	按	浪	呼	至	衡	
贛	名	鎮	中	塗	明	口	樹	境	塗	而	為	銅	田	
江	祝	上	洲	境	贛	別	鎮	應	水	成	蛇	江	土	
匯	家	流	相	三	江	出	南	在	應	溪	溪	俾	沒	
焉	洲	江	連	湖	表	友	八	新	在	者	涇	水	入	
	今	中	洲	龍	江	流	里	塗	新	語	涇	復	幾	
	陳	有	上	富	之	遲	忽	境	塗	出	志	道	千	
	志	余	柑	等	間	南	東	現	至	無	謂	不	百	
	向	家	林	處	下	昌	折	尾	棹	藉	以	果	畝	
	為	洲	成	幾	橫	卓	歷	清	樹	在	河	里	嘉	
	獨	綿	陰	三	河	江	大	江	鎮	清	形	復	靖	
	歐	五	居	十	東	門	橋	東	注	江	蛇	入	附	
	祝	十	民	里	出	會	紆	境	於	東	蛟	於	參	
	氏	里	編	與	慧	贛	迴	之	江	境	故	江	政	
	無	許	竹	下	力	河	遠	水	據	江	名	此	陳	
	所	蛇	籬	橫	寺	前	去	有	圖	境	蛇	猶	大	
	居	溪	饒	河	前	之	入	自	舊	之	溪	分	賓	
	洲	繞	有	北	南	南	道	新	志	水	或	江	知	
	之	其	古	橫	有	有	於	塗	載	有	謂	水	府	
	北	內	趣	十	大	大	嘉	流	在	自	許	為	徐	
	繞	袁		里	洲	洲	慶	來	清	新	旌	濤	顛	
	以						六			塗	旌	入	先	
	袁									流	旌			

江甯省通志館稿紙

袁水	即漢志豫章郡宜春雨水東至新塗入江者也水經注云
之瀆	合小泉水經袁州
江之所	由名也
羅宵水	又稱萍水
洞經	茅店合東坑諸水過沂源至京口抵宣風大虹橋一由羅
霄山	經新店合坑口諸水出口巖連崖溪至宣風與大虹橋
水會	抵楊邨入宜春袁水
袁水	宜流東二里會北河其源自荷流潭東南流至坑西竹
亭合	天台諸山水又東南至兩江橋合遠市橋流來諸水南至
曉塘	出新溪街入袁水東流至西村螺江合山塘諸細流來滙
又東	流至稠港受流經新田橋會合眾流之稠江水至此澄清
深碧	故又名秀江又東滙麟礪水其水上合三流一自老山經
劉家	坊之清滙江一自溫泉經大佈上一自仙源經翠溪皆會



於兮山入於麟橋又東至城北關下夾狀元洲旋分復合在納  
城南之珠泉水曲折流至下浦納流最多一自仰山發源歷梅  
州絳橋諸境之仰山水流出浦邨一自鄧表峯發源濛洄三十  
里之九曲水合南廟水至下浦廣潤橋一自潤富嶺發源歷路  
口至下浦長橋又東流北納三陽橋楓林水又東為分宜洋潭  
為二作楊潭北納洋江水  
洋江水分宜縣志者上源出縣北南山村稱南山水合支流而  
南至楊橋村稱楊橋水會觀光網坑諸水經介石過卷山即轉  
江東即港下紐村為洋江正支左受白水折而西右受宜春流  
來二支流南出洋江入秀江東南流復入宜春境有門江又作  
旬分宜縣東咸山發源西流過鳳陽橋由若坑折而南流來會  
又南流至彬江南匯宜春之南源水轉東入分宜境斜江受總  
會三支流之斜江水下昌山峽水激流急險常覆舟名曰傷山  
後改今名顧野王與地紀晉永嘉四年羅子魯於山峽為陂灌

江西省通志卷之...

田四百頃令其蹟湮沒崩頽矣東流至縣治西廟野江口受野  
江水入縣前澄澈環抱縣東南三里東廟受渭江水其左為長  
富水發源觀蓋嶺經大磬下長富匯諸流入永濟橋石為東岸  
水發源分水証經麻田橋金鳳寨廣德橋會納眾流下合永濟  
橋中為冠禮水發源葛藤嶺過荒源與長陂水同匯永濟橋下  
三水既合經新社會水源小芒諸水出金雞舖入渭江抵秀江  
沿東十里南北二山夾岸名鐘山峽秀水中流亂石屹立逶迤  
數里險不減昌峽也  
出峽至袁家渡為新喻境曲折流至水口受嚴塘江其源出分  
宜南上施村名施漢水匯合醴巖山田檀溪小行山上田諸水  
過嚴塘村流觀前經易家橋出水口入新喻河轉北至江口街  
納分宜之竹橋水其支流甚多有自冷水陂新山金塘莊周嶺  
桂山等處流出之水匯於收村西南流至界首東折入普光橋  
光名土會門牛嶺水過板陂名板陂水又東南入白漢渡即處

合渝河	有渝水	故名天寶	以從新渝	以將震宇	記所謂五浪者
即江口之合流處也	又東會黃窩村	北派之畫江	軒流如一	其流甚	
多其上源出自分宜者	一為湛源水	經焦坑	東折青竹	會龍潭	
江東水出新喻昌坊	一為江東水	發源蘆泉塘	過青竹	至池頭	
歷下城又一支自冷水	井來會同出昌坊	至湖村	一為洞村水		
在蒙山之西發源	至南村	洞口會洞村	諸水一為江夏水	自蒙	
山冷塘發源	至洞村	過江夏	合週塘	諸水南流	由白梅黃華
花為墨溪水	從山澗出	為距村	河合湖村	西來之水	至阻陂
下受龍塘水源	自蒙山南	流出合花	斜水蒼山水	眾流既	滙過
孔目江橋繞城北	而東南	至通濟橋	合蟠龍坡	水入於渝河	又
曲折東流	左受蒙源之小江水	三良黃潭橋	之灼江水	右受瑣	
嶺發源	合槐江之長宜江水	又東抵清	江界北受穎水		
有八十四源	其源出蒙山	者有雕琅水	九龍水	燕塘水	合流

江西省通志卷之八十五 五頁

於水北街相公廟下	北納由高安	上高流來	之亂石庵水	河沂
泗水鈞石塘水	滄泉水同出	藍陂至相公廟	下與蒙山流	合稱
穎江過新橋	至清江	太平橋下	以舊名	太平江口
之南受楚竹塘	茅裏之竹溪水	東至於龍尾洲	受石澗	坑白石
漢合流之早圩	江計渝水之	在新喻縣境	凡九十九灣	八十八
灘其在縣前	瑩徽如練	亦有秀水之稱	云轉北	過清江縣
稱清江折而東	與穎江合	此袁水	經流之原委也	
袁合流至潦澗	口受蕭水	在清江縣	治西又名小陽水	源出員
嶺至山前	西與段塘小水	合至香田	東下注蕭洲橋	北折繞治城
鎮即此水	蕭澗名	過經樓壩	至窰里渡	會高安界
東北流至豐城	泉港有源	出荷嶺	飛旆二山	間南流
鎮歷唐溪	潭車轉而東	入章江	之清潭水	淮馬
豐城之水	豐水發源	最遠	支流最多	袁宇記
十里在縣東南	杯山所出	舊由長樂港	入章江	每春漲

為惠明永樂中耆民楊長和疏請設阻障之道其流入三溪津東  
 合州出羅山至石灘之富水西受發源清江間阜山經清江津境  
 合州阜山在豐城西偏北即河入三溪津清江間阜山經清江津境  
 明水蓋一水三流也  
 更崇奉法以水度至三溪津一之西港水三水

源出猴峯西北流合豐富水隨地築堰三十餘所以利灌溉逕縣  
 東至小港口入章江納江之流經邑治又稱劍江在邑之東北十  
 里曰曲江形如半月中分三潭岸旁村鎮錯落金碧水鄉頗饒風  
 景北至大港口即呼有零韶水自撫野分入三江口流經湖茫合  
 隱漢出大江口俗呼撫河春夏水漲可通舟楫豐乘曰豐受五郡  
 之水所衝勢若建瓴每遇洪漲潰裂四出漂沒廬田傷害禾稼為  
 禍最烈蓋地勢外隆中窪恃堤作障偶一衝決閩邑墊溺治洪泛  
 者所最宜留意者也近龍鬚關改修成功利田計四萬餘畝非此  
 則豐城以下可成澤國矣縣東北四十里有龍霧洲袤二十里分  
 上中下三洲望之烟霧蒼茫故名為縣內諸水與贛水會流之處

江西省通志卷之九

其西錦江水入焉

錦江 其上源在萬載稱蜀江又名龍江入瑞州府治在為錦江  
 又名瑞河亦稱筠江西江凡水蜀水居其一焉水經注謂之濁  
 水舊志載源出金鐘湖失之遠矣考其正源出古神尖北之流  
 水壁在宜春北流二十餘里入萬載縣境穿零江橋會宜春流  
 來之西源水東北經棗木橋過株潭鎮北收石塘水始通舟楫  
 至池下黃茅水出黃茅村大網山合三支流自西來會又北流  
 受歐江水穿獅子橋為潭埠市白水源出陽洞嶺自北來注之  
 曲折東北流經浩石下水而受蘇溪山口水東北流過魚鱗灘  
 亂石如鱗舟從石罅中行又曲折至鈴田險亞魚鱗龍漢水合  
 東西二源水自北來會東折而南又屈曲東流而岐梅源水東  
 北至深塘口岸山對拱江東水激蕙志云野豬河自魚鱗灘而  
 來奔澎峻急舟過者慮其險立水府祠以鎮之即此出野豬口  
 至官莊年溪水會合九龍山之西溪二源與東溪之桑卷東江

二源水聚於雙江口過大橋自北來注之折而南經北窰東會	饒田水西會桃源水至高城受禮山水又東受谷源水轉東北	穿竹渡橋南收後塘水入曲折東北流過上下吹琴南北兩山	對峙若巫峽江中巨石橫欄如門限舟必擇口而出經獅巖西	為南田舊志載獅岩水與縣北龍潭通非也旬南田轉南東流	過龍山之陰龍河水上游合竹山洞水田北水郭村鋪水而一	之穿南浦橋入城至學前江合城東馬溪門城西西屏山流入	之水注馬舊志所稱三江是也穿雙虹橋龍河橋新巖出城灣	下崇文閣兩岸奇石森列西北流與蜀江匯於龍洲 <small>俗呼大穿</small>	龍江橋江心起洲分流為二至洲尾合流經多江轉東流受諸	小水又東穿康樂橋至塗口南收塗溪水至興江口北受錦江	水有東西二源西源出謝山之北經菱湖西江橋合諸支流南	至白良村過謝陂為錦江左右各水次第流入又東流穿花塘	西橋東源自左來會
--------------------------	--------------------------	--------------------------	--------------------------	--------------------------	--------------------------	--------------------------	--------------------------	--	--------------------------	--------------------------	--------------------------	--------------------------	----------

江西省通志館稿紙

東源出大蕪山之陽山平有村曰東源東南流為明江會十八	渡水經三百坵土城之東轉南西流穿花塘東橋與錦江合至	出口為興江皆隨地易名者也曲折流至湖潭烟塘水自南來	會又東北折而東南轉趨東北流至軍車人上高境由是岐山	水出山峯渡對岸益樂水合永平後塘百歲水出洪口 <small>舊志作</small>	在泰漢水出社田駱家噴流出上高人蜀江馬	泰漢者古康樂水又以水經盧家洲故又稱盧江 <small>府志地易名</small>	江之有正源支源皆合於康樂古治即今羅城是也正源出鄧	公嶺 <small>嶺分國有全船</small> 之東合黎源水東南流為船埠潭通小艇	竹紙受載於此東流過鳳凰洲納諸小水至高村市北收虎院	水折東南流岐源水自右來會又曲折東南流出環漢亭下山	漸開陽又東經羅城墩三里為中洲上藏漢水自左來會藏漢	水泰漢支源也上出大場山燈臺窩南流折向東流受諸小水	曲折山峽中出船埠經九龍廟南流轉東抵藏漢村自上坪以
--------------------------	--------------------------	--------------------------	--------------------------	--	--------------------	--	--------------------------	---	--------------------------	--------------------------	--------------------------	--------------------------	--------------------------

下	五十餘里	叢山深谷	不通大道	故名藏漢	過此開陽	有田畝				
穿	南園橋	至湖漢	西合奉漢	折而南	經雁城	之東轉西	至盧家			
石	東流	過湖仙	潭里許	入上高	境下至江	東出社田	駱家嘴	入		
之	又東	至楊木	宜豐之	長滕水	<small>長滕水</small>	<small>乘作</small>	合登源	黃蘗山	黃岡土	
地	四諸水	匯於港口	曲折有北	來注之	又東	過徐家渡	受壽溪			
諸	水又東	達凌江	口宜豐之	藤江水	合登源	道遠八	登嶺	古陽		
若	紫陽山	諸水至	老鴉石	會流南	過縣城	橋並漢	水自北	來注		
之	又東	折南行	至斜口	蒙山水	登源	高家山	鯉魚石	下內北	流	
次	第納諸	小水至	江口圩	合源	出獅子	嶺	<small>即石</small>	之末	山水至	
青	山頭	合源	出末山	楊公洞	之官橋	水三水	既會	北流	入蜀江	
又	東行	至縣城	下教領	背水自	北來注	之又	東行	至山	湖墩山	
湖	橋水	自南	來注之	又東	行至	瑞坊	虎檻橋	水登源	利山	自南
來	注之	又東	行至	甘羅渡	石洪橋	水登源	上夫山	合諸	支流	自

江西省通志館稿紙

北	來注之	又東南	行至界	埠又東	行至渡	埠口	城漢水	登源	蒙							
山	經華陽	莊	橋南	來注之	又東	行至河	口	堤有	宜豐之	棠浦	江					
一	發源	花橋	一發源	彭源	政	太平	新安	諸水	出江	家洲	入上高					
境	稱章	舍水	東南	流經	泗溪	北來	注之	折北	行入	高安	境又東					
行	蘇漢	合宜	豐流	入之水	經坡	山至	巖上	港口	北來	注之	岷嶺					
以	蘇長	公得	名曲	折流	通及	埠至	梅口	斜溪	自蕭	坊登源	北來					
注	之	又東	北轉	東南	行左	受分	口水	又折	向東	行穿	高安	城治				
有	市漢	一名	市河	分蜀	江水	銀名	自西	門入	城	迤邐	而東	出城				
復	會入	江	又東	行左	受荷	山之	鐘口	水入	東	至高	郵市	右受	米			
山	之龍	改水	及虬	嶺	驛新	南流	與招	山	新	建	西流	之務	農漢	一		
名	而	又東	南行	入新	建境	趨東	曲折	流經	豐城	邊界	歷松	湖街				
旬	萬湖	以至	星黨	湖	塘	凡昭	西二	山五	源四	港之	水有	芭				
焦	源水	合霞	源潘	源二	水	又登	源水	白石	源水	畢	灌於	湖	出	象		
牙	潭	在市	以受	蕭	峯	之黃	源水	入賴	江	蜀水	水即	錦	至	此	終	焉

小	折	至	口	建	大	兩	至	章	河	河	即	贛
河	而	其	水	界	河	河	南	江	柳	柳	贛	江
由	北	城	徒	又	二	備	岸	門	柳	柳	贛	江
蛟	過	入	發	北	十	抵	湖	外	柳	柳	贛	江
溪	樓	都	源	至	里	滁	出	分	柳	柳	贛	江
十	前	湖	寧	黃	至	港	流	流	柳	柳	贛	江
里	折	一	州	漢	黃	口	為	灣	柳	柳	贛	江
至	東	東	上	渡	漢	之	二	河	柳	柳	贛	江
葉	南	行	流	分	渡	魯	以	內	柳	柳	贛	江
家	至	五	名	流	分	江	揚	小	柳	柳	贛	江
樓	赤	里	上	一	流	水	子	河	柳	柳	贛	江
峴	港	至	縣	北	北	南	洲	所	柳	柳	贛	江
子	新	泗	江	行	行	流	界	文	柳	柳	贛	江
湖	建	漢	逕	泗	由	東	之	家	柳	柳	贛	江
一	界	渡	奉	漢	楓	北	北	坊	柳	柳	贛	江
城	達	又	新	分	樹	流	流	至	柳	柳	贛	江
內	吉	分	東	一	港	遇	受	國	柳	柳	贛	江
反	利	東	流	東	十	昌	旬	常	柳	柳	贛	江
賊	一	行	漢	昌	二	行	兩	寺	柳	柳	贛	江
濠	湖	至	昌	街	里	至	山	歷	柳	柳	贛	江
諸	在	沈	邑	又	至	漢	源	三	柳	柳	贛	江
水	永	口	玉	北	蘆	名	頭	村	柳	柳	贛	江
有	和	南	王	受	洲	鐵	雁	抵	柳	柳	贛	江
歸	門	昌	賀	慨	新	線	蛟	南	柳	柳	贛	江
之	外	湖	賀	江		港	橋	昌	柳	柳	贛	江
外	集	在	又			復		市	柳	柳	贛	江
集		流	北			分		之	柳	柳	贛	江

江西通志館稿紙  
二元  
頁

會	行	沙	里	家	北	為	旬	旬	三	入	利	口	之
復	五	準	至	渡	流	二	南	東	江	於	新	港	汶
分	里	塘	岡	勝	為		來	南	口	都	建	一	也
為	至	又	前	傍	楊		者	來	者	湖	界	作	亦
二	決	十	街	人	村		日	者	三	矣	東	毛	至
由	漢	里	五	三	進		備	水	水		北	水	與
富	接	至	里	里	賢		山	皆	之		行	皆	楊
作	漢	若	至	至	界		隱	來	所		至	來	子
而	又	渚	天	靈	約		溪	會	淮		趙	分	洲
安	五	十	王	官	里		水	為	也		家	為	水
仁	里	里	渡	渡	許		從	三	旬		園	東	合
而	至	出	分	五	入		楊	東	東		新	行	瑤
桃	胡	武	流	里	南		埭	行	來		建	則	湖
花	家	陽	一	至	昌		橋	楊	者		界	楊	巷
庵	渡	渡	北	楓	柏		屈	家	曰		以	家	口
為	測	與	行	潭	樹		曲	難	彭		下	進	玲
大	分	東	五	口	下		而	進	灣		支	賢	一
港	周	大	里	河	折		入	賢	水		港	界	項
由	同	河	為	之	而		二	北	從		交	同	并
嘉	與	柳	西	東	西		水	行	界		錯	橫	蘇
山	何	會	洛	為	三		既	則	同		洲	流	址
而	山	一	十	麻	里		聚	吉	橫		湖	而	茅
超	水	西	里	嶺	至		分	行	入		縱	入	同
林			至	五	羅		流	則			橫		

而野難山為小港俱二十里連萬舍潭子口水來歸之河乃大	十里至黃臺 <small>大</small> 街 <small>作</small> 黃二十里至鄭家埠又十里至施家苑 <small>大</small> 街 <small>作</small>	往復迴環名相見灣又十里至於省垣	西流過紅龍嘴豐城界三里過南街前港南昌界二里至劉家	渡又三里至三汊港水至此分為三汊而南 <small>此</small> 即 <small>曾</small> 由 <small>大</small> 益 <small>岡</small>	湖茫歷青水港烏沙埂出大江口與贛河會皆豐城界以而西	田羅池折而北歷西州出鄭家渡朴樹港水歸之合流至官塘	家山稍西為七里墩 <small>東</small> 向 <small>東</small> 北 <small>至</small> 潭 <small>岡</small> 向 <small>東</small> 北 <small>至</small> 潭 <small>岡</small> 向 <small>東</small> 北 <small>至</small> 潭 <small>岡</small>	二一北流則土地壇歷何山橋羅王橋出胡家渡一西流則乾	港由歧漢達東埂經螺螄渡蠶石繞禪師嶺而北至哀家潭又	分徑北流為滿灘歷湖東頭東山北山虎山霞山以達於網灣	東流為潭子口過合山通萬舍 <small>一</small> 滿 <small>洲</small> 與 <small>萬</small> 舍 <small>河</small> 東 <small>兩</small> 相 <small>望</small> 中 <small>隔</small>	有連近與萬舍河略 <small>以</small> 而 <small>北</small> 為 <small>戴</small> 家 <small>港</small> 分 <small>流</small> 一 <small>南</small> 行 <small>由</small> 虞 <small>門</small> 村	相等遠俗呼小中州
--------------------------	---	-----------------	--------------------------	---	--------------------------	--------------------------	--	--------------------------	--------------------------	--------------------------	---	--	----------

江西省通志館稿紙

樹下歷西洲環胡坊墻入鄭家渡與羅池水合 <small>三</small> 水 <small>中</small> 環 <small>一</small> 洲	屬東北名王家洲一北行沿城岡經涂村港蜀汊撤源溪又分	北流由南頭英石歷下岡前湛洲達漢西流由永木板湖趨	何山折而北歷羅王橋木山深洞達胡家渡過橋而西流東埂	三汊之水其南汊入豐城合贛河西汊北汊之水節節分流最	南合於鄭家渡迤北交通於何家橋由橋之西北合流東埂橋	之東北合流胡家渡又北交通於潭子口西為滿灘東為萬舍	滿灘河由東埂螺螄渡下萬舍河由胡家渡桃花庵起林下俱	合於網灣入章江其北流一港自羅家渡來者至天王渡西入	決漢會於胡家渡又北歸萬舍河	西河與東河柳時之交通在南者為三江水口水之南汊水出豐	城入大江口在中者為三江水口之支河其北流者至武陽渡會	東河其西流者下分為舍滿灘兩河俱會於網灣繞城入西河	在北者滌溪為東西河之界三江水口一水實為東西二河之緯
---	--------------------------	-------------------------	--------------------------	--------------------------	--------------------------	--------------------------	--------------------------	--------------------------	---------------	---------------------------	---------------------------	--------------------------	---------------------------

流絡其上下東河水漲小港不能納不得不借西河以洩故東  
南諸支河通西河者忌塞塞則運輸不通商賈莫至聞之濬之  
豈惟商旅是賴稼穡之利大矣

贛河之經流自贛縣至於湖口長凡五百五十七公里航長如之  
支流之大者有章水上猶江貢水桃江平江梅江大源江白沙江

遂江水瀘水烏江袁水錦江等水計長二千五百八十餘公里  
帆船航綫凡一千八百九十餘公里流經四十三縣十萬方公里

之土地一千餘萬之人口盧井稼穡交通灌溉之利所攸賴焉惟  
上河灘險下流洪泛疏而導之整而治之謀水利者所當亟也

按贛河流經之縣有萍鄉縣西注之水流入湖南不屬贛河  
系附於篇末

附錄

袁江在府城北門外即古牽水亦稱南水又稱渝水源出萍  
鄉縣羅霄山流經宜春縣西十五里為稠江至此澄清深碧

故人名秀江合清澄江及仰山九曲鸞溪諸水經昌山峽過

分宜縣城南為縣前江合赤江楊江野江介溪諸水出鐘山

峽流入新喻縣界

按南水見漢志十水中發源羅霄山流經府城合宜西為

稠江牽水見水經注十川中朱謀埠第十川有贛廬考古

錄以為即漢南水甚確惟宜春東坑夢水當在分宜境詳

見雜志分宜縣志

夢水在宜春縣東八十里太平裏宇記昔鍾儀於此邠欲立

縣夜乞夢果符所祝名曰思縣周以名水

東湖在宜春城東三十步宋至和二年州守祖無擇於湖上

建亭榭為游觀之所淳熙間張杓知州事凡棧過此書扁後

廢為圓庵嘉定間州守滕強恕開濟歲久湮廢又城西十里

有石湖

遊覽溪在宜春縣南三十里仰山正祠前



鸞溪在宜春縣西北六十里下流入袁江俗傳吳鸞與文  
 蕭游此  
 盧洲在宜春縣東二里以盧肇得名向多喬木為居民所據  
 明萬歷六年知府鄭博典請復之仍種樹其上萬歷末知府  
 黃鳴喬建高閣其上以祀肇  
 珠泉在宜春城南門外舊名湧坑泉方廣丈餘平地湧出流  
 田甚廣明萬歷間推官徐之孟築樓臺於上  
 温泉在宜春縣西南三十里定光院前氣温如湯冬可浴以  
 難卵投之即熟水中魚泉凡三出一在東岸上僧人登為  
 池一湧出江心巨石中石類釜上寬五六尺許平坦可坐游  
 者多於此宴飲一在西岸下  
 甘泉在宜春縣北十五里山竇中流出味甚甘冽唐咸通二  
 年僧道光築室為甘泉院宋嘉祐中州人李觀因僧智法建  
 二堂為之記又北十五里有湧泉灌田萬餘畝

江西通志館稿紙

硯岷作江在分宜縣南五十里亦名雙溪水源出雙源卽會  
 於雷同嶺下歷章縣至石巖下為岷江築陂灌田數千畝又  
 至集江山下合岷江經安福廬陵二縣至吉水縣為同江入  
 贛江  
 介谿水在分宜縣北十五里源出界塘潭洞清澈中有巨石  
 平坦可坐其水冬夏不竭溉田千餘畝東南流十餘里至耽  
 江入袁江  
 汶江水在分宜縣南五十里源二左甸仰嶺石自黃真人臺  
 下旋繞至大清里泉江山下會岷江  
 落星湖在分宜縣西五里廣五十餘畝其深莫測旁有龍祠  
 縣北二里有西石一作岡湖廣六十丈灌田數百畝  
 源湖泉在分宜縣南泉源嶺下溉田百餘畝  
 新江在萍鄉縣東三十里唐咸通中刺史顏遐福奏開以通  
 湖南纜繫十餘里而輟今俗稱其地為新江

金鰲洲在萍鄉縣西萍實橋下其長百餘步狀如泝水魚揚  
岐水至此滙為潭流入萍川洲砥其中甚名金魚以其盤踞  
長廣改今名

金鐘湖在萬載縣西一百二十五里水分二派一東流至官  
莊過竹渡入龍江一流入湖南瀏陽縣界

野豬河水在萬載縣西三十里源出金鐘湖北流過魚鱗灘  
會竹渡水入龍江奔騰峻急舟行甚險

劍池水在萬載縣西九十里靈棲巖下池廣丈餘別有曾家  
源水流合東入金鐘湖相傳晉許遜捕蛟洪州蛟潛逃池中

遜捕斬之  
按萬載縣志金鐘湖僅窪田數畝水西北流入瀏陽上列  
三水均誤

魚鱗灘在萬載縣西六十里龍江中江水迅急亂石橫列如  
鱗故名

江志卷之七

三三

龍洲在萬載縣東北二里許即龍河渡約廣數百畝

冷泉在萬載縣東十里名泉波約廣十畝澄澈泓渟  
逆溪水在新淦縣西十里源出源頭經南坑湖田橋入贛江

秀溪在新淦縣東北二十里入贛江

同水在新淦縣南八十里自袁州府分宜縣之同邨潤嶺東  
流入縣界入南流經黃源一百八十里入吉安府安福縣界

達贛水  
按安福縣另有同江入贛江與新淦之同水風馬牛不相  
及又南流以下蓋同水名相同而誤

讀書潭在新淦縣西南十五里相傳唐虞肇讀書鐘山嘗扁  
舟溯洄寓居潭上

驄馬潭在新淦縣東三十里潭上山勢馳驟如馬水深魚聚  
漁者利之

紫洲在新淦縣南文昌閣下與東瀛洲相連大水不沒明萬

歷問參政施天德建塔於上珠洲在縣西二十里畫江中醴泉在新喻縣西三十里宋黃庭堅嘗過飲之而甘曰情張又新陸鴻漸輩不及知也因題其旁石柱曰醴乳以泉釀酒醇美殊常

醴溪泉在新喻縣北蒙山之陽石門下泉出石竇如井者三四處味甘釀酒異於他水以為糜食之若飴

豐水在峽江縣南三十里西北流會黃金水

苦竹灘在峽江縣北即廣州刺史蕭勳遣將歐陽頔屯兵處

今名甌范灘

洗墨池有二一在峽江縣玉筍山相傳杜雲永學道於此嘗

鑿池洗硯故名一在新淦縣東里許相傳陶侃讀書處

百花洲在清江城內縣廨前宋向子諲薊林故地

金鳳洲在清江城文明門對岸橫亘一里許形如鳳宋黎五

武建金鳳書院今廢

江三  
三四

木瓜洲在清江縣東北三十里又花豔洲在樟樹鎮前其下

五里為涼鐵洲

龍口水在高安縣西南六十里一名談口水源出蛟湖北流

至花園渡入錦江

隱泉水在高安縣南三十里釣山東北泉沸湧出於平田旬

三十六波流出曲水橋入清江縣界合潁水

鳴水在高安縣西北六十里源出華林山頂有石高數丈以

物扣之其聲如鼓故名東北流入奉新縣界

碧溪在高安城中自韋龍王廟前流經通真橋至府學前入

錦江

清湖在高安縣東十五里水四時清瑩明巡撫韓雍訪隱士

朱孔彰於此

藥湖在高安縣西南二十五里相傳呂洞賓曾遺丹於此故

湖蛙不鳴

按南昌府志藥湖在縣北十五里周迴四十餘里舊傳許旌陽住此水碧極其是後蓋湖中忽生怪名康以此說為是

銅湖在高安縣信義鄉注田數千頃接豐城縣界  
鮎魚洲在高安縣東二十五里當錦江水口之衝中流突起  
竹木繁迴春夏水溢洲隨水長秋冬四周白沙如雪上有樓  
閣可供游眺  
飲馬池在高安縣北五十里浮雲山南甘泉清冽相傳唐荆  
史應智項義兵屯山下嘗飲焉於此  
磨劍池一作劍池在府縣高廡後園相傳仙人李八百淬劍於此  
中產白蓮宋黃庭堅賦製劍池之菑首以為裳者是也又宜  
豐縣北七十里亦有劍池傳是晉許遜磨劍所  
花陽井在高安縣北五十里明正德七年華林賊執通判姜  
榮妻竇氏至此投井死後人作亭其上  
鏡溪在上高縣東三里源出鏡山南流東折至石家渡入錦  
江又沙溪在縣東北十里東流合石洪橋水入錦江  
白家洲在上高縣五里許灌田甚廣

普潤泉在上高縣西十五里章岡亦名貫珠泉自石竇迸出  
莫窮其源循石崖為平地昔方廣十丈今止丈餘下流為山  
湖橋東北流合元豐橋水至縣東五里入錦江  
瀑布泉在上高縣南四十里蒙山泉分二脈一注為橫峯塘  
一注為蕉塘又分四口溉山前田餘流入新喻縣之清湖  
潤溪泉在上高縣西南五十里平地湧出方半畝餘四時俱  
湛然清澈下流成溪可通小舟灌田百餘頃  
六口泉在上高縣西北十五里平地湧出泉有六口又神腦  
泉在縣西潮坑自鴉磯石流出內有龍潭水冷如水與普潤  
泉通  
巖洞泉一作巖洞泉在上高縣南三十五里溉田甚廣接新喻縣  
界  
教溪在宜豐縣東十里又縣東三十里有澄溪灌溪六十里  
有寶源溪七十里有宜豐溪東南二十里有清水溪縣西四

十里	有德漢	五十里	有蓮漢	縣北	四十里	有儒漢	漢西	味
漢下	流皆入	錦江						
茶溪	在宜豐	縣東	三十五里	源出	分鄉	嶺	流入	上高
錦江	又縣東	有桂竹	漢東	流出	縣東	七十	里	湖
縣界	合私	漢亦	曰湖	城	橋	入	高	安
白竹	港水	在宜	豐	縣	西	四十	里	源
入	錦	江						
方塘	漢在	宜	豐	縣	西	四十	里	亦
上	高	縣	界					
秀	漢	在	宜	豐	縣	十	五	都
佟	居	此	有	淵	明	墳	書	堂
杭	漢	在	宜	豐	縣	西	源	出
百	斤	湖	在	宜	豐	縣	東	十
除	里	溉	田	千	餘	頃		

江西通志卷之...

三六

銅湖	在	宜	豐	縣	東	二十	五	里	上	通	宜	富	二	水	下	接	撫	州	河	
蛟湖	在	宜	豐	縣	西	十	五	里	源	發	劍	池	東	北	流	五	里	許	匯	為
流入	長	樂	港	灌	田	數	百	頃												
坪	谷	湖	在	宜	豐	縣	南	接	宜	富	水	一	縣	水	所	鍾	溉	田	五	百
教	家	湖	在	宜	豐	縣	城	西	廣	袤	百	畝	外	為	教	家	壩	內	為	裏
縣	要	害	又	有	楊	柳	湖	亦	廣	袤	百	畝	潰	於	裏	壩				
蓮	花	湖	在	宜	豐	縣	北	五	里	流	統	縣	治	前	即	腰	帶	水		
苦	竹	洲	在	宜	豐	縣	西	南	十	里	許	其	洲	多	竹	昔	陳	高	祖	霸
周	文	育	帥	師	禽	政	場	頽	於	此										
劍	池	在	宜	豐	縣	西	南	三	十	里	昔	雷	煥	得	劍	處				
上	條	水	在	新	建	縣	西	北	一	百	二	十	里	源	出	建	昌	縣	經	奉
流	至	此	一	作	上	條	江	表	傳	稱	海	昏	上	條	津	有	五	六	千	家
聚	作	宗	伍	惟	納	租	布	於	郡	三	國	吳	志	稱	孫	策	勸	盧	江	太
歟	攻	取	上	條	是	也	需	次	宗	託	上	條	有	亭	亭	側	有	三	百	家

李岐水在新建縣東北流經趙家圩東至流門口入鄱陽湖  
 白石源在新建縣西三十里源出梅嶺下灌田四百餘頃相  
 近有銅源唐元化中銅溢鍾傳采以鑄鐘磬又有吳源其水  
 自西山風雨池奔注灌田千餘頃  
 香城源在新建縣西八十里發源香城山曲折注於洪崖入  
 鷺波  
 汝池湖在新建縣南二十五里  
 黃白湖在新建縣南七十里一名柏湖中有鳳溪山九龍井  
 湖田硤春明喻均有議復黃白湖田則碑記  
 金鐘湖在新建縣天寶洞上周廣三文唐武后賜天師萬振  
 金鐘玉磬後遺湖中湖有石碣存焉  
 象牙潭在新建縣西南八十里其洲灣繞狀類象牙  
 生米潭在新建縣西南四十里湖東上生米市世  
 傳有人投生米於潭中捕魚不覺行入一石門煥然明徹見

江西  
 三  
 三  
 三

白鬚翁曰此非汝所宜來漁人遽出登岸入水已三日矣或  
 云此即西山天寶洞南門也一說旌陽僕夫許大覆車遺米  
 於地米皆復生故名  
 石頭渚在新建縣西北十里水經注贛水兩岸有盤石謂之  
 石頭渚步陳書蕭勳舉兵廣州新吳洞主余孝頃舉兵應勳  
 遣其弟孝勳守郡城自出豫章據石頭寨宇記晉殷羨為豫  
 章太守郡人附書百餘封行至石頭渚以書擲水中曰殷洪  
 裔非是致書郡故時人號為投書渚一稱石頭渚今為石步  
 鎮置石頭驛  
 風雨池在新建縣西七十七里洪井北西山最高頂四面山  
 巖人迹罕到  
 朕溪在南昌縣東南一名白家溪周四十餘里  
 曾溪在南昌縣西南八十里其派分旬三江流至萬舍合西  
 洛水源出所汝東北入武陽水

環湖一名厚埠湖在城東三十里東河自謝埠北分流  
 由太平寺左小港入經棠蔭湖逾大石橋至荷湖始大轉上湖  
 北至厚埠橋東折而北趨楊家灘廣三里長三十里今橫港  
 湖絕 南昌縣志  
 青嵐湖在城東七十里有大汶四東鷹山東南石山進賢界  
 西由西峴山達皇恩渡西北由東峴山達幽蘭塘南昌界初  
 由荏港瀆通盱汝之委今上流湮塞下流仍會松林廟東出  
 山陽之水歸彭蠡湖南昌縣志  
 峴子湖一名賢士湖在永和門外城內諸水自豫章溝出並  
 城濠諸水皆歸之南昌縣志  
 東湖在南昌市東隔水經注東太湖十里二百二十六步北  
 與城齊而緣迴折至南塘漢永平中太守張射始築水通大  
 江增減與江水同舊志載湖今周廣五里分為三區自蘇圓  
 迤北今民德曰北湖南積為八萬二千五百七十七平方公

尺由廣濟橋至洪恩橋曰東湖面積為十二萬三千八百六  
 十六平方公尺即石花山洪恩橋至府學前出水關開口西  
 湖亭子面積為四萬七千四百八十二平方公尺又或以學  
 前為橋左右分東西湖各湖出水現仍利用玉帶溝即舊溝  
 及新溝即今通馬路經過賢士湖青嵐湖入贛江民國二十  
 二年由建設廳將東湖疏濬並定築湖岸  
 南浦在南昌市西南廣潤門外往來艤舟之所濱江有伏龍  
 墩  
 龍沙在南昌市北帶江鄰通元云沙甚潔白高峻而陀有龍  
 形連亘五里舊俗九月九日登高處也亦名龍岡  
 百花洲在南昌市東湖內宋紹興間轉運副使張澄建講武  
 亭於其上以習水軍亭久廢清康熙二十七年巡撫宋學建  
 亭謝四十二年巡撫李基和築假山五十七年巡撫何漢鏡  
 洲苑石築百花橋古講武堂滄浪亭雍正八年巡撫謝開環





橋長橋港合三支流畢會於長橋至西洲清漢東來注之入北至  
 長生橋南村港水自遷善隘經南村至沙坪上磨楓波過去北寺  
 東來注之青銅散柳港水自贊木嶺由苦竹寺過鏡山橋達潘田  
 到青銅港經五通廟會石壁港水自豐源頭流出之瞿溪經仙人  
 道溪洲水又北流抵甘竹雙連橋南豐源頭流出之瞿溪經仙人  
 石至潘家渡會紫溪觀此名西來注之  
 又北入南豐境至港口園有羅石受菰河左受泉波港水又東北  
 轉北流過白舍東至楓港園作了溪洲字屈曲如旬甘坊來流注之  
 又東北流至密港口受黃檗山之密港水又北流至爐下受由寶  
 峯經三溪貫石郵石園作之爐下港下又北流至龍池橋會發源閩  
 界木瓜隘百丈嶺等處歷九改之龍池九劇水又北流至單港橋  
 在瑤源出單山經淘田市山會布漢灑澳之單港水西來注之漸  
 安豐橋納梓源之雙港至紫雲橋納梓源之梓港至兜港口納發

江西省通志

四

源單山之兜港水一支發源楊源西源又東北流至楊家港有滄  
 浪案家港發源新城界歷福海寺前至白回過八都圩經螺溪東  
 來注之又北流西界南城至教家渡有何竺峯之彭武漢連珠峯  
 之斤竹澗合流迺南城界來會  
 又北流入南城境至吳家橋受石厚洲頭洲水至仙人橋受仙人  
 橋水又東北流至曹譚有曹譚水分三大支合雲峯周坊下白等  
 水匯於蘆坊東流入之又北流至雲口橋有范坊水自磁圭磁一作  
 經將軍橋過暗坑外白外漸東流入之又北流會新豐街路東之  
 水又北流至田螺石有田螺石水發源南豐西北行過中堡至  
 塘歷東湖硯田轉西行過上港坪流入之又北流受水口鋪水又  
 北流至株良大安橋水自漢名東流入之又北流受雷公橋水迎仙  
 橋水又北流經南城東門外為軒江一名軒燒江按撫河源自廣  
 山北巴漢人北城為小熱漢遊何水至廣昌縣城東一里源出新  
 南平大河南城為軒江出南城為撫河  
 城今黎水會馬

黎水 新城隆慶志云水以黎名宋志不錄其原據縣志謂經黎  
 氏祖墓山然夏書至於合黎元而豐郡志載南唐韓希載文亦  
 有黎沮澤則黎之名水其義不一不能強究也同引新志黎源出  
 黎川縣德勝關西紅水嶺經天堂山之會山下三溪橋與四望嶺  
 九折山水合流經東山下白楊園石壁潭更鼓潭赤岸或云即  
 李觀蹟書於至南津福山堂西七星湖水一名赤帶湖合西溪  
 北有風月亭即宋灌園先生於社岡即社經竹山下蔡坊栗塘出  
 出高臺山即有蔡家此於社岡即社經竹山下蔡坊栗塘出  
 呂南公所居有蔡家此於社岡即社經竹山下蔡坊栗塘出  
 橫港橋南坊即來會東則九龍潭水黃土嶺游一作源潭水合  
 於熊村下水口會極高義陽二嶺水及羊穀嶺水下經潭東巖  
 之水出沙路胡坊丁坊過三青山出銅湖橋來會出新豐橋即  
 津會橫港水即水七星西抱黎川縣治北出石硤歷湖心至港口  
 公口下落消石一作洛霄石俗名確石是也此黎川一名中川水  
 之原委也  
 東川水一旬濟源一旬杉嶺一旬周湖並下飛為俗名飛為水

一  
 後作慈合洵路一旬銀嶺合東興年臨決縣馬臨川郡折南  
 豐縣東南境為南水至洵路經石硤至五福港五壁資路橋  
 下藍田嶺南出官橋過雙江口連潭頭村至落洎次第受官橋  
 水桐埠水姚家圩水於何田二合達於黎  
 西川水旬會仙峯西下合孔源經翻魚潭下樟村橫村宏柳丁  
 湖丁路龍安鎮故又名龍安水上會黃家嶺水在佛山下水給  
 西城梅源蔡源諸水流過舍田納棲靈九曲水其流九曲出鎮  
 賢至港口達於黎三川既會於硝石迤邐西北流經通會橋一作  
 通至雙港口一作雙入時  
 水經南城縣治東受城中流出之濠口水北流至口頭港受石  
 頭港水又西北流至親口有親口水分南北二幹會納支流合於  
 親口西流入之又西北流至楊梅墩有官坊橋水自西而東而東  
 北凡五支合流出官坊橋東流入之又北流至港口有岳港水合  
 南北支流過岳口出大通橋東流入之又北流抵金露界潭港雙

南  
 北  
 親  
 頭  
 水  
 通  
 賢  
 西  
 湖  
 西  
 水  
 下  
 豐  
 後  
 一  
 後  
 作  
 慈  
 合  
 洵  
 路  
 一  
 旬  
 銀  
 嶺  
 合  
 東  
 興  
 年  
 臨  
 決  
 縣  
 馬  
 臨  
 川  
 郡  
 折  
 南  
 豐  
 縣  
 東  
 南  
 境  
 為  
 南  
 水  
 至  
 洵  
 路  
 經  
 石  
 硤  
 至  
 五  
 福  
 港  
 五  
 壁  
 資  
 路  
 橋  
 下  
 藍  
 田  
 嶺  
 南  
 出  
 官  
 橋  
 過  
 雙  
 江  
 口  
 連  
 潭  
 頭  
 村  
 至  
 落  
 洎  
 次  
 第  
 受  
 官  
 橋  
 水  
 桐  
 埠  
 水  
 姚  
 家  
 圩  
 水  
 於  
 何  
 田  
 二  
 合  
 達  
 於  
 黎  
 西  
 川  
 水  
 旬  
 會  
 仙  
 峯  
 西  
 下  
 合  
 孔  
 源  
 經  
 翻  
 魚  
 潭  
 下  
 樟  
 村  
 橫  
 村  
 宏  
 柳  
 丁  
 湖  
 丁  
 路  
 龍  
 安  
 鎮  
 故  
 又  
 名  
 龍  
 安  
 水  
 上  
 會  
 黃  
 家  
 嶺  
 水  
 在  
 佛  
 山  
 下  
 水  
 給  
 西  
 城  
 梅  
 源  
 蔡  
 源  
 諸  
 水  
 流  
 過  
 舍  
 田  
 納  
 棲  
 靈  
 九  
 曲  
 水  
 其  
 流  
 九  
 曲  
 出  
 鎮  
 賢  
 至  
 港  
 口  
 達  
 於  
 黎  
 三  
 川  
 既  
 會  
 於  
 硝  
 石  
 迤  
 邐  
 西  
 北  
 流  
 經  
 通  
 會  
 橋  
 通  
 至  
 雙  
 港  
 口  
 一  
 作  
 雙  
 入  
 時  
 水  
 經  
 南  
 城  
 縣  
 治  
 東  
 受  
 城  
 中  
 流  
 出  
 之  
 濠  
 口  
 水  
 北  
 流  
 至  
 口  
 頭  
 港  
 受  
 石  
 頭  
 港  
 水  
 又  
 西  
 北  
 流  
 至  
 親  
 口  
 有  
 親  
 口  
 水  
 分  
 南  
 北  
 二  
 幹  
 會  
 納  
 支  
 流  
 合  
 於  
 親  
 口  
 西  
 流  
 入  
 之  
 又  
 西  
 北  
 流  
 至  
 楊  
 梅  
 墩  
 有  
 官  
 坊  
 橋  
 水  
 自  
 西  
 而  
 東  
 而  
 東  
 北  
 凡  
 五  
 支  
 合  
 流  
 出  
 官  
 坊  
 橋  
 東  
 流  
 入  
 之  
 又  
 北  
 流  
 至  
 港  
 口  
 有  
 岳  
 港  
 水  
 合  
 南  
 北  
 支  
 流  
 過  
 岳  
 口  
 出  
 大  
 通  
 橋  
 東  
 流  
 入  
 之  
 又  
 北  
 流  
 抵  
 金  
 露  
 界  
 潭  
 港  
 雙

潭港水合三支流，出胡公橋，東北來會，又北流，汝水入焉。  
 汝水源出資谿縣北石峽，西北流入南城，道橫山，至水口村折。  
 西北流，經玃玃，又入資谿，至大港，合萬陂谿水，曲折流出，歐家。  
 橋入金谿界，至黃獅渡，為獅溪，水抵破港，合雙溪，水抵后車，合。  
 華溪，水迤邐至清江，橋為清江水，歷碧溪，官山，溪林泉，津清思。  
 清溪，國作津，下鳴山，港口出石門，與盱水合流，為撫河。臨川縣志  
 矣。

四二

撫河出石門，而北至疎口。一作橋受金谿水，其源出上幕嶺，東水。  
 色如金，縣因以名，其流自南而西，抵雙溪，橋合芳源，水歷雙龍廟。  
 橋合梅峯，港下有福谿，舊志云會石銅斗山，諸水歷瑯琊，而西北流入。  
 撫河，又北至許灣，有水迴抱環繞，如帶，名角帶水，為蕩大河，故。  
 道稱古港者也，其流由疎口橋，經古竹街，至覆船石，斜入撫，直達。  
 臨川，撫河又西北，過嵩湖，亦作湖，又西北，至大仙嶺，下其北崖，為下。  
 馬山，夢港水自西南來注之。

夢港水者，舊稱夢水，一名孟港，發源於臨川縣南三十里之白。  
 楊嶺，盧峯下，北流至崇山，會木嶺水，又北，過簡車橋，又北，合樓。  
 撫水，又北，過姑陂，二陂各灌田千五百畝，又北，過河埠橋，合石。  
 池水，又北，至接雲山下，兩山扼東，下多砥石，相傳康熙中某氏。  
 與南豐，駕排者鑿通之，以利舟楫，又東北，合游頓水，又東，過關。  
 王石南，赤石峻，起鬱若層雲，上有關王廟，有橋曰關王橋，適東。  
 館通衢也，泉源水自北來，注之，又東北，過呂橋，合玉水，潭嶺，高龍。  
 殿十丈，下澄，馬潭，深不可測，北流，過津橋，至鄭坊，折，又東。  
 而西，有石橫，互如梁，曰玉壘，土人為之，橋曰十畝，折，又東。  
 北，過楊林橋，又北，東，合萬溪，水西，合大源水，又北，過烏石山東。  
 又北，入於撫。

撫河自夢港而下，近臨川城，西崖多阻，石麓水，潯潯如湖，曰瑤湖。  
 稍北，有決口水，北趨孔家渡，明嘉靖間，千金隄成，水復故道，又西。  
 北，至縣城東，畧擬峴臺，抱城而北，過文昌橋，折而西，環城北，又折。  
 而西南，環城西北，至吳家渡，又折而西北，至黃塘口，一作黃合連。

樊作一水過西高橋繞赤岡西又北過品橋南樂仙臨山南又西北  
橋共會臨水馬

臨水 其遠源即寶塘水源出於大盤山兩境有太平山會河源

宋源水歷同富邀殷坊龔坊水引龍義水受書堂集十洞諸水

大會於李河準應縣志古城地過公陂至崇仁縣名其水曰寶

塘至撫西為臨水按光緒志出發源巴山之巴水舊名定水亦名

母水至巖陀寨入寶塘水一條滋更

據崇仁臨川縣志以寶塘水一條滋更

寶塘水北流折而東轉北至羅陂合羅山西源之水西出臨山

東南入馬又東至官洲西寧水自南入馬源出華蓋山西折入

馬又東過崇仁縣治南折而東北至左港合羅山東源之水出

羅山東之塔山東又東北十里孤山水源出孤嶺北流下樓陂

橋行八十里細諸細流自南來注之又東北至白鷺渡入臨川

境竟山交嶺之水自北來注之此下稱臨水矣

臨水東北行抵龔家渡會宜黃水過西津趨重江口會汝水入

撫河馬

宜黃水者宜水黃水之總稱也宜水發源於軍峯山下鏡坊過

神岡下圳口至湖坪暮漳嶺石溪水會兩山楓林均嶺蛟源麻

溪諸水從東來合之下永興橋而北合前源余家山硤石諸溪

水經棠蔭下官埠橋而合小源水東合陽坊到坑水又北至車

上余坊潭過高家渡沿卓望山下永豐陂至丁家洲合黃水

黃水出宜黃縣黃土嶺北流二十五里至東陂新豐市橋坑侯

坊諸水從東來合之又北流五里合柳坪水又北流五里

合磔下溪水又北流十五里至雙江口齊陽何竹蛟湖黃陂諸

水從西來合之又北流五里至塘墟又五里至贊公橋磔上霍

源諸水從西來合之又北流至長虹橋黃山九曲水從西來合

之黃源坪頭水從東來合之又北流七里至杏村藍水從東來

合之藍水潭出魚牙嶺至打石嶺會又北流至溝口澄源大鹿

水從東來合之又北流十里過宜黃縣治至丁家洲東合宜水

西合曹溪水源出沙嶺經曹山寺過樓坊橋亭而出又北流四十  
 里至營前地屬梨溪水注入之  
 梨水二源一自芙蓉山發源分左右夾山而下合於官坪西流  
 合禾嶺蛇源溪水北流一自居陵發源北下塔嶺合上下獅溪  
 水經梨樹潭而源漚流屈曲西注過河湖橋至營前熊氏洲與  
 宜黃水合  
 宜黃水又北流至龍骨渡入臨川縣境受禪和諸源之水又北  
 至下墩渡長源水自東注之又北過博渡或稱博洲亦分東西  
 流由航埠又北流通崇仁縣之抗車一作航埠亦分東西  
 下而航埠又北流通崇仁縣之抗車一作航埠亦分東西  
 川境納黃柏溪水入北過上頓渡至龔家渡東北會於臨水又  
 北過羊婆石一名石楊明水仙桂山之水西北來注之入東北過  
 西津至黃塘黃塘口入於撫河  
 撫河自黃塘口東北流過金玉石臺出馬鴉石而北過虎頭洲至  
 蕭公渡千金陂支港至此會合折而西北過黃昏渡周渡許家渡

江  
 受  
 四  
 四

受黨溪樟源以西橫山以南之水折而北至崇埠蕭公渡以下支  
 港至此合東鄉水為  
 東鄉水者流出東鄉縣境其主流有三港水者以水無主名來源不一而交會此港  
 政以委之所源三一出雄嵐峯之陽左經洞泉觀西坪自東北  
 至一出珠坑一作坑庚嶺之間經桂山長林下繞縣治一出竹山  
 峽入寒陂自東至三水合於縣治東北里許即三港口也港之  
 東南有花山港一作花水出螺首峯南流至朗橋與金峯東麓  
 之水合流注入之臨川縣志指此三港水西流通珠溪至烏岡  
 太平橋水源出庚嶺之左經太平橋自東南來會又西流至鐵  
 牛殿清有開五門黃安橋水源出庚嶺自東南來會又西至  
 康服黃塘陂塘一作黃水源出雄嵐峯之左自西北來會又西至  
 石山橋即遊二關周知金橋水源出養陽關下自東南來會稍  
 折而北縣東鄉西流受南塘陳家陂諸水又西南折抵石江  
 口石周開二門有水勢至此作之字屈曲南北一望開即湧湖渡

也從水鄉乃會合延橋水

延橋水者為東鄉南境諸水之總匯發源於齊原西諸山之

陽者由橋西歷上池合金路北境之水入艾家橋其源出梅坑

山者由社林并山歷語溪經侯家橋會入艾家橋又西過岐山

抵金路能舉渡一名齊港渡又名齊會金路齊岡水

齊岡水亦曰齊港其源三一出查堆浮羅橋一作浮羅橋一出

出尖岡墩至下車橋而合一出縣北金窟山至東門橋三流會

合而西下黃連橋一作黃曲折至艾家橋次第細諸溪流會延

橋水抵齊江渡至白城寺下分支一經延橋一經高竹橋至湧

湖渡合三港水

三港水既會延橋水齊岡水轉南趨北折回旋十餘里抵高湖

余家渡通汝湖湖門五里北受詹家圩水下里許即新坂為南

北水之總匯入臨川境羅家渡汶而西會蕭公渡支港轉北過

唱觀圩雲山市而西南至港口又西至金雞城前即城出柴埠

四五

入撫河

撫河又西北過焦石又北過李家渡至王家洲分南北兩支圓合

於許家灣一作野下三江口合於大港其北一支即箭江也箭港

繞中洲之左中洲繞以海臨川界而西轉賢坊以南進賢界

而西隸南昌府南花二十里至溫家洲臨川界折而西十里至枕

頭埠進賢界又北流十里至梁家渡入南昌界漸嶺互其北下有

浙嶺路鐵橋臨川進賢諸港水皆歸入之又北流五里至彭涼進

賢界又北流十五里至荏港南昌界自此而北五里至朱坊河塞

於洲西徙五里至棠墅與若瀆水合中洲至此而盡又北流五里

至群邪又北十里至武陽渡又北十里至謝埠市於此登陸多分

大小河

大河由東行八里至羅舍渡分為二支一支北行十里至拓林復

由北而東十五里至八字腦進賢界支港上通贛河舟一支東

行至另添洲舊馬大河今通轉而北五里至窰城又作頭又分支折

而東北出者七里至梓林街與新大河合斜而東出者五里至	涇口又八里至松林廟轉南而東流十里至鵝公腦出三陽市	<small>又作山金路諸湖會通入鄱湖由鵝公腦以北八里至牛欄橋</small>	與梓林街水同歸八字腦	小河由謝埠東北行繞金鳳洲五里至武漢市折而北十五里至	蘇墟下分流入小港	<small>蘇墟下分流入小港</small>	家灘進賢界水溝折而東十五里至八字腦與大河合分支別	港西南淮通潁河東北入於鄱湖矣	撫信兩河之間互通而總匯於鄱湖者進賢之水也其水以三陽	為經在進賢縣北六十里南陽洞陽武陽三水合流故名焉	南陽者單山湖之別名也師古嶺之鍾陵水	<small>其作流經鍾陵市</small>	潤安渡自東南來注之香爐峯之池陂水	<small>亦作港又西北流過</small>	池漢市由日月湖	<small>或作洪注之延袤五十餘里進境最大之湖也</small>
--------------------------	--------------------------	---	------------	---------------------------	----------	-------------------------	--------------------------	----------------	---------------------------	-------------------------	-------------------	------------------------	------------------	-------------------------	---------	-----------------------------------

二二四 金鳳洲五里至武漢市折而北十五里至

四六 三

洞陽者青嵐湖之別名也自英山至神浦渡長六十餘里流嶺	之羅漢水亦作港一經羅漢市向西南來注之常湖九曲水	<small>其</small>	九曲合香爐峯之通濟港	<small>遠縣治復迴榭山之院澤長樂優遊</small>	看源發源諸水自東南來注之	武陽者白沙湖之別名也進賢西北水之所匯汝水脚撫之所	浸也與南昌大小沙湖相連延袤二十餘里冬則多涸	三陽之水合流於三陽市右出之以合撫水入東鄱湖北出之	港下金谿湖入瑞洪出鄱湖蓋與撫水旁道者也	進賢之東七十里有潤陂水源出羅嵐峯北流經潤漢市匯為陽	方湖又東北入餘干縣界經瑞洪與信河匯通而入於鄱湖矣	撫河水系逶迤於廣昌南豐南城黎川金谿宜黃崇仁臨川東鄉	南昌等十縣之間幹支之長細流不計凡八百餘公里常年可通	五公噸之帆船者僅及全長之半水位適中之時可通二十公噸	以下之輪船者又僅臨川至八字腦間一百二十七公里耳幹流
--------------------------	-------------------------	------------------	------------	-------------------------------	--------------	--------------------------	-----------------------	--------------------------	---------------------	---------------------------	--------------------------	---------------------------	---------------------------	---------------------------	---------------------------

自南豐而下絕少灘險而泥沙冲積河床日淺以是少舟楫之利  
惟愈近下游平疇沃野極日千里灌溉得宜農產五穀甲於他流  
誠賴膏腴之區也其夾於撫信兩流之間者為進賢縣濱於都  
湖半淪沼澤漁業而外他少利焉

附錄

官濠水在南豐縣北有二源一自縣北入城出關一自縣西  
隅二濠同流至萬歲湖入盱水  
荷石百丈溪在南豐縣西二十里源出二溪口至前山港口  
入盱江  
蔓翠湖在南豐縣東里許舊名萬歲湖城中濠水皆瀦於此  
下入盱江  
日月湖在南豐縣南十里形如日月  
祥潭在南豐縣西北二十五里流二十餘里入單港  
小姑潭在南豐縣東南三十里其地舊名西源有石鎖江口

如石門門內後有石橫之險類小姑山因祀小姑山神於上  
又縣南南臺山下有南臺潭一名塔下潭水流最為險急宋  
治平中建塔其上  
擗鼓潭在南豐縣西七十里兩崖壁立夾溪中有一穴深十  
餘丈圍徑數十尺了漢水經此湍激聲震如鼓故名  
大雨湖在南豐縣東南五里自石梯嶺南流折而北繞南臺  
山人盱水又縣南二里有小南湖源出牛頭坑會大雨湖  
雙松池在南豐縣南化成寺側唐天祐間謝禪師植雙松於  
池上  
古圳泉在南豐縣西南五十里溉田千畝  
溫泉在南豐縣東南七十里甘露寺前有三泉里人贊為三  
池冷池雖伏如水熱池雖臘亦沸惟溫泉可濯  
冷水井在南豐縣東水最甘冽又縣東六里有孫家井竇尺  
許泉涌不絕又縣東南七十里有馬坪井皆灌田千畝



冰壺水在新城縣西四十里源出福建建寧縣李嶺下流入  
 龍安水  
 沙溪在新城縣東南二十里源出巖嶺宋傅確居焉  
 第一泉在新城縣西場山下清澈不涸較他水特重明張頌  
 建亭其上額曰黎川第一泉  
 石礮溪在南城縣南五十里旁有石礮水流入其中不知所  
 注測之益深或以木石墜而試之竟不知所出  
 天湖在南城縣東四十里五藏巖之側一石山如木因仰高  
 逾數百仞絕頂平坦有田數十畝雖旱常稔故曰天湖  
 蛤湖在南城縣西三十里有石礮百丈飛瀑淙下入湖多產  
 蟹蛤宋治平寺碑云蛤湖石鑑是其處也  
 高規湖在南城縣北十五里濶半里許舊名聚水湖宋熙寧  
 中付陂長灌溉高規莊官田故易名  
 神功泉在南城縣西南麻姑山清而甘美宜釀酒故時江有

二  
 四  
 八

麻姑酒

紅泉在南城縣西南麻源第三谷泉自砂中流出其色紅宋  
 謝靈運山居賦訊丹砂於紅泉即此  
 湯塘泉在南城縣東八十里有泉湧出如沸湯至冬尤熱一  
 名湯沸泉又縣東北八十里有靈泉一名湯泉一名法水  
 汝水在南城東門外即時江新城縣界流入歷石門許灣過  
 文昌橋環臨川城北折西南環兩北至黃塘口合臨水折北  
 至蕭公渡合東鄉水至新會擺又北過温家洲入南昌縣界  
 新會擺西分十支抵南昌縣之舒家窟  
 按汝水即時江誤於太平寰宇記汝水源接時水之說撫  
 州府志金谿縣志均引金谿人王謨所著汝麋解卷云漢  
 和帝永元八年置臨汝縣以二水得名水無注叙時水脫  
 臨汝置縣一節竟不及汝水樂史寰宇記乃謂汝水源接  
 時水又謂時水至石門改為汝水後之郡邑志並沿其說

而不加詳考遂使汝水源流失實嘗由石門溯洞而上至  
 瀘溪而得其源實發自福建光澤諸山谷中逶迤曲折百  
 數十里入金谿邑境下石門與盱水合流入於湖漢置臨  
 汝縣舍是水必無足以當之者樂氏失考石門內尚有支  
 河直以為源接盱水語本鶻突再查南城志盱江發源於  
 廣昌血木嶺下並不及汝水是汝水幾無源且與盱水爭  
 源矣謹按王說是也又按新城縣界流入之水為黎水舊  
 志指為汝水均誤應正之詳見水系本文

學溪在廣昌縣西南源出金嶂山經永興寺紫繞縣學明正  
 德甲戌巡道胡世寧濬為二溪一自拱北門入循舊河一自  
 外繞迎恩門至學前復合於佛流口入盱水

龍溪在廣昌縣東北八十里源出高陂流入石門通汝川山  
 水佳勝宋李山甫居之因號龍溪釣叟

按龍溪出資谿縣西北之高陂下入金谿縣之獅谿出石

四九

門通汝川與廣昌為風馬牛應據瀘谿志更正

桂湖在廣昌縣南七曲迴流至白水鎮乃可通舟又名桂湖  
 七渡

石壁潭在廣昌縣南十五里潭旁石壁高三十餘丈上有海  
 眼俯瞰之深窈莫測

金井在廣昌縣西南九十里地極幽勝

清江水在金谿縣南四一作十里源出福建光澤縣界由瀘  
 溪縣過南城縣界入縣境至鳴山港入盱水水清冽宜漚楮  
 故土人造紙名清江紙

按即汝水也以流經清江橋故為清江水因地以易名耳

依洲在金谿縣西狀頭山之東宋傅子雲嘗游詠於此

鬻指池在金谿縣東二里烈女祠前唐寶歷間冶監者壘鐵  
 錫虧額將罹重辟二女痛之因鬻指自誓躍鑪死後人因以  
 名池

黃蜂泉在金谿縣西三十里寬不盈畝而泉脈星燦多於蜂房灌田百頃

鳴玉泉躍馬泉俱在金谿縣南翠雲山中

南湖在臨川城南門外西折里許相傳南唐元宗弟齊王景

達所開今湮為田

墨池有三一在撫州怡臨舊府學晉王羲之學書池上池水

盡黑故名一在金谿縣距白水寺三里乃謝靈運滌硯處又

臨川縣清遠驛有墨池

卧冰池在臨川城東門孝義寺俗傳為王祥故宅

靈運池在臨川縣東四十里距靈谷山二里許池在山巔謝

靈運為內史日游於此故名

放生池舊因汝水為之唐末邕州蔡大夫遷撫州刺史護按

陸龜蒙傳有撫州刺史蔡京全唐詩錄京假節邕文道由吳

志京為大中時游汝水放生禁採捕有人乘小舟釣其上蔡

五〇

使人捕之釣者為詩云投卻長竿卷卻絲手攜蓑笠獻新詩

臨川太守清如鏡不是漁人下釣時宋州守朱正辭始即吳

陂莊之南塘為之制才門以均蓄洩

溫泉在臨川縣西北三十餘里明水山東麓有明水寺迤東

四五里有池常沸曰溫泉宋蘇軾謂天下溫泉七汝水其一

也明萬歷中知縣劉厚昌建亭覆之今地池西五六里有池

清冷曰冷泉昔人謂水有日月之象故山曰明水也

龍潭在崇仁縣凡四羅山沸湖山芙蓉山華蓋山皆有

龍西澗在崇仁縣西南兩山聳峙中通一渠遠接桐山泉隨

石瀉下注為潭可濟歲旱

黃金瀨在崇仁縣東二十里下有潭深莫可測

擣鼓潭在宜黃縣南九十里山泉傾瀉入潭其聲如鼓

龍馬洲在進賢縣北四十里軍山湖畔又縣東北四十里有

迴龍洲

仰泉在東鄉縣何坊山麓有池廣丈餘水由地出如珠液  
下流灌田甚多又有清井泉在長林亦利灌溉

三信河系一名信江唐李翱始謂之信河朱子謂之高溪一

謂之上饒城南言也在發源玉山縣三清山麓水五洞龍潭曰金沙溪

一名乾溪即寰宇記所謂懷玉上干溪合玉山縣治南乃古餘汗上

游也其水東流二十里屈曲迴環經子午口紫湖作折而南流經

徐家嶺大葉小葉洞口貢口潭頭次第納諸溪水再折而東南流

過東津橋曰曹玉潭大橋溪水古源出江山界冷水坑江北通

即此山者西流來會又西繞玉山縣治東南為傅家潭許在治東二里

又西流里許下鎮溪或即下干溪水至噴口合鎮川與豐出至何橋

合松溪至下源溪合程村水自東南來與古溪經曉頭溪入坑在

港溪名並入馬曰三江口又西流至城南淮大王潭曰冰溪玉并名

又西流過玉虹橋至西濟橋故址下合玉琊溪一作玉

玉琊溪者發源懷玉山玉琊峯西流經童家坊轉東流至江口

淤合八礮水又折東南流至王家坊合小葛水至白石橋合外

蓬水又東南流入梅峽曰梅溪峽長十五里兩岸高峯層疊隘

東石骨嶙峋出峽口繞周村街後溪水過崙溪為鸞峯潭又

東南流出崙溪口故西濟與金沙溪合

信河又西南流逕廣豐至上饒溪口橋玉山縣西之星溪水一名

沙溪源出沙溪嶺難公嶺南自北來注之又西流過五里淤為明

大學士鄭文恪之改屬至靈溪口靈溪水皆名萬山溪發源靈山

家坊過玉有北來注之又西南流過上饒城南至三江口廣豐東

來之永豐溪入焉

永豐溪者廣豐縣水之總名也一名封禁山水以源出封禁山

也其自東南發源者有四一自福建浦城界二渡關入靖安而

西北縈流至沙田與銅鑄一作山合一自磁山出余村東行

經鶴頸入五都街一自銅鑄山在銅鑄至沙田九都應指此合二

渡關水沿五都街抵雙山一作雙州山一自六石峯流十餘里

納松峯	入於砂溪	水南渡	灘古	饒境	南來	信河	橋山	至時	注之	流經	流入
峯國	砂溪始	平趨	良溪	至戰	注之	又西南	羅橋	時港	又折	船坑	馬
高峯	通舟	抱石	漢水	坂永	又斜	流至	水會	湖	而南	高洲	
山峽	舟楫	石連	玉一	平溪	向西北	龍潭	又西南	作	流入	甘溪	
之水	由砂	石連	一作	自銅	流	儲溪	南流	時	鉛山	上渡	
遊八	溪而	天田	銅塘	銅塘	入灘	本多	過九	漢	山境	石溪	
都折	西北	水折	山螺	山出	頭渡	嶺	股松	自靈	至葉	來會	
西南	流入	南趨	綠尾	經鐵	抵汪	發源	松	靈山	葉青	又西	
流抵	排山	繞廣	甌	山過	汪家	靈山	九	兩南	洲瀘	河至	
雙山	水	豐縣	源口	應家	園入	西南	股	流經	溪自	河口	
總合	岸	治南	周村	口冷	信河	流經	松	洞鐘	谷陽	鎮鉛	
請派	杉木	從	即古	水嶺		洞鐘	一本	巖	關發	山鉛	
	亦		良	自		巖	又		源西	河北	
							西南		北		

江西... 五二

信河	紫源	馬嶺	鉛山	鉛山	紫溪	合紫	鉢關	小可	村	鉛山
會鉛	下蓋	嶺溪	山河	山河	水	溪水	水	道	流	河
山而	竺出	馬嶺	合紫	合紫	源出	水	又名	東流	入	河
西流	港東	源出	北流	北流	黃柏	水	上下	至港	祝公	源
過天	過沙	馬嶺	轉西	轉西	合名	由梧	渠源	口合	橋下	水
王潭	田而	關	過鉛	過鉛	名	桐灣	水	觀音	水口	源
鎮在	楊村	洲	山治	山治	董碧	過沙	轉而	關蓮	與第	二
縣北	嵩口	馬鈴	北納	北納	村	坡繞	東北	花塘	二源	出
三十	至周	關作	南城	南城	連	石塘	入下	水轉	源出	分
里河	村安	至山	濠水	濠水	港	至五	渠合	而東	分水	關
澄河	洲會	前合	之水	之水	七十	寶洲	濕	北入	水關	之
處合	鉛山	漿源	之焦	之焦	里至			下渠	水關	水
請溪	山	水	漢至	漢至	紫溪			合濕	名	為
水		過			又二			下	此	下
					十里			車	石	車
					入				下	

至弋陽縣界黃藤港水自橫峯合諸澗溪而流入之其水橫溢漂  
沒民田明萬曆中知縣郎文煥緣港築壩民利灌溉信河又西至  
黃沙港合雙港水

雙港水縣志作大原源於高港出馬鞍山至水美洲而屏風磔  
右會雲霧一作關水之一作雙港出陳防過花橋翁家邊出破

港下湖坊趨濠溪入雙港過汪二渡至小港道入弋境出黃沙  
港乃會信河

信河又西流經金家埠轉西北出弋鉛二縣界至弋陽縣東二十  
里稱弋陽江至脫港一作脫港弋溪源出上饒靈山西南流入橫峯過

峯港峯名匯山溪諸水自西南來會水口有大石而如又西流繞  
弋陽縣治南至西港橋萬溪亦名入焉

萬溪有二源一自上饒靈山雞尖峯由橫峯之萬源龍潭橋至  
萬溪壩洲分國弋陽江村一自弋陽縣北宣湖山至萬溪壩合

流經江村渡後溪兩南流入信河又名弋又有蓮湖溪者源出

貴谿鳴山明溪者源出貴谿縣界合流自西北來會於萬溪故

明李玘萬溪十詠序云萬溪者弋陽之別名也以水名地蓋有  
由矣

信河又西流至舒家港源出隱士石經軍陽山之軍陽水自東南  
流入之又西流過河潭埠折而南左弋陽右貴谿至流口中洲嘴

弋陽散坑之流溪自南來注之又西流至貴谿縣治東一里之句  
芒洲產鬱金香草故河至此名曰薌溪又西流至縣治西南中

航渡須溪來會  
須溪俗呼羅塘港以水勢迅疾斯須而逝故名源出福建光澤

縣大原官山東流百里經火燒嶺亦作折而西北流經雙鎮花  
橋至江潁山脚嶽受南鄉三十六源水又北至塘灣受塘陂灣

水北流六十里入薌溪  
薌溪又北流過騎龍山受戴星溪其源一自長源一轉西流至楊

源港口湖陵溪一經裴源一經庫橋一經泗厓橋一經大王橋合

流於湖陵有北來入之又西流至金沙渡田西水上合支流於田  
 西左納碧溪亦名若港源出大水自北來入之又西流至碭家渡下河橋  
 漢源出百丈嶺由周坊經塔橋橫山頭猴山石自北來入之又西  
 流至詹山口詹家港一自上礫望姑出大田曲漢一自深田出梅  
 樹鋪湖作黃家洲作黃家洲一作坂合流於雙港口經葛家山自南來入  
 之又西斜向南流至鷹潭鎮江北有石欄橋水經夏村流入之又  
 轉西北流抵餘江界黃泥港口黃泥港自應天山倒橋出上榨白  
 虹橋自南來入之又西北流至餘江界雙鳳街惠安溪自鳴山西  
 流北來入之  
 信河入餘江境西北流通瑤池至石港泉塘水灌溉農田自北來  
 會又西北流至餘江縣治前易名錦江一作安每天朝氣清水雲  
 蕩漾如錦故名安仁志云江內有石名雲錦見志故名雲錦漢志  
 謂漢在縣治前源出梅建元澤縣雙縣治西有藍橋藍橋水會  
 千勿約草成章故名蓋指上清江也  
 合一自廬山一自紫雲嶺一自青山諸流北來注之江之南白

二

五四

塔亦作河入馬

白塔河者其上源有二一為上清溪發源於元澤貴谿分水嶺  
 北流經冷水坑羅家洲至大王渡資谿縣之蘆谿水源出元澤  
 老鴉坑過黃石口至沙苑東受規谿北繞資谿縣治抵三谿合  
 三谿水源一名長古水而出高阜東北流過鏡橋出湖石至大王  
 渡與上清溪合而西流至耳口寨納耳口一作水抵上清宮水  
 南有桂洲夏言故里也旁有夏公堤長至二里捍水利田衝塌  
 久矣無修復者又西北穿龍虎山曲折流入餘江至於白塔村  
 一為金谿之青田港水源出金谿雲林山過青田橋出石欄壩  
 與高橋洋田之高橋水孔坊戴橋之三港水會流而兩折北入  
 東鄉縣瑤壩積會合王家橋萬石塘流來諸水轉東北達餘江  
 白塔村二水既合出節家埠入黃溪渡次第納諸澗水北流入  
 錦江矣  
 信河之入餘江縣治前也一名錦江亦名安仁港又名興業水

貴縣縣西入餘干縣襄宇記云港中有崩崖積石懸水千仞滿走  
滿石村入餘干縣襄宇記云港中有崩崖積石懸水千仞滿走  
夫手差以竟楚則人墜於泉舟破於石然居人賴其膏經黃金  
澤之利有卷一竟既田一百二十頃故指上浦水而云然經黃金  
準樓準楊家準大溪渡而至潼湖作口灘分支北流至餘干縣治  
前日餘水分東西流東流會於珠湖西流逕鄔石曰龍窟河去治  
里十五注於瑞洪

餘水者以會縣西南諸溪之餘水而右一說即市湖中有越水  
風日清明如鏡如練不與眾水相混蓋興業水之餘也或曰吳  
楚越之餘水也自渣口灘南來經神前湖湖作渡北繞兩津入  
市湖也旁誌以其三道而入又右三餘水西津水西北走至樹港  
嘴分支一支西北流由祝家湖湖作灘走南湯夾管礮市三塘  
市出傳家夫作湖會龍窟天河一支自祝家灘東北流由金家  
灘逶迤北過雷家灣東趨白家渡湖作白下穿石橋新開河入於  
珠湖下匯樂平浮梁水至於鄒湖湖作白下穿石橋新開河入於  
西津渡又一支東北出巖家渡湖作白下穿石橋新開河入於

張家港作湖漢北入珠湖漢南至黃坊湖坊有受餘干縣東湖

陳塘港水又南逕沙港受萬年古樓埠水及上源出餘干之大溪

龍窟河者去治西南十五里自龍津市西流逕鄔石過三直六

灣出馬江龍坑地接逕馬頭潭本稱灣至龍窟口受潤波水其

頭南出走江家埠出馬江汶出一支至木梓灣會大河入於瑞

洪故瑞洪瀆於鄒湖重鎮在馬背為閩越百貨所經舟楫交會

之區也  
信河幹流自玉山經廣豐入上饒計水程百里下入鉛山八十里  
至河口昔為名鎮江浙閩粵商販叢集茶葉烟筍貿易之場大小  
船隻停泊之所也又下九十里至弋陽又九十里至貴谿又下過  
鷹潭鎮昔為稽察要隘今成交通中樞七十里入餘江縣治又八



十里過餘干城入六十里至瑞洪西行下鄱湖三十里至於康山  
餘江而上灘險水淺舟楫難行餘干而下春夏水漲漫成澤國二  
十公噸以下輪船僅能駛於黃金埠瑞洪六十九公里之間水終  
交通之利既少而沿流懷玉山脈之盤踞平原沃土遠遜撫河惟  
浙贛鐵路橫貫本區交通之樞紐已闢浙閩之門戶成矣

附錄

滄溪在玉山縣南三十里源出浙江江山縣委蛇至縣界與  
瀆口合中有石波瀾水呼為石倉

按滄溪即大橋溪與金沙溪下鎮溪並會於玉山縣南所  
謂至縣界與瀆口合者應是至縣南與瀆口流來之水合  
也

崙溪在玉山縣西三十里源出懷玉山西流抵上饒境通小  
舟

按玉山縣志稱玉琊溪以下游流經崙溪改名崙溪歟

江西通志卷之三十三 地理志 三

萬仙溪在玉山縣西北六十里旁有天呼墩俗傳萬仙翁修  
煉於此源出上饒縣靈山流入縣界至靈溪合玉溪

按即靈溪或以相傳萬仙煉丹於天呼墩故因名萬仙溪  
石鼓溪在玉山縣北一百二十里懷玉山龍潭之側溪中有

石內虛外實擊之有聲隆隆

八礫龍潭在玉山縣懷玉山麓深不可測水由山巔傾注而  
下勢甚洶湧潭側有石鼓溪又玉琊峯下有玉琊溪皆即玉

溪之源也  
傅家潭在玉山縣治東二里傅家山下

默泉在玉山縣暖水三山之麓產四足魚蓄諸他池則不活  
縣南黃谷山有玉泉在福慶觀內縣東石馬頭有寒泉

宋溪在上饒縣西八十里源出靈山西流百二十里入信江  
圖經云宋氏居此溪側唐天寶六載敕改為宋氏水

按溪經上饒西宋氏居故名其下游至橫峯曰峯港至弋

陽曰弋溪入於信江

破石水在上饒縣西六十里源出福建建陽縣界北流六十里入信江可通小舟

按疑即瀘溪上游之一支流也

廿里潭在上饒縣西三十里接鉛山縣界其水浮蓄廣二十餘里

君遷潭一名龍潭在上饒縣西五里信江豐溪二水合流至

是有石屹立水中下漚為重潭舊時長吏遷權常祖餞於此

故名或云潭上有君遷樹

老虎灘在上饒縣西十里灘勢險惡故名又縣西二十里有

牛服灘中有兩石如牛服水勢震激舟行甚險又縣西八十

里有鐘石灘灘畔巨石如鐘

陸羽泉在上饒城內茶山寺以其土赤一名燕支井化兩泉

在鍾靈講院內泉味甘冽

江西

五七

西橋水在廣豐縣西北發源縣北之黃尖山諸小溪曲折而

來繞縣後抵西橋入永豐溪

桐木源一作水在鉛山縣南五十五里源出福建崇安縣界流

入分水關北合紫溪入西合黃巖車盤諸水至泖口入信江

亦名鉛山水入南五里為上下渠源水源出崇安界温林嶺

沿流六十里入桐木水

按又西合黃巖水誤又南五里沿流六十里之里數均不

確

泖水在鉛山縣西北三十五里石城層水二洞間有二小溪

合流五里與桐木水會入上饒江故入江處謂之泖口

焦溪在鉛山縣南百餘步源出泮源山水色黃沾衣則腐以

灌溉不損物

雙港二水發閩界循嵩山鉛山縣西流入山迴溪合風氣攸

止明汪宗伯兄弟卜居李東陽敬詩以美之

西湖在鉛山縣南門外舊名江家湖中涵鶴湖山影  
 清湖在鉛山縣北三十五里一作藥西紫帶如玦清澈可鑑  
 明費宏兄弟徙居其上  
 大王潭在鉛山縣西二十五里為信河最深澄處  
 七里潭在鉛山縣西十里旁為七里山故名其深莫測  
 跳珠泉在鉛山縣西里許石壓泉湧如珠亦名小石井縣城  
 西又有膽泉出觀音石可浸鐵為銅縣東二十五里瓢泉形  
 如瓢宋平棄疾得而名之因賦水龍吟縣南六十里教場山  
 有玉壺泉宋邑尉吳紹古所名亦類瓢狀  
 石井在鉛山縣北四里巨石間有竇湧泉匯為井上有石龕  
 覆之石文隱起錯鏤如蓮花倒生縣多膽水味澀此獨甘日  
 夜流不竭溉田數百頃舊名玉洞泉又有碧玉慈濟醒心諸  
 名唐光啟中賜今名  
 鶴湖湖在鉛山縣南四十里亦流入仰塔河

石堂溪在貴溪縣西二十里自福建歸化縣流入縣界上源  
 數十里皆生苦竹蒼痕點暈狀如琢玉幹直可為杖水旁山  
 嶺幽映堪為賞玩溪岸竹樹蒙密  
 鑿石潭在貴溪縣西里許其涯有十二竅各大一尺深丈餘  
 今名潭灣有鱖鯉等潭漁人以筏隔其上魚不相混  
 橫潭在貴溪縣西四十里又西十里為鷹潭  
 禁港在貴溪縣上清溪明永樂十四年遣官設醮放生上旬  
 蓮霞潭下旬雷打石立石禁施網罟  
 重潭在弋陽縣西南二一作里北流半里入弋陽江或云春  
 時有鯢鮪魚沿流從南湖而上止於此潭  
 武石潭在弋陽縣東三十里有石確踞溪澗溪流觸石匯為  
 深潭汪氏世居其旁  
 桃花灘在弋陽縣西四十五里灘石鏤錯如桃花瓣  
 信義港在弋陽縣東二十里源出福建邵武界北流入縣界

又北入弋陽江方輿記云港旁土地饒沃人多信義故名  
 南城洲在弋陽縣東南過西漢水東流繞縣稱爲形勝  
 化生池在弋陽縣龜峯山池上石壁三大字朱子所書  
 萬壽泉在弋陽縣市北稍東唐陸羽嘗品之以爲信州第三  
 泉也  
 南源在橫峯縣萬源山內四山高峯唐進士鄭畋居此  
 鄔子港在餘干縣西北二十里餘干水之一支水口即擔石  
 湖也  
 琵琶洲在餘干縣治南水中擁沙成洲狀如琵琶傳高梁蕭  
 王愷別業  
 烏石澗在餘江縣南三十里源出臨川縣流經縣南入白塔  
 河  
 按源出臨川縣談安仁縣志作自臨川池源流經祀石入  
 白塔河北臨川池源在餘江境之地名也

江西

通濟二橋注安仁江

五元

三

玉石澗在餘江縣東去雋儒學百步許其水自合掌塘流經  
 通濟二橋注安仁江  
 唐家洲在餘江縣西一里明知縣謝汝韶建天池園李華春  
 建昆陽殿  
 四都河系 流經雋饒州府屬一出樂平一出浮梁而會於鄱陽  
 曰鄱江鄱河者其總稱也  
 鄱河之出自樂平者遠溯婺源之婺源水發源鄱山大廣之南山西  
 南流至石門灘南繞婺源縣治下坑口沿德興界經銀城堡銀港  
 水在德興東北九自浙江開化縣西流來會至海口市受南部水  
 過浮溪爲宋學士汪藻遺迹之所後宗賜名龍溪曲折向西流至  
 港口稱大溪合洎水其源一自隴頭水出玉山界至南溪經白茅  
 港一自洎山下洎灘里西流會隴頭水至德興縣治前合銀山之  
 桐水出港口入大溪經樂平之茗口作茗長樂水西流入焉  
 長樂水源出大茅山經雙溪村合上饒桐川水下流至雙港口

合橫溪	出龍潭山下至重慶合洋溪	源出瑞港	出石
西流二十里	合桐	雙坑口	會長樂
川橫溪	諸水入	流經樂平	南之
都河之在樂平縣境	名樂安江	以流經樂平	南之
道流芳鷺鷺車而至	桐山港	會建節水	
建節水	源出霧山	在德興縣	西者
有弋陽漆工鎮	入洞門村	通梅林	之一
平境向西北	轉西流	至眾華街	會弋陽
桐山港口	入樂安江		
樂安江	又西北流	至桃園渡	受吳溪水
吳溪水	在樂平縣	北三十里	源出安慶
繞石屋山	過苦竹渡	與浮梁計坑水	合又過烏潭
為吳溪	自此西入樂安江		
按樂平縣志	載文溪在縣	治東五十里	俗名臨港
治東六十里	俗名流槎	均吳溪之隨地	易名者也

六〇

樂安江	又西流	過接竹渡	至翁山	受版河
殷河源	出貴谿	界百丈嶺	其上源	在萬年縣
經株林村	楊柳林	至塔橋	南溪水	自樂源
出株山	橋轉東北	流合龍溪	經富林	東來注之
其源	會前溪	黃營	諸源	水以入樂平
樂安江	又西至樂平縣	治南有水	自繼山	而西分支
西流	號內河	出龐公橋	入張家橋	達於江
樂平西北	努丹街	流來之水	又西流	至隔港
街名	玉溪河	由道港	石子埠	分一汊
山石頭口	與信河	匯流入於	鄱湖	一汊
陽縣	治南與鄱江	匯流達於	鄱湖	此樂平水
鄱河	之出	自浮梁	者曰鄱源	亦作
嶂西	流入浮梁	境經東	埠街	午冷巷
會天寶	水橫槎	港水江	家山水	壽溪

道觀嘴入昌江

昌江者浮梁之幹流也一名大河又名北河北河出安徽祁門

歷山至倒湖鎮入浮梁縣境流經城門青石灘至武陵溪口柳橋

會小北港水

小北港水有二源東源一出梁和嶺一出葉坑合流於高陂至

滄溪與西源會西源一出宗流坑一出桃樹嶺合流於港口至

杭口會分水嶺水過神壇至勒功街達滄溪會東源諸水為小

北港歷姑演港口納苦竹坑水出祁門下流口市抵武陵溪口

與大北港合流

昌江會小北港水而西南流至明溪納梅湖水又西南流至建師

港納建師港水

建師港水一出坑頭經烏陂蛟潭至彭車一出郎溪經興化市

至彭車合流為小西河東南流入江

昌江又西南流經鑑潭至石鼓納磨刀港水而南趨至昌江口會

東河水即都源至景鎮西港口與西河水會流又五里至小港嘴

會南河水

西河亦名大漢水源出安徽至德縣至三龍市合江山萬壽寺

之江山水至羅家灘佳坑嶺之洗馬橋水合界首之桂湖橋水

自西北來會出西港口入景鎮大河

南河亦名歷降水源二南出婺源縣長溪北出同瞻山之陽至

萊塘合流過高規渡與源出發源程坑歷鯉魚橋柳樹橋至陳

家坡之鯉魚橋水會流至外港柳家灣水自樂平長壽出柳家

灣北流來會至景鎮小港嘴入昌江

昌江合南河水又西南流二里至金魚灘又三里至官莊入都陽

界為都江達於都湖北浮梁水之源委也

都江又名長港一由婺源德興樂平而來一由祁山浮梁景鎮而

來會於都陽縣治東之總流也環城南而西折北十餘里至雙

港分為二支一支自西而北又折西經棠陰鎮出信河口又稱

鏡河

鏡河

會於鄱湖一支自西而北又折西注於堯山港流二十餘里入老鶴港匯於烏冷湖由烏冷西南出虬門入鄱湖達於大江老鶴港一支轉北十餘里折東入車門港匯為北珠湖雙港水落時有石梁橫互為兩岸過脈俗呼為公母石鄱陽縣北之水與鄱江溝通者為烏冷湖而有童子渡港樹長港石門港麻園河諸水童子渡港自安徽至德縣受山澗諸水南流入鄱陽境經桃溪渡至永灘右合犁耙港水左會千秋河過童子渡出朗埠入於烏冷湖樹長港水出若嶺西流至樟<sub>亦作</sub>田渡與出至德網山澗諸水由泥灣而下歷潼<sub>亦作</sub>家荻溪小港等灘之石門港水會流入於烏冷湖麻園河自蓮山發源由荷塘祈興等處綿延三十餘里至獨角山人於烏冷湖

江西

鄱河水源遠溯於安徽之婺源祁門迤邐於德興樂平萬年浮梁鄱陽諸縣羣山羅列上游水小峻急舟行不便常年載重五公噸之帆船一自德興至鄱陽一百一十餘公里一自浮梁至鄱陽雙港七十八公里而已而中水位時載重二十公噸以下之汽船為樂平經鄱陽抵雙港九十四公里耳山區硠确農田利少瀆湖沮洳賴漁為生在昔盜匪出沒人民刁悍艱於生活迨使然歎然樂平之煤匹敵安源景鎮之瓷馳名世界連江接湖水運貫通京閩鐵路聯絡東南他日鄱陽港之開闢得宜本區工業發達可期矣

附錄

滄津湖在鄱陽城內一名市心湖雖淺不涸納城中水由大龍小龍二橋經德化橋穿城而合鄱江東湖在鄱陽縣東又名督軍湖漢番居吳芮習水戰處西湖在鄱陽縣西又縣西北有北珠湖自東南至西北五十餘里為汊八十有四南珠湖在縣治西南三十里納餘干諸

水入都江

大雷湖在都陽縣東南九十里合諸山水經大渡入都江相  
近又有方家湖陶家湖灌塘湖白水湖獺湖皆入都江  
烏吟湖在都陽縣西北納童子渡長石門諸港水西南入都  
陽湖又利池湖在縣西堯山下博士湖在縣北博士山下  
桂湖在都陽縣東北三十五里相近有道漢湖俱受諸山水  
南經小渡入都江又孔目湖亦在縣東北三十五里東納大  
渡支流西經南湖入都江相近又有角尾湖又縣東六十里  
有沙隔湖俱納大渡支流西入都江  
懷蛟潭在都陽縣南二百步都江中  
白沙在都陽縣西漢武帝使下瀨將軍出白沙即此史記索  
隱今豫章東北二百里接都陽界地名白沙有小水入湖名  
白沙坑寰宇記白沙在縣西水路一百二十里沙白如雪因  
以為名

蟻洲在都陽縣西南二十五里相傳唐時有大蚌產珠因名  
螺螄洲在都陽縣東一名螺洲又名鼈洲其南岸夾汀水最  
清隋梁文謙刺饒日嗜此水後人思其廉因名清潔灣  
金魚池在都陽城內寶華巷相傳梁蕭王快養魚所流杯池  
在都陽城內西南千戶所後宋范仲淹所鑿又西有白蓮池  
漚桃源山水元時總管段廷珪曾砌石橋於石  
七星井在都陽城內范仲淹鑿舊有七竅如北斗形今湮  
大汾潭在樂平縣東北三十里鵝塘盤石下深不可測  
汰金洲在樂平縣西十五里平沙臨水先有鼓金場唐開元  
後廢  
銀潭在德興縣東北九十里一作東崖深數丈有脈直通山  
巔名龍崖  
化龍池在德興縣學東宋紹興間鑿縣南七里有萍劍池相  
傳吳芮萍劍於此



膽泉有二一在德興縣東銀山下 一在銅山下相傳以泉浸  
鐵數日輒類朽木刻其屑煨煉成銅後如法浸之不驗元至  
正二十二年中書省臣張理獻言德興三處膽水浸鐵可以  
成銅宜各立銅場即此

暖泉在德興縣二十三都新邨坂冬月熱如釜水灌田數頃  
雖亢旱不為災又二十六都茅山之麓有溫泉冬日如沸

龍鳳潭在萬年縣七十餘里兩山夾峙一徑深入潭廣丈餘  
深不可測四山壁立上有瀑布飛入潭中

龍池在萬年縣南五里上有石壁俯瞰江下一洞深八丈許  
口稍狹

佛指泉在浮梁縣西隅能仁寺前井底有石如指其泉從上  
湧出味甘冽冬夏不竭亦作市佛泉

五修河系 為修水及綠水所合成之水系也  
修水 一名西河源出修水縣西幕集山之黃龍山下水經注謂

江  
六四

備水出豫章艾縣即是水也東出大清通桃樹港曲折經白石

橋而東合磔口水鄭樵通志分寧縣有石疑即吳水入渣津

街渣津之西南有書塘水過上下三流經梅店有盤山水過東

源西源趨蓮花墩合流過渣津而東至馬坳街東津水入馬

光緒志按舊志杏花誤改為杏花今考鄭樵通志亦作杏花

按南昌府志修水一支西流者曰汨水發源桓山湖以分國誤

經誌修水源東入汨石橋今考是水流西入湖廣平江縣合汨羅

水至磊石會湖水入湖度湖水經注黃龍山作桓山舊志以

汨水為渭水非是

東津水源出銅鼓三莊嶺過苦竹境東至河口高橋沙坪若坪

諸溪水合於胆坑北流東注北趨琪坪轉東至苦竹潭網羅坊  
水折北經游源達港口東合沙港水西合上坪水轉而東流至  
瓦洋坪入修水縣境趨北歷箬坑口過蘇灘過參單灣過嶼巖  
過四途畝逕黃陂趨東津至神潭抵馬坳雙港口合於修水

寧州

修水又東過燕子崖趨修口至馬咀一作湖百萬水源出獨石山  
 合布甲水逕蒲浦一作口街西港街自北來會又東出層潭峽過  
 挂灘過石觀潭至杭山口即杭口水出小流過南茶過紫潭  
 逕上杭街自北來會又東至雙井上湖麻灘八里下距揚灘十  
 里平衍細流獨占修江之勝修江流長數百里石灘百故稱雙  
 井秀水黃山谷之故里也又東過大楊洋一作州至龍嘴崖口武  
 寧鄉水會焉  
 武寧鄉水源出銅鼓西大瀉亦作山血樹均過排埠會雙港口  
 水大減橋水過窰鋪經銅鼓縣治南石橋水自縣西繞縣北經  
 縣東流入之出江頭鋪過三都圩過港口街會合諸流入大堰  
 街東滙八疊嶺流來之帶水由西轉北出金雞橋入修水縣過  
 山口經漫江過來蘇繼金鐘石曉巖山至赤江與源出祥雲山  
 經盧坊礮之奉鄉水合流過薰衣北滙修水

修水又東至修水縣治西七里瀑布水有雞鳴峯兩流北岸石上  
 飛泉直下三十餘丈穿跨鰲橋入焉又東過浮橋渡北合高市秀  
 水其源出城北鳳凰山下逕來清過鷓鴣橋遠泮池從伏龍橋入  
 旌陽潭其水迤邐紫帶旋繞城中美景宜人故稱秀水又東至安  
 坪港口會安鄉秀水  
 安鄉秀水源出茅竹山入南坪過黃沙橋逕湘竹至於英都東  
 會源出富源過橫安之彌王山水北出港口入秀水  
 修水又東北出礮里過歐岸至彭姑會英坊水過楊梅渡會小港  
 水過三都至揚洋一作湖口會欽口水其口環山不見其出故名出  
 石岐入武寧境本潭水合諸溪水南流注之又東至清江坪清江  
 水源出龍溪由馬山寺繞龍石北流注之又東過澧溪櫻川水疑  
 萍源出果子洞大源洞合於大禾田出龜頸南流注之又東  
 過仙人潭至長田長田水源出牛皮洞北流注之又東經石市南  
 下弦水源出太平山至煙港合羅坪諸水過社埠合龍鬚水南流

注之其南岸為白石港小流源水源出大湖塘經小流會針塔諸  
 水由羅漢繞柳山西北流注之又東為惡灘灘計微灘灘流過急  
 舟行不便過鄧華受楊港水東迤北為饒灣又東北至西渡七里  
 西渡水源出伊山聚大托蕭竹小洞洪坑象鼻諸水南流注之過  
 七里山楊浦水源出朱家山嚴陽山合於橫港二縣南北流注之  
 為龍潭巨石確犖江流嚙之水益暴又東過武寧縣治南神童山  
 水出神童山由官塘源抵西關穿城出東關逆流自北來入之又  
 東雙嶠山水由雙板橋出定家墩縣志作饒東關而南西流注之  
 至狀洲江水分流南為節婦潭北為東渡灘灘尾合流而北趨觀  
 音崖楊柳橋水源出桃花尖合七里亭水南流注之至鳳溪三卷  
 源水源出鳳凰塘出三卷源合石規諸水出鳳口橋縣志作注之  
 過鳳山而東迤北為梅林埠又南為老哈石石攢巖離列甚齒相  
 亂與江水吞吐洄沫成輪舟行避白浪惟謹下為石鼓潭又東為  
 潭埠下為瀟石曲抵觀音崖少北過巾車作市南受陂田河水

陂田河水東源出瑞昌縣新開山注入雙溪會合諸澗水出大  
 橋河魯漢洞水合西流源水自西來會出梅崖墩抵三溪北東  
 河水也西源出黃土嶺過上下北山合金水出石橋會青溪白  
 羊芭蕉洞門下諸水出洞門坑過法雲寺北西河水也東西二  
 河合流三溪三溪者合流雙溪魯溪青溪也下紫鹿嶺瀟金曉  
 塘出牛頭峽抵陂田而出津口入於修水  
 修水又北少東迤南為控灘過中橫人作上洞源水北流注之又  
 北折為破石潭石四面如削世傳為許旌陽試劍處下為襄溪曲  
 池水源出德安縣楊梅山南流注之淮為龍腹潭潭屈折十餘里  
 黛蓄膏停沈沈無聲又東為三碛灘灘石亂流綿亘數里又東畝  
 坑水源出桃峯經港沙洲北流注之至河許為永修縣境受河許  
 水其南岸石坑受桃花峯水又東南至石林市有水自康峯南流  
 注之至猴子崖沙田港水北流注之又東至易家埠雲門水出雲  
 居山經長樂坪北流注之至木港白楊作水出白楊三陂南流

注之又東少南至何棧街布水廣水而流注之又東南轉東北至此津市源自賜嶺西出白洋港與東出之朱家坳水合流北來入之又東南至永修縣治西北二十五里有孝子港掘又作土港水南流入之其南岸有鏡頭湖

鏡頭湖者白沙水與炭婦港水之尾閘也白沙水源出歐山呼

童橋過大溪橋經諫田北流入湖炭婦港非作港水源出歐山圓

通寺南過岡南下黃花堰合蛇坑水折而東經萬涌洋漢蔡漢

鵲湖北流入鏡頭湖與白沙水匯通南流入炭婦港建於修水

自炭婦衝決直至山下渡與縹河匯流又一支自青壘至涂家

埠與縹河合矣

修水又東南過永修縣治帽帶水貫縣城自東而西繞而南流注

之又東雷公橋水源出軍山逕渡頭湖下雷公橋由支河轉入之

又東至潭川而北為傅家港若石瀨港口若沙港若沙湖山若楊

樹頭若德安河口徑出西都以泄於鄱湖此西河之大經也水大修

江西水經卷之六十一

河自西來者為修水是曰西河

按永修東鄉總區圖說永修東鄉瀆河而沖決之害以永興

青壘永收三角四區與馬融區之清湖圩為最蓋武寧水發

高屋建於獨五圩兩捍當其衝清光緒戊寅壬午辛丑迭遭

衝決沙磧動堆數百畝戈壁彌望創鉅痛深探本之治在疏

河矣

縹水南源導自奉新曰馮川河北源中源出自靖安曰雙溪會

於安義縣治南曰龍江水東合馮川水匯修水於山下渡水經注

謂其水導源建昌縣漢元帝永光二年分縹水東遷新吳縣平中

奉新縣今又遷海昏縣漢海昏置屬今永修縣新吳縣平中

水又謂之海昏江分為二水其水東北逕昌邑城而東出豫章大

江謂之慨口其一水岐分別注入於縹趙作水是也

縹水南源為馮川河在奉新縣治南一百五十步江東馮氏之族

於海昏因一發源百丈山由甘坊至橫橋一發源橫坑經瀑布

抵石溪一發源千里峯歷桃源至石溪三水俱匯於側潭一有  
龍頭均發源過九仙湯至雷塘阪與側潭水合匯於上富其南  
一支自白水嶺發源由定興至治城與上富水合流經羅坊過  
陰村又與上下二小港水合過招賓東下至會埠與北嶺水合  
又東縣西之龍溪自雲陽山發源過雄嶺至觀下與九溪河水  
合過白沙抵青潭至礫溪出萬坑濬河數里自北來會又東至  
縣岐山下與馮田水合按即綠水又東華林水出自華林山南  
濬迂過縣治西南至馮田合流又東北入安義縣境經龍頭岡  
東流沿雅溪下石鼻港口長埠出義興為安義縣境之南河馬  
綠水北源出自靖安縣北河由寶峯經仁首至桐城入安義境其  
中源為靖安縣南河從桃源沙港遠靖安縣治下乾州街以  
河與北源合稱雙溪東過安義縣治南稱龍江水下徐家埠東  
流至義興與馮川即綠水合北安義縣境之北河也  
綠水既合奉新靖安安義之水於義興又東北趨萬家埠至閩坊

分雙流夾青洲洲入永修縣境是曰南河下沿湖阪圩楊師行  
車埠至山下渡而會修水其間北起於雲居山南止於河廣袤  
三十餘里原隰漫衍稻田萬畝平鋪如毯名曰八蛇津有水經  
繞名曰津河上接安義之蛟源水下注於鄆家灣而入於綠水  
綠之支流也  
修綠二水既合於山下渡而東逕漆埠行五十里納泉流出其城  
與章江合逕左蠡而會於鄱湖此其大經也  
按建昌縣志水總記南河之至漆家埠也分兩支一支由漆  
埠入馬融河至西茅埠出冷家渡逆行而右則由老鸛嘴達  
省城順行而左則通康山而與饒河水會一支由周坊入駱  
家灘乃至源接於是乎出境則走新建之赤岸山其洞腹於  
經河則下拓湖而之蘆潭縣東六十里此所謂支河中之  
支也  
修水自銅鼓至吳城長凡二百八十餘公里載重五公噸之帆船

可以行駛然修邑以上灘多難行中水位時二十公噸以下之汽  
船僅通航於涂埠吳城間二十三里耳縈水有奉新甘坊至涂  
埠長凡一百二十餘公里常年五公噸之帆船祇可駛行於奉新  
縣治至涂埠六十八公里之間其流域所經上至幕阜下達吳城  
總銅鼓修水武寧奉新靖安安義永修七縣之水原峻而委衍故  
永修東鄉時有冲决之患圖水之利疏河為急至地接兩湖山崩  
叢錯荏苒符出沒所當嚴防也若夫出產之豐交通之便以視信河  
區域不逮遠甚矣

附錄

桃源水在靖安縣西北源出桃源山南流入雙溪  
大橫溪水在靖安縣北四十里源出寶峯寺側  
石掌灘在靖安縣西四十里其水出桃源山南流五里入雙  
溪  
泉井在靖安縣西石馬都上林其泉由南東流灌田四百五

十畝

汾水在武寧縣東北七十里亦曰分水泉源出梅崖山西北  
流七十里入湖北興國州界合楊新河  
修醴水在武寧縣西四十里源出大孤山入修水  
義溪在武寧縣西一百里源出西港昔有周姓者七世同居  
故名  
龍潭在武寧縣西一里其深數丈宋詔建放生池於其側近  
岸有磐石名龍潭石臺又縣南一里有節婦潭相傳宋歲後  
古妻投水處  
三洪灘在武寧縣東七十里亂石縱橫其勢最險又有東渡  
灘鳳口灘鹿角灘徐灘車頭灘控灘鷺鷥灘俱在縣東  
新縣灘在武寧縣西三十八里唐景雲間新遷縣處又有張  
家灘梅瀨灘惡瀨灘杆機灘大湖灘牛渡灘蘆波灘渠良灘  
醴溪灘桃林灘影灘新開灘斜石灘俱在縣西

澆洲在武寧縣東十里又縣西南一作南十二里有費家洲縣東七十里有團洲

上泉在武寧縣東北六十里利灌溉

鶴源水在修水縣東北七十里源出九宮山南流與修水合

嘗有羣鶴飲集於此故名

梁溪在修水縣東七十里源出程山北流經小巷入修水

大神灘在修水縣東三里又東一里為小神灘

高城灘在修水縣西十里故西安縣城側又洪水灘在縣西

九十里

溫泉在修水縣有三一曰石壁溫泉一曰白沙灣溫泉俱在

武鄉一曰長茅溫泉在安鄉

瀑布泉在修水縣西七里旬難鳴峯西流出修水北岸石上

飛流直下三十餘丈

冷暖泉在修水縣西一百八十里黃龍山二泉相去數尺一

冷一暖宋時有僧合為池以浴疾者多愈

雙井有二一在修水縣南三十步昔人掘二井以制大災稱

雙井前有午山亦名午水一在縣西三十里黃庭堅所居之

南溪心有二井土人汲以造茶號雙井茶絕勝他處

義井在修水縣西三百步宋時陳氏八百餘口同繫汲此

明月湖在永修縣西南歐山上其水泓涵澄澈瑩然如月

周坊水在永修縣東其地當四水之中章江漲則北入修水

修水漲則南流入新建縣之冷溪

南湖水在永修縣東北滙縣東北境諸水為南湖

溫泉在永修縣西六十里四時溫暖患瘡者洗之多愈縣北

五里有吳猛泉亦名冷水泉可洗瘡痕

東陽新漚水在安義縣東二十里南昌鄉自靖安縣界流入

與馮水北州水合於義興稱義興三合水唐寶應間從靈股

田中忽成大川竟達東陽津口發源處有破石潭相屬三四

里漁人垂絲探之直下三十餘丈莫測其底

六湖江系 河流四散漫無統系直入於鄱湖長江者因以湖江

高系分縣述焉

鄱湖所受德安之水曰博陽川一名敷淺水禹貢過九江至於敷

其南一支度桂嶺北經袁筠之地連延過九江而為敷淺原又

清文律遠九江原也據此則敷淺原指廬山莫大於廬山即

山而所言敷淺水應即廬山河之幹流也流經縣治南其上游自

西北徂東北有廬山河黃嬭河西河等水灌於烏石門流向東南

納蒼山河屈曲行入於南湖南湖為水修下彭蠡之漲分九

惟冬九蒸湖之北有原可修而自水劫田汗遂皆成澤

子縣出諸漢入於鄱湖星出西都汶至於蠡湖每春夏秋水漲帆

船四通冬則五公噸之航船僅可駛於德安吳城三十六公里之

間 廬山河一作潘漢河明史又稱谷蘆水自廬山烏龍潭發源西

南流至烏石門入博陽川

黃嬭河在縣北源自高良鐵爐流經黃嬭鋪入三港口西會西

河過渡口東會廬山河而南入烏石門

西河在縣西北由苦竹源發源經楊坊街遠逸而東至烏石門

合廬山黃嬭二河而南繞德安縣治東北受蒼山河

蒼山河在縣西北蒼山發源流經縣北門外入博陽川縣西有

流德縣治西南因山洪衝決與蒼山河合水遂

聖嘉靖二十六年知縣蔡元綽議開之不果

附錄

豹子巖泉在德安縣西南十里又縣東北二十里有硤石泉

在硤石嶺下遇旱灌禾收倍常年吳山泉在縣西北四十里

吳山下灌田五百餘畝其泉當春雷震乃流出冬月雷伏即

涸若嚴冬聞雷鳴其泉亦涌出也縣西北七十里有靜泉在

長漢山下平地流出寂然無聲灌田三百餘畝

布金泉在德安縣西北崑崙山之陰旬平地湧出灌德瑞二

邑田數百頃

邑田數百頃



鄱湖所受星子之水源自廬山溪清如鏡上出穹霄下臨無地有  
飛泉之勝無舟楫之利其下游或湍瀉於鄱湖或真衍而為池舉  
其大者析述於後

三峽湖源何五老漢陽太乙諸峯下合白水漕汲泉桃林澗長  
龍黃石港萬壽源諸水從高而下遠者三四十里近者數里散  
行亂石間過棲賢寺前折而南至星子縣治西之九洪橋入於

湖湖源入於三峽湖有九池沙溪在縣西二十里流至樟樹橋入湖吳宗憲廬山志云大漢

二支支一而東經蘇山南再東南流至星子縣治西入湖也本鷹溪在縣西二十五里源抱紫霄峯而下相傳宋周子嚴至歸

觀今為迎陵國師塔經歸宗寺西南入錢家湖日結青松社因名寺左之溪靈溪在縣西源出舍利塔山西南之三將軍洞洞前有古靈溪

石鏡溪在縣西二十五里出石鏡峯下縣志作金合鷹溪靈溪

入錢家湖凌霄峯水出凌霄峯諸水通白鹿洞書院東流出峽為貫道

溪又東南流十里入梅溪湖獅子巖西南麓南流經瑞雲巖華嚴寺之

獅子巖水自五老峯獅子巖西南麓南流經瑞雲巖華嚴寺之

西折桂寺之東至獵虎包再東流經楊梅橋斜石背箕田北入

大廣湖南廬山志三疊泉水為大坳尖東南麓梭子岡嶺西南麓大月山南麓

諸水東流至九疊屏北再合而南流入九疊谷即稱三疊泉東

南流經觀音閣南流至白峯再東流遷相辭橋北流循石牛山  
轉東入大廣湖嶺嶺嶺北麓水循蓮花谷而東至長嶺脚下會石排山恩德  
嶺諸水又東南迤鶴嶺作公包折南過馬家坂會眾流再東入  
大廣湖

龍溪在縣西南五十里發源黃龍山句髻山直至湖濱紆繞如龍溪頭有二井深不可測

清一作瀟溪在縣南四十里縣志作六十里草堂湖縱橫五十餘里中行九

蓼花池在縣西南十五里一名草堂湖縱橫五十餘里中行九

十九灣環池民田萬畝高下不一池水舊由北沙口入燕湖無

何飛沙淤淹民嗟昏墊康熙五十八年星子毛令始於東岸另

開新渠爾後時淹時疏同治四年縣令丁錫和見老口全湮乃

由池南望田壠開溝長數百丈名新池口未竟全功付是北口

南口旋濬旋廢治本之方有擬造陰溝以免飛沙填塞者

附錄 卧龍潭在星子縣北二十五里五乳峯下有上中下三潭旁

有卧龍庵故名 玉淵潭在星子縣北二十里棲賢寺側三峽湖中諸水合流

奔注潭中驚波噴空瀉下三峽潭上有白石如羊橫亘中流

其南為三峽橋長幾百尺橫絕大壑橋下有龍潭曰金井兩

崖石皆紫赤角立軒軒然如壯士戴橋立者其東有招隱泉

泉出石龍首中瀉下三峽湖漚為巨潭曰石橋潭唐陸羽茶

經品其水為天下第一舊有陸羽亭今廢 烈女潭在星子縣西七里清潭山下俗名難公潭為唐家堰

之源明正德間宸濠之亂甘氏女清秀殉節於此因名 白龍潭在星子縣舍都口東南其水自山巔下注俗呼白石

漚上有庵曰雲霧窟 黃婆磯在星子縣東南二里濱湖

清磯在星子縣南七十里當都陽湖之西清北距都昌縣之

左蠡南距吳城鎮俱六十里為湖中津要

洗墨池有二一在星子縣秀峯一作先寺後南唐李璟詩書處

一在蕪湖雲障一作宗寺後晉王羲之洗墨處歸宗寺有鶴池亦

因羲之得名

因羲之得名

因羲之得名

因羲之得名

因羲之得名

因羲之得名

因羲之得名

因羲之得名

流杯池在星子縣白鹿洞其崖有石刻朱子流杯池錄字朱子嘗與其徒環石而坐流觴浩歌其上又書流觴二字

瀑布泉在星子縣秀峯一作寺者有二其在東北者湧出鶴

鳴龜背之間曰馬尾水水勢奔注而崖口隘東噴散數十百

級如馬尾然其在西南者則有坡頂下注雙劍峯背遠壑中

漚為大龍潭繞出雙劍之東下注太壑懸挂數百丈曰瀑布

水水循壑東北逝與馬尾水合長流山峽中下注石潭石碧

而削水練而飛潭紺而淵因名其峽曰青玉峽潭曰龍池

而寂觀側有二瀑布水東澗瀑廣而傷於短西澗瀑高而病

其微

玉簾泉在星子縣石鏡峯下相傳迷矣草間聞之者歸宗寺

僧龜雲也旁建小閣曰觀泉由歸宗寺至玉簾石路甚滑

三疊泉

三疊泉在星子縣北二十五里五老峯背泉下注磐石三疊

而後至地亦有三級泉上級如飄雲捲練中級如碎玉摧冰

下級如玉龍走潭散珠噴雷真天下絕景非谷簾瀑布所可

方朱子謂之新瀑恨不一見與黃商伯書屢反之

谷簾泉在星子縣北三十五里康玉谷其水如簾布巖而下

者三十餘派亦匡廬異觀也唐陸村品其水為天下第一

雲液泉在星子縣谷簾泉側山多雲母石泉甘且清蓋雲母

滋液所致

德星湖在星子縣南鄱陽湖中初名落星陳王僧辯破侯景

兵於落星灣又宋孟太后舟適落星遇風宮人溺死者數十

惟太后舟無恙皆此處也

宮亭湖在星子縣東五里鄱陽湖中上有宮亭廟故石一作

郎亭又名神林湖

錢家湖在星子縣西南十里宋淳熙間知軍錢聞詩占籍於

此故名在縣南十里者曰白溝湖縣西南五十里有六湖曰  
西廟湯家橋浦走馬硬灘龍漢龍漢湖  
株林湖在星子縣北十里又北二十里曰馬頰湖又北十里  
曰大廣湖穀山湖縣東北二十里曰梅岐湖

鄱湖所受都昌之水分東西二條

一西條之水由縣前西山從流而下過石壁又過大小磯山出

子河口而左蠡山內為左蠡湖西河後港河水皆注焉

西河一名新在縣西宋紹聖間邑令以縣境邊湖風濤不時因

開此河行舟以避大小磯水之湍急其水引湖水分從南山口入

經縣前西行過望仙埠松古山出左蠡湖

後港河在治北西由左蠡湖內石流管引入至徐家埠有九十

九灣言其曲也春夏水深廣通舟楫其源有石窩湖滋腸南行

網諸小源過洞門口古名東會張家嶺水又南兩徐家埠袁國

港水會焉又南西高家埠譚家埠石背橋杜家灘次第匯網諸

七五

流人南汪家背湖名東匯澤為北廟湖黃家坂陽作家坊

汪家墩諸水皆會又西南戴家背吳江背南東對面為爛石背

內為徐湖又作徐又南西為唐湖湖名北對面為瓦石背內為

蕪山湖又西黃沙灘寺前馬家堰等水皆會又西入左蠡湖

左蠡西北過蘆河洲十五里樟樹灣有渡又北十里松口會

蔣公嶺水又北東五里潭子口陶家港劉遜橋等水皆出焉又

北十里為鷓石磯有鐵內為土目湖受徐江作橋水西北行

過舍下即徐西至夏天渡注於湖

鷓石磯北行十里屏風磯內為屏風湖湖名又北行十五里鞋

山湖內為阜湖皆湖餅鋪橋水源出長嶺湖名口南西行過桓六

橋又西過劉亦作芳市湖名注焉

二東條之水由縣前團山沂流東上六里介石又五里烏石背北

轉進內為大潭池明池大受諸小流由烏石背東行五里西涯

背又五里北轉進內為小潭明池由西涯背東上十里黃金

背北進內為何家埠又東三里獨墩背北進內為寺前湖  
 湖大沙橋諸水注焉又東上八里龍口背北轉內至三汶港市  
 受三汶港水上源分三由龍口背東上十五里柴棚北轉內  
 為後湖又東上五里周漢北轉內為盤湖又東上五里北門又  
 一里轉若壘內為竹洞湖又二里轉沙背湖外為次第納諸  
 汶水沙背東對岸十里鳳凰背西北轉內為石礫湖一名黃馬  
 又內為西湖閔家橋諸水會於盧家橋水注焉又內講樹澤廣  
 益里風受杭橋水最進北為土塘河源頭港峽山口殷家洲諸  
 水會流出土塘與葛蒲港合流注焉內鳳凰背東上二里古冷  
 背內為五古塘又上二里彭家背又二里轉孫家背內為平池  
 湖受馮田又作坂楊家背流來等水又東上十里馬鴨背又東  
 高保背外為剛一作池湖內為島潭湖蘇漢又南峯又南  
 水皆注焉又東上十餘里大小獨山內為銀保又作湖鄒陽玉  
 溪港源甘茅山嶺過皇田橋五中館研橋源甘白虎山會洪家  
 漢橋出都陽背田坂入湖

青田城大河港出志曉源會土門源橋桐源諸水出鄒陽諸水  
 入湖合江背响水灘鐵爐鋪草埠頭入於湖

附錄

黃沙灘在都昌縣西北二十五里為赴郡必經之道夏秋俱  
 水冬春水涸一望黃沙中有微流至左蠡幾二十里行人甚  
 乏明末推官黃啟忠建橋砌石路六七里  
 洗馬灣在都昌縣西里許俗傳陶侃洗馬於此  
 大窰池即大在都昌縣東十里有信潮崖魚相近有小窰  
 池  
 野老泉在都昌縣二里舊清隱寺水出石罅中清冽甘潔大  
 旱不涸宋蘇軾蘇轍黃庭堅嘗游此石上刻野老泉三字呂  
 公泉在縣北九十里呂公嶺上

鄒湖所受湖口之水類皆逶曲下行為湖湖之大者曰屏風湖長  
 十里濶五里可泊舟小桂港水注焉曰阜湖在屏風北長十餘

里湖三里口有大池老臺山北橫山南之水逆流十餘里注馬  
 曰白洋湖又作白湖在阜湖北長十里湖三里橫山北城山南之水  
 注馬曰西倉湖在白洋湖北長十餘里湖四里有南港水發源  
 武山由文橋經江橋會合橫山以北黃山一作龍山北以南諸水  
 注馬曰勞渡湖在兩倉湖西北長二十里湖五里有北港水其  
 源一發風山嶺由常均橋經蘇官渡一發梧桐嶺由馬影橋湖  
 馬影橋水通經蘇官渡與風山源合凡黃山即風山北朋脈嶺南  
 諸水皆注馬以上五湖之水皆入於鄱湖者也湖口范志曰湖  
 口諸山發脈東南沿江沂流盡於西北故水之循山而行者源  
 遠流長數淮大澤其背山而行者蓄少洩易惟一黃茅潭耳  
 湖口之水西入湖者其載於上北入江者若見於後而湖口  
 之對岸西鎖鄱湖之口者為九江因廬山障其東北故旁湖  
 多港灣而少長流略舉其要者  
 鄱湖所受九江之水皆自英章山即山之尾距九江西北所流出  
 城治東南三十里

又

者也停蓄為湖者以十數惟芳蘭湖為最大東西長十餘里湖  
 水漲湖光激灑水退則一濤泓靜岸草如蘭湖少參黃堯彩隱  
 此結廬湖上瀆會九水曰九龍潭水東流歷磨石壠入鄱湖  
 九星兩縣之間有女兒港源發廬山北流二十五里入湖水漲  
 可容舟百餘因孤山峙其前俗訛作姑遂以名港  
 鄱湖之口曰南湖嘴有將軍套港明帥扼江作浮橋於此其北  
 有隘阻夾港水通吳楚兩岸夾洲均形勝要地也  
 長江所受瑞昌九江之水

瑞昌北鄉之雙溪而發源於橫嶼又作山越石門岬與亭子山  
 逆流而橫折者會於雙橋由是繞寶山經南陽凡秦城諸水俱  
 會於三眼橋下層折而東轉北趨謝家嘴入赤湖其水分為兩  
 遙泊湖及長港湖迤邐百里內有獅子山出九江境之港口與小  
 石沃山高林稠雲鈞台岡下臨深潭  
 港合  
 小港在九江城西五里許一名官牌夾濱江可泊舟源有城子

鎮南流過赤湖之港口會更湊水東流五十里至小港入大江  
 瑞昌西鄉之洪下源北條由巫山南泉發源繞湧泉山五六里  
 許至北山園與南條由橫嶺發源之水合流而東匯為清潭一  
 闕於鄭公坳再闕於周家岸下入滾溪人名會瓜坑港源出上  
 洪港發源上大滾港水發源中大炒港發源黃經烏石街過桂林  
 橋納洪水港發源出石山堰與溢水會  
 光緒通志滾溪在瑞昌縣南五十步一名南河源出縣西大  
 小二滾山間東南流百四十里入江唐元結嘗居此瑞昌蔣  
 志按滾溪因大小滾山得名然水經諸書俱無考杜少陵集  
 有滾西寒望滾西草屋詩乃指蜀中大滾水惟元次山有愛  
 此一漢水而能存讓名之句字當作讓如康泉讓水之類考  
 唐書次山中天寶十二年進士後居滾濱自稱浪士是時縣  
 治未立而滾濱之名已著其為瑞昌之滾與否難以臆度姑  
 俟博古者論定焉

溢水者源發瑞昌清溢山而得名東流過范家鋪入東轉北會  
 滾溪過紅羅帳人作紅又東北穿白龍橋過縣治南折而東入  
 九江境東通龍開河至九江治西半里許稱溢浦港又北通大  
 江  
 龍開河在九江縣治西一里許南源發廬山之北自甘泉口北  
 流至藍橋受金官坂水至沙河受石門澗水白鶴洞水東流為  
 陶港迤毛家園至青山嘴東林坂太平宮盤塘灣諸水自東南  
 來會曲折北行過七里湖西會赤湖流來之水入會龍開河西  
 源之水  
 龍開河西源發自瑞昌清溢山據九江府志按上接溢水入九  
 江境曲折北流至滿湖渡折而東至河家渡受西南諸水由鶴  
 門寨鶴門湖在治出口東會龍開河南源諸水又東流南受源  
 漢港諸水源漢港者在九江縣南十五里源出廬山蓮花峯下  
 宋周子寓此因以名焉龍開河又北會甘棠湖一名甘棠湖唐

心為堤長七百步以利行旅人於大江

後人懷其德同名湖曰甘棠

考瑞昌姚志圖說西鄉洪一水一源於巫山白石泉為南港

一源於苦榛坳木篩泉為北港會於雙港橋流入湖北陽新

縣境洪二水南源出於柯樂源頭上下六七十里抵肇陳口

與北源合流十餘里至飛雁下港與洪一水合入數十里至

龍港折而北轉南匯於富池口又東出武穴入於長江又南

鄉之楊樹港水一源於龍潭泉一源於燕山泉會於聶家港

受若奉雷坳諸水是為古淑源南流入德安界又有篠園港

水源出篠園東西入於句藤山下至清波會南流港由王家

鋪入武寧之柘田河又西南為南灣港合梅山泉之水西流

入武寧之荍河而匯於英城鎮北瑞昌西南諸水紆迴出境

分別入江入湖者也

長江所受湖口彭澤之水

湖口縣之西北黃茅潭舊名黃家泊長八九里濶四里舟可棲

二

七九

泊網椒樹坂以西梅嶺以東之水入於江

湖口縣治東沙頭港發源黃土嶺至沙頭河入江又縣東柘磯

港口有龍聚潭後名柘磯塘水漲可泊舟源發七里衝入江又

縣東北十二里牛脚牛橋湖港發源石山逸濶十餘里至郭家

口入江又縣北四十里石坂橋港源發楊家山東北至彭澤時

家渡入江

彭澤縣西南之水總匯於方湖北入於江東北之水會聚於太

泊湖北入於江

方湖在彭澤縣南十五里週迴五十里許其上源一曰筍箕港

又名漆洪口水句武山瀉油嶺富香山北流經永樂圩

會湖口縣流來之馬車橋港

土港源發遊龍山

新橋港水

與筍箕港水合過奈北入江



太湖湖在彭澤縣東北三十五里廣百餘頃陶玉山浩山諸水之藪澤也其上流之大者曰女兒港收雙溪港水經山林港源蔡坑溪港源出浩山入湖出香口入江湖中有嶽山湖西有嶺船山山如船形湖東有白石山山皆白石會口湖在磨盤洲接源洲會口東至安慶東流縣北至本湖出水溝長週迴十里為江湖之會口也出香口入安慶境矣

附錄

禁江在湖口縣西北一名涇江亦曰涇港人稱禁江套上通大江下接小孤至冬水涸成池乃魚鰕所聚之處  
武曲港在湖口縣北二里許山勢開豁可泊巨艘舊名楊港明為歷間設權關改今名  
射蛟浦在湖口縣西南十里一名黃牛洲亦名文昌洲昔漢武帝自潯陽浮江親射蛟江中獲之疑即此地  
梅家洲在湖口縣治對岸其旁有狀如洲

九曲池在湖口縣南三十里彭澤鄉相傳晉陶潛所鑿今成小港  
官湖在九江縣西三十里一名梅家湖臨大江春夏之交江水泛漲芟葦合生不容舟楫其湖產魚甚設河泊所於旁後裁  
柘港湖在九江縣北十五里水深為湖其地宜柘縣北四十里有江磯湖又杜家湖在縣東北封鄣洲旁其相連者有沙池湖小池湖多矣  
彭蠡湖在九江縣東南九十里及湖口縣西南湖之下流也會羣川之水由湖口縣南入大江縣當其委輸之處故以湖口名據此則鄱陽湖之  
白水港在九江縣東五里亦名白水溝陳永定初梁將王琳自沌口領兵下至淝城屯於白水溝即此又名白水湖水漲為湖水落為港

烏龍潭在九江縣西南牯牛嶺北邃谷中潭凡三上兩潭皆  
高數百丈有蟲如鮎而黑長三四寸曰龍師下潭稍平夷其  
旁有大石曰拜石昔為東林寺祭龍之所  
石門澗在九江縣南四十五里一作四廬山長衝之水屈曲  
流注景最奇石岸如門前二後一水道雙石之間懸流飛瀑  
近三百步許望之若曳飛練於霄漢中北流入龍開河  
度樓磯在九江縣北臨江晉庾亮嘗構樓其上故名明嘉靖  
十一年知府馬紀甃石袤五里許江城恃以為固後復圮縣  
東北里許有迴龍磯舊名小獅坡鎮江樓建其處右有迴龍  
塔  
迴風磯在九江縣東北四十餘里一作四舟行至此俱轉帆  
避風故名  
白石磯在九江縣東北四十里濱江有白石巉巖頗危險  
金沙洲在九江縣女兒港東北白石水積初日照之燦如黃

全明太祖與陳友諒戰鄱湖檣舟洲下友諒有術士能嘯風  
揚沙風忽轉友諒一軍盡昧明帥殲之洲上  
封鄆洲在九江縣北有隄綿亘數十里  
蓮花池在九江舊府學前廣左畝明知府蘇欽中開濬種蓮  
清康熙壬子知府江殷道復濬之蔣蓮益茂  
白家池在九江縣廬山麓唐白居易鑿以養魚種荷有已被  
山中客呼作白家池之句又縣南有鄂王池相傳宋岳飛節  
鎮江州時所鑿今湮  
白蓮池在九江縣西南東林寺晉慧遠鑿因結白蓮社宋李  
公麟曾作蓮社十八賢圖  
虎跑泉在九江縣西南東林寺後山舍利院塔左晉慧遠與  
社賢游上方塔遺水遠傳有虎跑石出泉又卓錫泉相傳  
慧遠以杖卓地而得  
聰明泉在九江縣東林寺慧遠與殷仲堪論道殷才辯縱橫

遠指流泉謂曰君侯聰明若斯泉矣  
 溫泉在九江縣南黃龍山北麓冬夏常熱亦稱湯泉俗謂之  
 靈湯  
 汶泉在九江縣南含鄱嶺下泉東北流入於月山南之大溪  
 龍泉在九江縣西南三十二里世傳晉慧遠結庵於此無水  
 以杖刺地泉湧既而歲旱慧遠誦龍王經於泉上俄而龍起  
 雨乃大足  
 神泉在蓮花峯後宋紹興間皇甫坦隱廬山創地泉涌  
 楊林湖在瑞昌縣東五里縣南三十里有南湖  
 下巢湖在瑞昌縣西北四十里其水無源江漲則溢落則涸  
 金城港在瑞昌縣西北三十里羅城山下西流入江  
 營盤洲在瑞昌縣西五里螺石口平地五墩相傳明太祖進  
 偏陳時所築  
 白龍泉在瑞昌縣西白龍山下泉出巖洞有潮信之異

大堰泉在瑞昌縣西北四十里平地涌出四時不竭溉田百  
 餘頃其水流入赤湖 蘆泉在清溢鄉泉與江通時有敗蘆  
 漂出 溫泉在金城鄉其水常溫 又歸義鄉有魚泉當春  
 雷震有小魚躍出色皆花居氏候之取食 又五龍泉出小  
 石洞僅容一人入每水大滴則大雨小滴則小雨占旱陽甚  
 驗 南泉在涌泉山下冬溫夏寒溉田數百畝泉左有洞多  
 奇石  
 飲井在瑞昌縣金城鄉泉出平地深不可測灌田數頃  
 青山湖在彭澤縣東北大江濱可泊舟楫東北有周家湖亦  
 濱大江  
 母鯉湖在彭澤縣南十餘里元李時冬月於此得魚愈母病  
 故名  
 臘脂港在彭澤縣北里許遇江水漲北注入港可容舟楫  
 清水潭在彭澤縣西四十里水清多魚古樓潭在蓮安鄉潭

深莫測

得勝洲在彭澤縣西五里明太祖戰陳友諒始捷於此故名

洲尾有新洲成化間湧出者

毛菊洲在彭澤縣北元末終將軍領毛菊盧單駐舟於此縣

北四十里又有雁來洲水涸朔鴻羣集

楊葉洲在彭澤縣洲東屬安徽東流縣

柳洲在彭澤縣西北上有鏡子山下至小孤狀楊柳蒼鬱青

連十里

仰天池在彭澤縣東北大江支流也有二支江水漲一支西

流經縣北毛菊洲一支東流合於江渺茫無際水落則流注

於馬當江

函玉泉在彭澤縣山川壇左有山頂石罅中出四時清瑩人

多掬飲以愈疾上有古刻函玉泉三字又名冷水湖

赤泉在彭澤縣南一百里泉赤色利灌溉

暖水井在彭澤縣橫山湖東四時流泉溫暖可掬

水橫井在彭澤縣南六十里深廣丈餘灌田百畝以上並據

峯山磯在彭澤縣西南三里舊有峯山磯鎮縣西有鍾子磯

其石尖銳與鐵礮山排立江濱

南康府志載鄱陽湖一名彭蠡一名揚瀾一名宮又作亭湖四十

里長三百里巨浸瀟漫中有雁泊小洲西接南白東抵饒州會江

西通有之水北流入江禹貢東淮澤為彭蠡是也又云鄱昌介石

南在鄱昌縣以東至東山瑞洪虹一作為東鄱陽湖松門以西下至

左蠡土目屏風上至吳城呂邑為西鄱陽湖一名彭蠡澤一名淮

澤一名宮亭湖又說分蓋皆鄱湖巨浸所至隨地異名耳湖水春

漲波濤接天一望無際秋縮沿岸茅葦曠如平野漁人分段各守

其業定有漁課瀆湖膏腴宜稻宜麥產量豐富誠江西之真區也

他年鄱陽港成農工商賈之利未可限量東鄱湖中有團營洲火

燒洲新建永修星湖之濱有羅墩南陽志山在新建縣西北北土人

飯之因名飯羅微皆以明太祖戰陳友諒而著名湖之口有松門  
明太祖駐蹕於此  
山西崖多松遠望如門與松門山相對者為吾州山東鄒湖之門  
戶也賴河入湖之口有英城鎮東鄒湖之重鎮也西鄒湖之濱都  
昌縣治之西北五十里有左蠡湖旁左蠡山人亦名蠡狂湖拍岸飛  
沙蔽天為瀕湖第一險要又都昌北八十里為土日湖瀕土日山  
巨浪冲激其孔如目又北十里為屏風湖岸山峭壁湧起如屏障  
然稱屏風磯下有石洞沿湖口西岸而北經老鴉磯鐘子磯而至  
石鐘山曰上鐘在湖口治前南陪湖山之盡處曰下鐘在治前北  
即縣基山盡處而巖相對壁立數百仞湖口之門戶亦長江之天  
險也次石鐘而為鄒湖第二重門戶者曰大孤山去九江治東四  
十里在洪濤中突出數十丈屹然獨峙有大將當關萬夫不開之  
勢形似鞋又名鞋山有以大姑塘為大孤山以孤為姑者均誤上  
有石劃眠雲二字宋末黃帝書凌波第一錦襪無雙八字清彭玉麟  
書又北當鄒陽湖口有南湖嘴左江右湖其勢甚險與石鐘成將

猶者也出湖入江江水漲則蓄於湖江水縮則洩於湖是湖又江  
水之調節器江之水患少航運便賴有此神聖之湖焉  
長江上合洞庭九水至武穴入瑞昌境過九江稱浮陽江下流五  
十餘里合彭蠡湖水沿江有磯曰庾樓磯在九江治後臨江上有  
庾亮樓曰迴龍磯在縣治東北半里許舊名小獅磯上有鎮江樓  
曰白水磯在治東北五里江濱有石碇欹浮水不沒曰欄江磯在  
治東北十五里橫亘江中小石壁落抵岸曰白石磯在治東北四  
十里江濱石巉絕曰迴風磯在城東北四十餘里舟楫至此轉  
帆避風東北入湖口縣境為八里江經柘磯雜石磯土磯香磯磯  
小石下石背磯入彭澤界其分流西北行至禁上接湖口黃茅潭  
凡五十里下流六十里至香口入安徽東流縣境其間險要曰小  
孤山壁立江中一名髻山有一夫當關為馬莫上之概下有澎浪  
磯隆起江濱波濤澎湃與孤山對峙號海門第一關也下流三十  
里有馬嘴磯懸崖削壁俯瞰大江奔流洶湧無風怒號巨浪浮空

舟行最險長江之鎖鑰也上有虎在天井諸勝北岸有蛾眉洲下  
 為楊家洲迤邐而北過磨盤洲入於香口瀆江之地夏秋水漲瀾  
 漫無際全賴圩堤以防溢溢治水利者所當急也總計長江自武  
 穴至彭澤長一百零八公里上控武漢下引淞滬適江西之襟喉  
 為鄱湖之鎖鑰沈航運之衝要據江防之險津古祖謙所謂長江  
 浚川限帶封域洵形勝之區兵家必爭者也

江西水系補記

江西省會圖書館  
 江西通志稿整理組  
 稿紙

江西水系補記

江右水性多急其最洶湧者惟章江章江源南安縣祁山千里蜿  
 蜒控引眾流迤邐會城南繞西而東注故豫章三面皆水廣南章江德  
 勝三六賓臨江渚者省會而南北各邑向後之所波流會合沙石  
 積聚橫亘于膝之向沙井之向是為彭澤建豐設章江義德記  
 瑞州治高安其南西壑谷諸流匯為錦江橫貫州東下注章水  
 卷十三頁柳貴瑞州高安錦江橋記

章水黃原大庾區率率諸邑而達于贛城之西貢水黃原汀州巨瑞  
 金坑邑而達于贛城之西東三水及近北流二十里西儲山下為  
 儲潭潭深莫測凡出入南粵者必經焉其量於前頁七十八頁十  
 七李本仁廣濟記

章都城北門外有章江 陳定素冊吳江橋記 陳果卷十九頁十九

永新去州五十里有水曰龍經東會於新遂于吉安而距崇陵五十里實江西湖南之要會元劉岳申永新縣信風橋記 建寧卷79

盱江自小勳谿挾山水經撫州府城之東水經注所謂盱水出南城縣是也其名為最初會汝水名汝江會臨水名臨川江至城東名東江秦沅臨川文昌橋記 建寧79卷39頁

距金谿縣治西五十里曰疏山港口會八十四源之流于此而入盱水焉以徐瓊修疏山橋記 建寧79 竹

盱水源在廣昌縣之血木嶺夏良勝銀溪橋記云南條山自粵而南嶠入焉郡境攢然而崧以大者曰血木嶺一有泉為餘賓緡藤出傳激肩髮可鑿是曰盱原盱原曰盱之象也以之喻也 建寧79 卷八十五頁七

貴溪之水其源東出鉛山之北水北出玉山之鎮頭者會為大溪自

江西通志稿整理組 稿紙

弋陽西流逕縣治南入西乃於而北大溪之南有小港焉出縣東

南境上西北流西縣治而南入于溪朱子考廣雅上清橋記 建寧卷八十五頁十二

文溪去城北十里而遠澗水所經也澗水以崇巖度守山為原其

源有早禾田之水經澗陂合麓源其水可陂富塘而流於溪以流

輸文溪建寧卷八十五頁十三

江西諸水攷

贛江 秀江 盱江 錦江

修水 信江 鄱江

贛江有二源西源曰章水東源曰貢水章水古豫章水亦有二源並出南安府崇義縣鼎都山俗曰磨石山南源經大庾南康二縣北源經崇義上猶二縣至贛州府西南之潭口來會北東流經府城北與貢水會貢水古湖漢水也出福建長汀縣新樂山至大嶺隘入江西歷瑞金會昌至雩都縣東有梅江水北自寧都來會更西至興國江口有激江水來會更西有信豐江自虔南龍南信豐來會更西北至贛城北與貢水會章貢合流為贛江更北至萬安之窰頭汎左納遂江水自贛城至萬安中多灘險著名者十八惟惶恐灘最悍文信國所謂惶恐

灘頭說惶恐者也經泰和至吉安府值城而北左納木水廬水歷吉水右納為江更歷峽江新淦入臨江府境之沙溪左有袁水來會至豐城之大江口贛江分支右支會撫江分無數支津入湖正支至瑞河口左有錦江來會贛秀錦三江既合又北流至於省繞章江門歷樵舍抵吳城鎮滙鄱陽湖

秀江 即袁水古之南水也發源萍鄉縣玉皇山歷宜春分宜新喻至清江縣沙溪入贛江

盱江 即汝水曰撫江發源建昌府南境白水寨圖作血木嶺廣昌南豐南城有水自新城來會更歷撫州府城至蕭公渡有水自宜黃崇仁分流來會自是其流旋分旋合支至三江口入贛江一支至滁汭入都陽湖

錦江 即瑞河古謂之蜀水發源袁州府西北境之鐵山界歷萬載及瑞州府之上



高高安入南昌府新建縣出瑞河口會贛江。

修水 二源是義寧州西境幕阜山經馬坳抵双井一自白樹坳經銅鼓營抵双井合流過義寧州城南歷武寧建昌至涂家埠分三支南支贛江北流支由吳城鎮北匯鄱陽湖。

信江 一曰上饒江即古之餘水發源玉山縣北之環玉山南流過廣信府城南歷弋陽貴溪饒州府之安仁入餘干縣境之瑞洪匯鄱陽湖。

鄱江 即古番水有二源南源曰贛江出安徽婺源縣之浙嶺至大白司入江西德興縣境歷樂平抵饒州府北源曰昌江出安徽祁門縣之大共山至鎮埠入江西浮梁縣歷景德鎮抵饒州府二水合而繞城南匯於鄱陽湖。

鄱陽湖禹貢謂之彭蠡隋煬帝時始名鄱陽以其近鄱陽山也湖之面積跨南

昌之新建進賢饒州之都陽餘干南康之星子都昌建昌九江之德化湖口九縣之境東西廣三四里至百餘里不等東南至西北斜長三百餘里形如蘆葫中為細腰即星子之東都昌之西世謂之盟子口也中有康郎松門諸山以為舟航之瞻視堂章貢秀錦旂信都修水而統之北流至湖口縣之梅家洲入於江要以章貢合流之贛江為正幹故江西可簡稱贛省也。

鄱陽湖水量之深不及於洞庭自湖口至吳城夏期漲水之時水十二三尺之汽船可以航行冬期雖水淺猶可行汽船水四五尺者自吳城至南昌除漲水時非四尺以下之汽船不能通過以其多急灘也自南昌至樟樹鎮水流益急但可行水二三尺之小汽船若冬春之交亦須停泊其航路水程自九江下長江六十里至湖口之梅家洲入湖三十里至姑塘十里至青山七十里至南康府六十里至潯溪三十里至吳城鎮當贛江注

湖之北抵江西內地水陸之咽喉上下之船必必停泊蓋貨物之集散場也故外國人在前清時屢請開為通商港自吳城一百八十里歷撫舍達省城章江門外省城柘江流域之中樞當通商要路江西一省之生產物殆由是而出江西一省之需要品殆由是而入商力雄厚閩閩般繁人口達於三十五萬貿易之盛首推洗馬池街自章江門入長五里貿易最盛其次母子灣亦子巷亦有可觀百花洲公館最久章江門外中等汽船之終點也小汽船溯六十里至市以鎮當瑞河之口商務亦有可觀四十里樟湖渡三里黃城四里樟樹鎮現行小汽船止此樟樹市盧梯比皆棧谷山尤以為材貨易為大宗自湘潭外無出其右者蓋江右中區一大都會也二十里以溪其地頗秀二江之合口固距樟樹甚近故商務不啻達趨八十里由永太市至新進四十里峽江百里吉水四十里吉水府吉水介在木水

盧水溯江為江四水匯入穀江之間各流域日需之物多取結于此出口貨則茶為大宗抑亦都會也八里泰和縣一百三十里萬安縣一百里良口十里儲潭十五里穀州府自穀至嘉另二百里河支險灘自古稱為難石然夏秋水盛民無幾重千石者可以往來冬期惟可挽輕舟至穀往昔汽船未興江西廣東互市于此貿易極盛及汽船行駛可自揚子江支流直入廣東賴市遂衰然章江流域距九江遠近廣東近故洋布洋紗及其他外國品不仰於九江而仰於廣東其產物之百貨不輸于九江而輸于廣東穀市由今視昔猶十得六七焉穀估歲有三場之市三月為牛場五月為狗場八月為馬場歲屆此時商業益盛而尤以馬場為最故穀雖火災災時猶是江廣之間一都會也自昔載重二三百石之船溯章江南源八十里南原縣一百里小巖城八十里南原府溯章江北源一百五

十里上猶縣十里崇義縣自南安至廣東南雄陸路一百二十里即下北江支流其間  
雖隔大庾嶺道跡平夷車馬通行陸路交通之要地也自縣城溯北江經出桐油  
九十里茅店九十里零都一百八十里至會昌若溯支流北可以達寧都寧都出桐油  
以達信豐龍南

自距省一百九十里粵城之泝溪分路溯秀江南行三十里臨江府一百五十里新喻

縣九十里分宜縣九十里由昌山至袁州府此水自袁州發源故依曰袁水自袁州過

小山至萍鄉下湘東河湘東河圖作萍水入入于湖南可至湘潭舟楫所不通者僅袁州而萍

鄉之間而已凡四川雲南貴州及湘南西部至江西浙江福建諸省者必依此路為文

通孔道自汽船興過客火衰然通商貿易者猶以此路為必要也

自省城廣潤門外舟行七十里至瑞河口溯錦江由松湖一百六十里瑞州府六十里

反埠平里上高一百平里義載五十里珠樹潭輸入之貨洋紗洋布為文其輸  
出最夥者義載之紙及義載上高之夏布由錦江輸市汊由市汊南昌由南昌  
輸九江其產額甚不尠也

自省境東北六十里三淙江分路南行溯撫江至里石陽渡六十里至河口五十里李

家渡一百里撫州府至里許灣一百二十里建昌府此水有以無石下流處深曾有英國兵輪

欲上溯撫州以水退不果十石民船可至許灣許灣舊以木版書業名天下自癸亥慶

盛而許灣遂衰然上下之船必此停泊市廛綿亘貿易甚繁猶不失撫州建昌

間一都會也其輸出多以紙為大宗自資溪陸路出杉關即達福建光澤縣沿閩

江支流下官屯溪入於福州光澤與資溪雖有杉關之礙距縣僅華里二百二十里

且自江西通福建有海路之便故客貨多此路者亦盛建昌撫州之百貨皆經光澤

入于福建延平郡武三百里徑資溪入于建昌撫州其貿易亦甚可觀  
自距省六千里之樵舍又千里至橫上分路湖修江百里老鶴嘴八十里山下渡二百六  
十里由建昌縣至武寧縣一百八十里至寧州  
自修江口至此可行四五百石之船數十百石之小舟尚可溯銅鼓鎮其輸多為茶紙  
為大宗夏布其次也

自省城德勝門外舟東北行六千里至條江九十里至瑞洪湖信江二百六千里為仁縣一百  
二十里由鷹潭至貴溪縣一百里又陽縣六里河口鎮六里廣信府八里玉山縣此  
水勢向無急灘自河口至水源可通舟楫源近玉山縣四五月間水漲廣三四  
尺水深至十餘尺最深處尚有二三尺許長六十三尺幅十二尺吃水二尺三寸船可以行  
運自舟楫之便遠至七百里河口可通商福建玉山可通商浙江自玉山起陸路

懷玉山即達浙江常山縣其路雖山而修治平坦車馬往來盡便不絕自玉山至常  
山距華里僅九十里上饒錢塘二江遙之相對故上饒江之貨物至常山即可下錢塘江  
達杭州其貨由江西輸浙江者磁器麻茶紙為大宗由浙江入江西者生絲絹布蠶魚  
及洋紗洋布雜貨為大宗通過懷玉山貨物每日至以數千石計故為水陸兩商  
要道也其自河口入福建崇安縣下閩江即達福州河口崇安間雖路出大山而為  
地距縣僅六十里條皆水路可通舟楫故客貨由此路者不少以兩江之接自河口  
分起於福建福建之貨亦自河口分配於江西河口鎮固慈然為江西福建之  
集散場也河口之出口貨要以紙為大宗

自省城德勝門外舟行六千里至吉村入湖八里康郎山七十里鏡州府入鄱  
江又東北溯一百八十里景德鎮二十里浮梁縣一百二十里鎮埠自此始為徽可

更湖鄱江自饒州以上及石塘但可行百石小舟饒州以下可通汽船其航路  
有二自九江經湖口沽塘都昌至饒州四百里間夏期增水之時吃水十五尺之汽  
船可行冬期水減尚可吃水三尺之船自饒河口渡湖達滌橋至南昌百公  
里間吃水四尺內外之汽船隨時可以往來鄱江通商最盛有二途由贛河者  
自樂平入婺源由昌江者自景德入祁門凡江西之磁器粉米之茶皆由此二路通過  
景德鎮為中國磁器最良之產地每年輸出於外省者不下四百萬元四方貨物  
亦萃於是鎮鄱江第一貿易景德鎮握其樞綱其為中國四大鎮之一有以也

江西諸水源流攷

江西十三郡水匯於鄱陽者十二惟九江之水半入長

江鄱湖從湖口匯焉其餘十二郡川之大者不一漢志  
有十水一曰鄱水二曰餘水三曰修水四曰豫章水五  
曰滄水六曰野水七曰蜀水八曰南水九曰彭水十曰  
湖漢水又長沙國志安成曰廬水并此共十一水但彭  
水即豫章水發源處漢志誤分為二其實止十水也水  
經注：潁水總納十川，原注：彭、蠡、十川者，潁、廬、豫、滄、野、蜀、  
餘、鄱、僚、滎是也。與漢志各有異同。潁為章貢二水總名。  
彭水即章水，湖漢水即貢水，廬水即安福瀘水，廬瀘音  
近，故異名同實。章水疑即南水，南水即今蘆溪水，漢地  
地理志所謂宜春南水，東至新淦入湖者也。蘆瀘同音，此

源亦出瀘瀟山。故與安福瀘水同名。而訛為蓋。濁水即  
蜀水。即今萬載龍江。源發錫杖山。經株樹潭。至林家壩。  
合三江而為龍川。流入瑞州。名錦江。僚水。源出建昌縣。  
漢志不載。脩水。即修水。水經注易為脩。然贛江尤為源。  
流宗主。自贛州吉安臨江南昌南康五郡。皆贛江之身。  
水之入於贛江者。若寧都州南康袁州臨江瑞州南昌  
南安凡七州郡。故江西以贛水為源頭。鄱陽為尾閘。劉  
澄之謂贛之為字。從章從頁。江亦從章。水頁水合流而  
得名。或曰非也。章水出南安縣都山。即古南豐縣境。其  
實本彭水。自湖廣郴州宜章縣流入江西崇義縣界。歷

江西省地理二編 信  
江西通志稿整理組 稿紙

上猶南康。貢水發源福建汀州新樂山。經會昌寧都至  
贛州。有城北而合贛縣。其首邑也。又桃川發源龍南。經  
信豐入於貢。章貢二水既合。名贛江。歷十八灘。至萬安  
縣境。龍泉之遂水入焉。遂泰和縣境。泰和諸水入焉。至  
吉安府。廬陵為首邑。螺川水入焉。又上游為神岡山。安  
福之瀘水。納蓮花廳。永新永寧諸水。從神岡入焉。至吉  
水縣境。永豐水合吉文水入焉。至峽江新淦境。淦水入  
焉。至臨江府。清江為首邑。則袁州萍鄉境之瀘溪水。經  
宜春分宜新喻清江而入贛江。臨江各郡者。因臨贛江  
袁江而得名也。明成化間。贛水暴衝。蛇蛟水為銅鑿江。

北流與表江會於是臨江城臨表不臨潁矣潁流至豐  
城縣名劍江至市汊對江有象牙潭

萬載之蜀水經瑞州之錦江水入焉至南昌府為江西  
省會水抱會城之西始名章江下吳城鎮潯州之修水

入焉自此出口入湖星子天漢十八湖及德安德化之  
水俱入之乃名西鄱陽湖盱江發源於廣昌之血木為

經廣昌南豐至建昌府南城為首邑水自城北穿東門  
合新城境之黎灘飛鸞二水趨撫州府臨川為首邑其

水名汝江益撫州之水臨汝為宗支流附之崇仁宜黃  
二縣水涓滴皆歸鄱流下游合東鄉進賢水至南昌東

北境入湖玉山縣之玉溪水出懷玉山過廣信府上饒  
為首邑為上饒江下為弋陽江經貴溪至安仁江至餘

干縣境餘水入焉然縣境水分二派一由瑞洪鎮入湖  
一由西津俱會珠湖趨饒河口入湖鄱陽之鄱水發源

江南祁門縣境經浮梁景德鎮至饒州府鄱陽為首邑  
水為鄱江其雙瀆口分為二支皆入於湖以上四郡諸

水匯入湖者名東鄱陽湖其水俱匯入西鄱陽湖至南  
康府星子為首邑正當湖水之衝下大姑塘出湖口九

江一郡面長江古名潯陽郡一名潯江江水經湖口與  
鄱陽相會又經彭澤下小姑馬當山口而入寧徽境比

江西省 地理 江西通志稿整理組 稿紙

十三部水。大略可攷者如此。而贛江之身。實主之。故曰。贛江為源。鄱陽為尾。閩。鄱陽湖。一名彭蠡湖。即禹貢所謂彭蠡既豬。陽鳥攸居者。是也。朱子著九江彭蠡辨。以彭蠡為洞庭湖。蔡為宗之後。儒每辨其非。是讀經者不可泥經文。而拘朱子之說。

江西水之上源。其大者為章水。漢書曰。豫章水。山海經水經曰。贛水出南安。鼎都東山。沙谿洞。屬崇義縣西南界方石五色水。如滴漏。至洗心橋始大。東流經大庾縣。合獻山和濟水。雲山。密水。了山。靈囷水。大里水。黃公坑。崗山水。鬼。偏山。大明水。大庾嶺。嶠水。北流入之。廣東仁化所出。

江西省覽 卷之九 水 贛紙

江西通志稿整理組

之平政水。合涼熱水。漢書昔名東北流入之。經南康縣。西南為南塹口。合蓮塘。蕉溪。諸水。及布尾之封侯水。鑊山西符水。禽山禽水。過山過水。東流為芙蓉江。澄源。泓源。東山有港。有橋。皆以芙蓉名也。西北崇義縣。有樟山之潛水。湖南益。漿之麟潭水。牛皮龍水。玉泉山之義安水。大嶧山之帶圍水。即橫水經上猶縣界。上猶江。源出湖廣郴州桂陽縣。流經琴江口。營前。彭山水。入之。過大嶧嶧。合稍水。出石料水。出料造水。出崇背關水。出益石門水。出涇水。米洲水。皆從東南流入。章水。至南康沙口。又東經贛州城西。環城而北。與貢水會。貢水。漢書曰。湖漢水。發源



福建汀州新樂山面流經瑞金縣陳石山綿江水流五  
 十里入之又合烏村智水銅鉢山瀟水羅田浮圖水流  
 經會昌湘水上源為羊角水北流過龍石綿湘二水始  
 合為湘洪水淵深多怪石蛟蜃居之盤古山墨斗灣諸  
 水皆會而入貢水安遠瀛江水南流入之經雩都南為  
 雩水合金溪水出鳴化龍水出雞羅芽汶水出蔡其東  
 北石城之琴水出鷹子岡合瀟水寧都之梅水出梅巖  
 在邑北一百二十里合白沙江出武頭白鹿江城出石璜溪  
 又合東江之鰲溪小溪西江之龍變溪桃溪出桃會於  
 吳口渡西南流入雩水繞城而西出雩都峽其北與國

江西省光緒信  
 江西通志稿整理組  
 稿紙

之激江源出桐林埭及蜈蚣山合瀛水出太早黃田水

出清鄉龍下川西流出曹溪長信衣錦二龍西南流入雩水其

南則定南員魚溪出南坑地龍南桃水出冬桃山合筋

竹葛溪諸山水為三江口經信豐為桃江源出龍南桃

嶺合黃田江出始興大竹園樟木方溪水出龍北江

水出猶大樂口水出大庾安樂鄉三江水一為新田江

出安遠會昌界一為周坑江出會出中木溪口水

為寺坪腦江出會昌賴縣上下坪出巫水坑洞木溪口水

出長山綿水山出安息江水出坑東北流至雙溪口又

北為烏溪又北會於雩水故雩都為眾水之匯也貢水

又西經贛州城東環城而北與章水會二水合而為贛

比齊都官尚書劉澄之說相沿已久雖鄴道元證其以  
字說水亦未遠失水實若謂縣治居二水之間因以名  
縣則說尤允矣城中鳳皇嘶馬金鯽三池福壽二壩之  
水通之長步水出黃家山東流入之龍溪水出黃竹嶺  
北流入之梁水出龍頭嶺西流入之皂水東流出皂口  
入之凡北流三百里歷十八灘經萬安龍溪水西流入  
之綿津溪水出雙坑及長仙合流入之密溪水出鷲公  
嶂西流入之水甘冽可瀹茗十八灘中惶恐灘最險上  
有神潭潭傍種茶甚美故諺云密溪水神潭茶贛江折  
而東流蘇溪水由九石陂入之栗岡水出朝天橋入之

江西省光緒館  
江西通志稿整理組 稿紙

韶江水合黃鵠水東流入之武朔溪受風雨雲雷四潭  
之水西流入之其西龍泉遂江水源出左右二溪至李  
漁渡合為一東北流入之經泰和江流澄澈故曰澄江  
永新拔鐵山出之牛吼水合龍泉之射洲江東流入之  
麻斜溪水合李陂溪水出西江口入之贛江又北經永

豐西報思江發源寧都西北界古名瀕水以漢孝子歐  
賢廬墓牧虎虎啣白鹿以報故更名西流合葛溪黃竹  
溪白水麻江龍門江諸水流遠邑城下流為英潭其南  
沙溪蕭瀧發源興國界西北流合孤江儲溪出廬陵張  
家渡入贛江江水又北經吉安城東白鷺洲在焉水江

文老萬里始建書院合有溪水出吉螺湖水出五里岡

及橫石江水在西北安福之廬水發源廬蕭山西受永

新之水水勝業水及浚江在永新合毛停水閣水郭水

出郭山上同水出遊赤谷水出分智溪出宜春祥溪

出鎬東流與王江會源出陳會山之舟湖水合修水發

於書岡下達於三江又東流合泰和之水水一名早禾

江經廬陵神岡山下同入於贛其自富田合明德水而

入者為廬陵之王江廬水下流與清溪水相合者為廬

陵之廬水贛江又北經吉水南為文江永豐英潭之交

會也江中有青湖洲二水繞之狀若吉字故難曰吉陽

江西省光緒館  
江西通志稿整理組  
稿紙

縣曰吉水又云兩水交合如文故名文亦曰字水合義

昌水出文昌鄉陽豐永豐幽溪沙口諸水入之南溪水

出中鵠鄉東流出柘口入之經峽江東流折北舊為玉

峽鎮江水束於中而不得溢合亭頭水出七暮膳水出

牛自古山漕溪逆流南入者為仁和水自漕溪北入者

為蓮花潭水經新淦西涓湘水發源高嶺合秀溪水西

流入之藍陂溪發源百丈峰合金灘水東流入之贛江

又經臨江郡城南為清江水蓋表江贛江二水會於萬

碩洲南繞城而北故名臨江明成化末贛水暴衝蛇溪

水為銅鑪江沒田畝以千計直北流三十里與表江會

於是臨江城臨袁不臨贛也袁江者發源萍鄉羅霄山下為羅霄水東流至宜春西為桐江折而北澄清深碧名為秀江合麟橋江其源為清源江出老山仰山水九曲水鸞

水經分宜南為清源渡合赤江楊江野江介溪竹橋諸水東流經新喻南為渝川縣本以渝水名唐後訛而為

喻西合巖塘江版陂江畫江東合距江出分宜灼江潁江

發源山右八十四源源即太平江水長宣江出嶺諸水凡九十九灣八十

八灘紫洲東瀛洲聯亘以障之下清江而合於贛贛江又北流至清江鎮淦水發源離嶺會沉香溪水一名閭山水出洋湖西注之蕭水亦名小陽水出古清泉里二

江西通志稿整理組 稿紙

源匯於香田由蕭洲橋歷蕭灘鎮東注之經豐城西為

別江繞而北歷苦竹楊林金雞諸洲豐水杯山東北流

由三溪津會羅山之富水東流受百斤湖廣百餘頃田五百餘頃

株湖長十餘里田千餘頃銅湖田三里赤湖廣里既田二平港湖

百餘田諸水又會猴峰之槎溪水合流出小港口入贛

江江水北流零韶水出撫州橫以河合慶溪水西流入

之過龍霧洲即金鐘口是也杭溪水出介山匯為樂湖

合瑞州水東流入之瑞州水自萬載西南八疊山有金

鐘湖東流為龍江鱉魚鱗灘合康樂水東流經上高南

為凌江新昌之東溪來自奉新西溪來自寧州皆南流

入之合鹽溪在新昌西門外清溪秀溪一名直溪有香白竹港

出高諸水又合滕江水受小水出壘易樂水出乾斜口

水山出蒙六口水出上石洪港水東流貫高安城南為錦

江一名筠河漢志曰蜀水分一支直南城為市河東會

於象牙潭受鍾口山出荷龍口湖蛟華陽山出新龍波山出米

梅口出蕭坊諸水東流抵新建界黃源出蕭銅源出香

芭蕉源諸水入之北流經南昌府城西為章江麥源水

出西山上風雨池注梅嶺下為吳源水合白石源水入

之寧州修水出黃龍山山與湖廣通城縣連界水行修

遠故曰修江郭璞識云有水名修有魚名鱮天下大亂

江西省志稿整理組 稿紙

此地無憂受杏花苑水出華阜山百莖水出大武寧鄉水

出大焉廣劉陽興國州及新東津水出州南洪水灘水

山連湖昌界乃益成淵藪也鹿源水腰帶水出皇通州城東受安平水

灌毛嶺山下鹿源水腰帶水出皇通州城東受安平水

田三十頃及秦安鄉歛口梁溪諸水東北

竹出毛鶴源水出湖界九及秦安鄉歛口梁溪諸水東北

流經武寧縣南合義溪水官塘港亦名腰帶水魯溪水

南受清江出銀長岡皮洞楊浦石鏡俱出嚴風口出三

北受茶培山出伊東北受陵田出仁箬溪出了東受磧溪

出雙山諸港水東北流靖安城西雙溪水出毛竹山與寧

一支歷南源諸都東北流達於連里一支歷中下源坑

達於桐城合流受桃源水出九洞石掌灘水東南流抵

奉新與馮水合出色南龍溪水出藥華林水出華紫紆

西來入之而皆會於修水安義之龍江水北州水東陽

新徑水合於邑東為三合水并故源出貴白武斛源三

俱出諸水東流合於修水又東北流經建昌縣南合

檀陂水雲居山之楓林西江白沙雲門諸水東流入之

又合珠溪水一名青樹灣漢元和間出明月珠火如雞

子即此達於章江匯於彭蠡星子六溪十八湖之水入

之德安博陽川東南流入之又北為女兒港德化水入

之港口白沙水磧初日照之燦然金色曰金沙洲明節

臧陳友諒之卒於洲上是為西鄱陽湖南昌城中之水

江西省博覽館  
江西通志稿整理組  
稿紙

曰三湖九江三湖者蘇圃迤北曰北湖由廣濟橋至洪

恩橋曰東湖同仁坊二小橋至兩學宮抵水關閘曰西

湖總名為東湖古稱十里後僅廣五里歲額魚課一百

二十金明萬歷中鄱邑捐納禁不復漁九江者義取洪

範九疇所以減三湖水廣潤門二津惠民進賢順化永

和德勝五門各一津章江門二津津各引水歸濠水閘

橋置內外開湖水盈則放水西達章江江湖俱溢則閉

外閘使江水不得侵入乃開內閘引湖達濠繞廣潤章

江德勝永和四門而東注歸蠡子艾溪二湖出牛尾關

趨揚水灘入於湖貯水發源血木嶺過屋山北流為巴

溪又北為小鰾溪過白水鎮經廣昌縣南為平西大河

合南村石壁青劍諸港水北流經南豐西會滄浪水新出

城界出單港山出單出蔓翠湖諸水北流經建昌節城東川門為

行江說文日始出日行清明之意也一名行姥江行村

有老母生三子服五銖衣喜食魚日於黎沮澤中取二

鯉久之能變化遂仙去也合東江出界出石頭港水一名

梅溪出梓出新城飛鸞水亦名悲猿港合荀溪西流入之

東北流經金谿西合齊岡清江石門崖嶺后車溪出嶺出

東漕港諸水經撫州東為汝江上流為金谿水出上幕

嶺水色如金與苦竹赤橋二水合流由夢港環城而北

江西省標○新 稿紙

江西通志稿整理組

江廣流緩清澗如湖名曰瑤湖宜黃潭水發源紫巖北

流與單嶂宜水合又北流與黃土嶺黃水合二水合而

名懸也崇仁巴水出臨川山為臨水之源東北流至嚴

陀大盤山穿唐水會之芙蓉山之書堂十洞二水分流

會於李河埠而與之合東流會華蓋山之西寧水曲折

數百里合青水東流過黃州有長橋束之水瀆則潭澗

如奔馬過左港合羅山水東流合孤嶺水北流合大浮

山水過峰山水石牛源水逕白鷺潭為臨川至西澤合

汝水其北連蔡水發源長岡出黃塘橋東流入之水比

他水獨黃人取以充漏刻無差節諸水相合由金玉

臺出烏鵲石折而北過虎頭洲至金雞城東卸三港水  
合金橋延橋二水西流入之東北流合西洛水入武陽  
水進賢通濟港水出香爐山流為九曲三藏溪灣合湖  
山之院澤水優游源北流入洪源湖一名日月湖湖有  
小山東為日西為月湖則二湖則一中有石堆蘇云日

月湖明良將出石人灘合林泉生東歷回龍洲連軍山  
湖湖延袤五十餘里北為白沙湖與南昌大沙小沙二  
湖接邑西羅溪巖水流為清溪合南陽水為青嵐湖與  
洞陽武陽合為三陽水至南昌東北入湖玉溪出懷玉  
山西流合沙溪永平溪水永豐溪源出福建寧盤亭西

江西省志卷之五 信  
江西通志稿整理組 稿紙

流入之過廣信城南為上饒江西流合儲溪水溪葛溪  
諸水皆出為又陽江一名信義港自福建卸武分流入  
之西流合明溪水過桃花灘經黃溪南茹溪水合筭溪  
湖陵戴星諸溪水過白茫洲洲上昔產鬱金香草故名  
貴溪也經安仁南為安仁江一名錦江亦名雲錦溪水  
雲蕩漾如錦也白塔河合王石烏石鵞湖河陂諸澗之  
水與之會藍溪水三源合流入之建昌之瀘溪水流首  
三十里亦入之西北流經餘干桐口難分二派西北流  
者由布村趨龍窟河受潤波水三源一出李梅峰一出  
出臨川大梅嶺一出  
王嶺皆過楸林雲霧洲至瑞洪鎮入於湖東北流者由八



字嘴又分二支一受古埠水二源一出黃溪陂炭趨馮

田過黃坊合沙港水一由破穴入市河中有越水波紋

或圓如鏡或長如練味甘且重陸羽取烹茗謂味似鏡

湖水故名越也出西津俱合珠湖趨餘河口故老云餘

干水國峯破穴別龍窟為大河塞布村則沙港西津考

大河也鄱水發源江南祁門環中合大共山之曹溪木

成炭之柏溪及柳木炭武陵炭廬溪山諸水西流出經

浮梁東之梅村始容舟三十五里合天寶水十數里合

橫槎港水至臧家灣合江家山水南合歷隆水鯉魚橋

水黃壇水枓家灣水西合大溪水洗馬橋水畫溪塢水

江西省圖書館  
江西通志稿整理組  
稿紙

流為昌江過景德鎮經饒州鄱陽南為鄱江樂平沿川

發源德興泊山下泊灘里西流與大溪合溪出江南婺

源合浙江開化宣港水至明口與長樂水合水出大茅

山石桐川橫溪瑞港出石桐源諸水至桐山港口合建節水

水出弋陽霧山下俱西流歸大溪入樂安江江水源出

徽州芙蓉嶽內河吳溪諸水皆西流入之萬年之殷河

匯竹屯河文溪南溪諸水又壽源出之九芝水注之而

入鄱江江受北珠南珠楓木角尾大雷白水諸湖之水

環饒州城西折而北至雙港口分為二一支西無棠陰

鎮出饒河口合餘干水入於湖一支西注堯山港由老

鶴港匯為烏坵湖出虬門入於湖是為東鄱陽湖湖闊  
 四十里袤三百里南跨南昌西接南康東抵饒州盡匯  
 諸江之水古稱彭蠡一名官亭一名揚瀾近都昌者為  
 左蠡湖近湖口者為土目湖北為皂湖白洋湖又北為  
 西倉湖勞渡湖為白虎塘皆在鞋山亦名大孤山上下由湖  
 口出大江比豫章水殊源同歸之大概也瑞昌蘆泉魚  
 泉石房大坂梅溪白龍諸泉瀕為赤湖流為灤溪東流  
 經九江城西入龍開河東通溫浦港白樂天驍商婦琵琶  
 處南通漣溪港宋儒周元公所勗也東流入壽陽江  
 湖口沙頭港發源黃土嶺接沙頭河入大江沙頭一名  
 麒麟河係明萬曆中增設湖口關稅商舟往來所泊易  
 以嘉名如楊港曰武曲港黃牛狀曰文昌洲老鴨磯曰  
 鳳皇磯之類是也彭澤青山大泊諸湖漲子膳脂管箕  
 橫山諸港皆瀆大江雖水之別入于江而在漢老樓章  
 郡境內亦當隨地以附見者其陂塘隄堰之廢興與夫  
 灌溉蓄洩之利詳見左方

寧都縣水道

按貢水發源於瑞金而綿水則環繞縣郭縣以綿水江名宜矣然邑志不以貢水為涇流而以貢水附綿水則亦非體夫陽都石城雲都會昌諸水未與貢會則可仍其本名既與貢會則不可不稱貢江此自然之序也今首志綿水明江之所以得名特志貢水而以綿水會之明綿水最先入貢而贛郡迤東諸州縣之涇流著矣

綿水發源縣東北黃竹嶺二十里至湖洋十里至陳石山羅漢岩十里至壬田寨納諸小溪之水又三十里抵縣治故縣名綿江瀾水源出銅鉢山達承口入雲都江

九堡水源出野湖由富村至九堡承鄉經上下關與瀾水會達承口入雲都江

江西省圖書館  
江西通志稿整理組  
稿紙

羅漢源自粵之武平金山至桃陽嶺合西山之泉引於塔陂會於湖陂達羅口與貢水會

凌溪源出香山經凌田入貢水

浮圖水一名羅水源出汀洲羅田至茅山入貢水

智水源出烏村由蕉口與寧都水會經雲溪入貢江

灘

貢水與綿水合匯為深潭前條詳貢綿二川所曰縣前潭又西半

里至石婆灘灘有石婆廟又十五里至浮橋龍灘又二里茶壺

灘大石橫截江心至險形如茶壺故名又八里至獐石灘又二

十五里至茅山灘皆貢水亦與他縣水會之灘也又三十里至

周坊五里至會昌縣受湘洪水應雲都達贛

接貢水至會昌縣與湘水合其灘曰老虎狀如虎踞距數百

武其灘曰湘洪又二十里其灘曰北洪折而東其灘曰猪肚  
坦又十里其灘曰羊角羊角灘長二里中有穿針龍鉤嘴倒  
鬚諸石最險迅又西十里曰大西坦五里曰鸕鶿十里曰佬  
口則安遠之瀟水合焉五里曰槍惶壩皆灘也又十里至龍  
化灘長二三里石鋒鋷利如刃又二十里其灘曰上橫亦盤  
截江流一線曲注又十里其灘曰梁洪梁洪長五六里中有  
九曲舟入畏焉又西流與零水合此瑞金抵陽都舟行所經  
之灘故并識之

瑞金縣水道

貢水源出福建汀州新樂山漢書註以為湖漢水屬零都湖漢水  
者貢水也漢初置縣止有零都唐始割置瑞金縣貢水西流經  
古城入縣界由黃沙至縣前與綿水合

綿水源出縣東北黃竹巖二十里至湖澤十里至陳石山羅漢巖  
十里至壬田寨納諸小溪之水又三十里抵縣治其貢水合匯  
為深潭名縣前潭半里至石婆廟灘五里至羅漢口有羅漢水  
匯之又十里至浮橋龍灘又二里至茶壺灘大石橫截溪心驚  
濤怒浪勢甚洶湧舟船上下稍不戒往往覆溺又三里至石水  
灣有三坦水匯之又五里至猴石灘又十里至武陽園又十里  
至凌田有凌溪水匯之又五里至茅山灘有浮圖水匯之又十  
里至龍門潭又十里至洛村有洛村水匯之又十里至舟坊又

五里至會昌縣與湘江合為湘江水歷寧都縣達贛城此章水

匯為贛江

霸水源自銅鉢山達承入寧都江

按外有山坑水九龍波水皆發源銅鉢山經流數十里與九堡水會以達於承口

九堡水源自野湖由富村至九堡承鄉經上下兩處瀾水會達

口入寧都江

羅溪源自身之武平金山來至桃陽嶺合西山之泉引于塔坡會

于湖波達羅口與綿江合

舊按羅溪水舊志續志俱未載今致近與支流之大者無過此溪且上下湖波灌田四千餘畝邑資其利而羅溪石橋長廣幾與雲龍雙清等不可不記

凌溪源出香山經凌田與綿江合

浮圖水一名羅水源自汀州羅田至茅山與綿江合

智水源出烏村由蕉口與寧都水會經寧都入贛江

山泉口溪發源會昌界牛皮坪至龍角匯猴于新溪入瑞界兩岸

掌聲數十仞飛流奔注響澗若殷雷漸行由山泉口濛曲而東

至下茅山入江

白沙田溪自會昌界馬鞍寨曲折至白沙田村西流過團龍寺達

旋龍入江

智鄉下壩溪發源于雲瑞分界之山莊嶺自崇坑逆折而西護田

繞麓迂迴行數十里近陳氏祠里許溪沙產金甚精土人因淘

取者眾嚴禁以保地靈流至安全隴匯齊小永坑諸小港水紆

徐曲折而出至黃坑口會梅水東下注於贛

江西省博口館  
江西通志稿整理組  
稿紙

會昌縣水道

湘水志載發源於長寧周會山由來舊矣邑人胡道宏親步湘源  
 云一發於長源項山右麓龍溪一發烏嶽嶺張坑洞與周會為  
 三面龍溪特遠以道里計之即貢水亦當以龍溪為源而新樂  
 山尚屬近支也作貢水源考按湘水自發源歷聖始石雞關石  
 新人石巡檢石下至邑城三百三十里府志所載里數綿水從  
 縣東北入湘合流至西城門外折而南越五橋復向西折而北  
 則入十八灘矣吳湘皋詩云城當二水北灘始五橋西其灘則  
 有左右犁壁老虎腦黃鯽角魚名灘形似之潘岳笙賦鯽鯢參  
 差註鯽鯢重疊也上湘洪水叫石猪肚壩北洪下湘洪新開路  
 一壘鈎灘猪牙玦江中有鱖魚壩高千丈濶六七丈頭大尾尖春  
 夏水漲旁灘俱平儼如一魚逆江水而上其形惟肖又過鸕鶿

江西通志館稿

一〇九

石為下蘆口下浩灘合江潭而濂水會焉又下為官洲壩剪刀  
 刀鉞愴惶壩穿針眼白鵝灘出峽口則有黃鰐灘刁嘴角上橫  
 灘白沙潭縣界至此一百八十里外下橫灘琢洪墨斗窄金錢  
 燕勒馬壩羊子灘車轉拗洪魚窩演灘狗脚恭喜石皆屬零都  
 地矣孟浩然有云翫石三百里而會石亦二百里鋒鏑鏗利齒  
 齒於江心水面左右手之間水駛如箭皆穿石罅激鬪而出灑  
 濟漭濘真有光搖銀海亂生花之致舟子握舵轉捩撐篙起碇  
 不敢差尺寸否則舟橫石上拗矢折才險不可救然灘師熟悉  
 者又如履平地游行自在也故曰紙船鐵船工各山溪澗小水  
 入于湘者三十一入于綿而合于湘者四入于濂溪而合于湘  
 者十有四除石頭運水流承口江合于零都江外餘皆總匯于  
 白鵝灘而以會昌峽為朝宗焉按山自大帽東西分支跨州帶

縣者然不相顧矣至於會昌峽始兩山對三左右壁聳萬仞懸崖石勢碣礧礧飛騰反覆鼓舞相追如兔起鶻落如渴驥奔泉山包水面外轉水絡谷而中下湘發東南綿發東北濂發西南始則分于三縣中則匯于一峽古人云山由一本而萬殊水由萬殊而歸一故山至此左顧右盼水至此殊途同歸恍然于大塊文章雖一卷一句其結構宏闊精密自然之中寓有一定而不可易之法故太史公徧遊天下名山大川歸作史記雄傑千古良有以也詩曰羣山萬壑赴荆門又曰兩岸青山相對孤帆一片日邊來叙山水而至于會昌峽不覺神遊其地尚想古人描寫山水情狀使人讀之而如覩也至于一縣扼塞見詳形勢各卷無庸重衍矣

貢源出於湘水考

凡水導以最遠者為源贛水之源有二東貢西章遠而貢近故經章而枝貢貢水之源則有四一出于項山之麓由龍溪地為平遠長寧界一出于武平泉嶽嶽張坑洞一出于長寧周畚山一出于汀州之新樂山項山遠而新樂近又當以項山所出之湘水為貢水之經而新樂為枝雷次宗云雖十川均流而此源最遠故獨受名焉言贛水之出于聶都山也而貢水之出於項山亦猶是矣貢水之名始於劉澄之以贛字為說此從水之委以為名也而班固漢書止云湖漢水註云水屬雩都酈道元註水經因之亦未考湖漢水出于葉山當是時瑞金會昌未建邑故概言雩都及唐折雩都象湖鎮置瑞金縣而會昌地仍屬雩都又界江廣邊徼雖有水源誰從過而問焉故後來溯貢源者遂沿已建之瑞金而上之以為出於樂新山云今攷會昌湘水

發源三處項山  
 源而項山  
 溯項山耳  
 流至筠門  
 新樂山水流至古城迺瑞金直達于會昌與湘水合共三百二十  
 十里遠近差異則當以雷氏最遠獨受之說為據而貢源于湘  
 湘源于項山龍溪明矣不得泥湖漢之水先見于漢書竟以發  
 于新樂山為一定不易之源不為之詳考而訂正也或曰瑞金  
 也多有湖澤有羅漢歲又鎮名象湖新樂之水逕歷之漢書湖  
 漢水之名意者以此歟是亦一說也然未知前漢時即果有此  
 名否千載眇視非所詳矣 邑人胡道宏志

石城縣水道	大牛崩水	出坐不崩懸崖飛瀑而下經上柏昌扶鐵爐坑水流下柏昌厓	魚骨磔龍潭踰福村抵豐山達琴口	木馬坳水	城東北八十里柏中里寧化分界水流石洞至堂下	夾筴竹坑黃柏崩二水會合	流十里繞巖前嶺麓逾磧	入峽滙魚骨磔潭至福村厓豐山達琴口	上留地水	城東北七十里柏中里水出山坳塹頭村田源流	南嶺麓滙魚骨磔合溪二水下龍潭經福村挾赤江小澗合養	馮墩水流福田至豐山達琴口	遙嶺水	城東八十里柏中里寧化分界水從茶淵重峽中流至	石壁下合溪	水至遙口厓豐山達琴口
-------	------	--------------------------	----------------	------	----------------------	-------------	------------	------------------	------	---------------------	--------------------------	--------------	-----	-----------------------	-------	------------



劉家寮水	城東五十里柏中里寧化分界水出山腰九棘排桃	株至圓沙裡匯南家庄滑石溪諸水入桃株口達豐山入琴口	牙梳山牛牯凍水	城北九十五里柏中里寧化廣昌分界山頂	天地水流下坪高崖夾礮怪石嶙峋扶鷹子岡小坪富二水導	高田匯龍跡溫家地黃沙至諸水歷淇溪遙口合遙嶺深溪水	至養馬墩匯福村水至豐山達琴口	池家坊水	城北七十里石上里廣昌分界水出山礮流東坑至	聯坊厝大琴溪流湍急灘石峻峭繞上坑至琴溪注琴口小江	桐樹嶺水	城北六十里石上里廣昌分界水從嶺腰南流楊坊	木藍上坑琴溪注琴口小江	以上八處之水經各村落支分纏析至琴口匯合為一是為	琴水琴口左上為琴溪村其水深涼作琴聲為邑八景之一
------	----------------------	--------------------------	---------	-------------------	--------------------------	--------------------------	----------------	------	----------------------	--------------------------	------	----------------------	-------------	-------------------------	-------------------------

江西通志稿整理組 稿紙

登雲峯西水	城北五十里流羅奮趨寧都杉澗	石田注瀨口	寶山水	城北四十里豐上里水出小湖頭流江下至陳家坪抵	至育口合竹子礮分水均二水全抵蜀口石里羅口注瀨口	貓尾石鼓嶺水	城北五十里豐上里水出石鑄流桐江出許坊	石田注瀨口	志誤樹均即分水均均舊	琴江匯卷下大桑坦諸水歷許坊過蓮花寨出育口抵蜀口	鐵樹均水	城北五十里豐上里廣昌界水出石峽合大小溪源	正改	流串頭山殺牛迤迤航溪出育口匯諸水至蜀口注瀨口	舊志合	豐上嶺竹子礮水	城北六十里豐上里廣昌分界水出高疎下	曰琴泉雅奏	被此誤原深潭聲不復作矣
-------	---------------	-------	-----	-----------------------	-------------------------	--------	--------------------	-------	------------	-------------------------	------	----------------------	----	------------------------	-----	---------	-------------------	-------	-------------

登雲峯水	城西北五十里豐上里亭都東龍嶺界水出東向山
腰流南橋嶺下會深溪會坊逕諸水厯小松墟至井頭出育口	
注灞口	
大夫嶂水	城西北三十里豐上里水出嶂後者流小松村與登
雲峯水合至小松墟抵井頭出育口注灞口	
出嶂前左者流百榴花岩出新橋頭羅源三吳匯於羅口注灞	
口出嶂前右者從篾竹坳流長樂匯諸水過望東源注灞口	
植樹坪水	城西三十里長上里水出山凹石罅流小鴈匯長逕
長樂諸水至望東源注灞口	<small>依水出口應載在登雲峯水</small>
以上七處之水經各村渠悉入灞口是為灞水琴水左來灞	
水右來至此合流大江過邑城下	
廖家山水	城東二十里長上里水出四山窩內流昔高田泥坑

江西通志稿整理組  
江西通志館  
稿紙

白水	下匯向在右下面坊諸水至拓口入江
苦竹坑水	城東十五里長上里水從上流芭蕉尾併諸壠細流
注大嶺陂達牛脚下入江	
吊橋排水	城東三十里水出柳家庄流石中里龍潭磔至大畚
出將軍橋注金雞石達石馬下入江	
雲嶺嶺水	城東二十里石中里水流龍嶺不至南坑匯小驛裡
石院上水	出龍舌嘴入江
九磔排水	城東十五里石中里水流燒湖下至鋪背過官橋頭
長江入江	
葉家庄水	城西十里長上里水從苦竹嶺左流唐澤嶺過大塘
源注石下鋪達白蓮橋遠迎恩防至隘前入江	
鯉魚庄水	城西十里長上里水從苦竹嶺右流龍舞井

零都縣水道

邑大江水灘附

前漢書水經注皆以湖漢為零都之水後以章貢名郡水之在

